

Абдулҳамид МУХТОРОВ

СҮНГГИ ҚҮНГИРОКДАН КЕЙИН...

Ўзбекистон Республикаси Ҳалқ таълими вазирлигининг
Республика таълим маркази ҳузуридаги “Маънавият” илмий-
методик Конгашининг 2006-йил 28 апрелдаги 1-сонли қарорига
асосан “Одобнома” ҳамда “Миллий истиқлол рояси ва маънавият
асослари” фанларидан қўшимча адабиёт сифатида тавсия этилган

Алишер Навоий номидаги
Ўзбекистон Миллий кутубхонаси нашриёти
Тошкент—2006

*Ушбу китоб бобом Мухторхон
(Оловхон) Эшонхон ўғлининг порлоқ
хотирасига баҳшида бўлсин!*

Мустақилик йилларида мамлакатимиз таълим тизимида амалга оширилган улкан ислоҳотлар нафақат ёш авлоднинг пухта билим олишини, шунингдек, ёшларнинг шахс сифатида шаклланishiни таъминлашда фоят улкан аҳамият касб этди. Ислоҳотлар жараёнида педагог кадрларни тайёрлаш, уларнинг малакасини мунтазам ошириб боришга доир чора-тадбирлар ҳам изчил йўлга қўйилди.

Бу борада матбуот олиб бораётган ишлар таҳсинга лойиқ. Республика-миз газета ва журнallарида баркамол авлод тарбиясига оид эълон этилаётган мақолаларда бевосита бугунги кун талабларидан келиб чиқилган ҳолда таълим-тарбия, одоб-ахлоқ, дунёқарашни шакллантиришга ҳамда умумисоний муаммолар аниқ ҳаётий мисоллар орқали таҳлил этиб бериладигир. Мазкур рисола ўқитувчиларга одобнома дарсларида муҳим манба сифатида қўл келса, кенг ўқувчилар оммасига ахлоқий қадрияtlарнинг турмуш ва инсон шахсидаги ўрни ва аҳамиятини тарғиб этишда муҳим манба сифатида хизмат қиласди.

© Абдулҳамид Мухторов
© Алишер Навоий номидаги
Ўзбекистон Миллий кутубхонаси нашриёти 2006

ЯХШИ НИЯТ БИЛАН

Китоб уни кимдир ўқиши учун ёзилади. Бугун китоб ёзиб бирорни ҳайратта солиш мушкул иш эмас. Бундан атиги беш-үн йил аввал бирорта қаламкашнинг пиёзнинг пўстидек брошюраси чиқса, адабий жамоатчилик ўртасида воқеа бўларди. Истеъодоли шоир Абдулла Турдиев «Мен—китоби чиқмаган шоир...», дея ҳароратли сатрларини дўстлар даврасида ўқиб юриб ўтиб кетди, ягона китобини кўришга улгурмади ҳам. Бугун энди шароит бутунлай бошқача. Китоблар тарновдан қуйилаётган ёмғир сувидай оқиб келмоқда. Албатта, улар орасида китоб деса арзийдиганлари кўп. Аммо китобномолари ҳам йўқ эмас.

Ушбу тўплам муаллифи яхши ният билан матбуотимиизда эълон қилинган бир туркум мақолаларини китоб ҳолига келтирди. Уларнинг аксариятини аввал ҳам ўқиган ва муҳаррир сифатида анчамунча жойига қалам урган бўлсан-да, яна бир бор кўз югуртириб чиқдим. Абдулҳамидинг куюнчаклиги, журналист сифатида мустақил фикр юритишга интилиши сизнинг ҳам диққатингизни тортади, деб уйлайман. Баъзи ҳамкасларимиз муайян мавзу атрофида ўралашиб қолишади. Ҳаётни шу тор доира ичida туриб кузатишиади. Тўпламдаги мақолаларда тарбия ва ахлоқ-одоб масалалари билан боғлиқ мақолалар салмоқли ўрин тутади. Жумладан дастлабки «Одамийлик кўрки» сарлавҳали мақоладан охирги «Ақл тўхтаган жойда...» сарлавҳали туркумига кирган мақолаларгача оддий инсоний одоб меъёрларидан тортиб, турмушимизда учраб турган ахлоқиззлик билан боғлиқ муаммоларгача қаламга олинган. Зеро, оддий саломлашиш одобини билмаган ўсмир бир кун келиб ахлоқий таназзулга юз тутиши муқаррар. Бу жиҳатдан муаллифнинг дарьваткор сўзи барчамизни огоҳликка чақириб айтилаётган муҳим сўз каби қабул қилинади, деб уйлаймиз.

Тўпламдаги мақолаларнинг тарбиявий ва ижтимоий аҳамиятини белгилаган асосий омиллардан бири уларнинг таъсиранлигидир. Абдулҳамид қаламга олган мавзуларни ёритишда ҳаётдан ол-

ган аниқ мисоллар таҳлилига таянган. Ушбу таҳлиллардан келиб чиққан мантиқли фикр-мулоҳазалар анъана ва урф-одатлар, қадриятларга мурожаатлар орқали мустаҳкамланиб, маърифий ва маънавий моҳият касб этади. Айни шу жиҳат тўпламнинг тарбиявий аҳамиятини белгилаб беради.

Бундан ташқари, танланган мавзулар ранг - баранг. Агар муаллиф публицистик мушоҳада маҳоратини муттасил ошира борса, фикрни содда, равон ва таъсирчан ифодалаш устида ҳали кўп тер тўкиши лозимлигини унугтаса, нимани ёзиш керак ва нима учун ёзиш кераклигига эътибор берса, ундан келажакда жиддий тадқиқотлар кутишимиз мумкин.

“Сўнгги қўнғироқдан кейин...” менда умид уйғотди. Сиз ҳам ўқиб кўринг-чи...

Аҳмаджон МЕЛИБОЕВ

ҲАЁТ — МАНГУ МАКТАБ



ОДАМИЙЛИК КҮРКИ

ёхуд саломлашиш хусусида сўз

Атрофдаги кишиларга мутлақо эътибор бермай, ўзларининг бачкана қилиқларидан уялмай бир-бирини чўлп-чўлп ўпаётган кишиларни кўп кўрганмиз. Қизиқ, халқимизнинг урф-одатларида бундай саломлашиш тарзи аввалдан бормиди ёки маданий савияси кундан-кунга “ортиб” бораётган айрим замондошларимизнинг ўзлари бу одатни “кашф” этишдими?

Бу саволлар кишини ўйлашга мажбур этади. Айни масалада мулоҳаза юритган сайин саломлашиш билан боғлиқ нохуш ҳаракатлар бирин-кетин бўй кўрсата бошлайди. Буни қарангки, саломлашиш фақат ўпишишдан иборат эмас экан...

Саломлашиш дунёдаги деярли барча халқларга хос одат, саломлашмайдиган халқ йўқ ҳисоби. Салом турли тилларда турлича талаффуз қилинади. Масалан, мусулмон аҳли учун “ассалому алайкум” (сизга тинчлик тилайман) ибораси саломлашиш ифодаси ҳисобланса, ҳиндларда “намасте” (бош омон бўлса, ҳамиша биргамиз), хитойликларда “чифан-ля-ма” (сен бугун овқатландингми?), француزلарда “бонжур” (хайрли кун тилайман), инглизларда “гуд монинг” (хайрли кун тилайман), русларда “здравствуй” (саломатлик тилайман), италянларда “Чао” (яхшимисиз), дея саломлашилади.

Агар эътибор берган бўлсангиз, ушбу саломлашувларнинг барчasi мазмунан ҳол сўрашиш, яхши тилашни англатади. Демак, саломлашиш эзгу одатлар сирасидандир. Саломлашишнинг сўз орқали ифодаланмайдиган усуллари ҳам учрайди. Масалан, бальзи бир халқларда имо-ишоралар орқали ҳам салом берилади. Хусусан, афонларнинг ўнг қўлини пешонасига текизиб, таъзим қилишини, айрим оврўпаликларнинг бош кийимини ечиб, қайта кийишини, тибетликларнинг бир-бирига тилини чиқариб тиржайиб қўйиши-ю бош иргаб қўйишларини мисол тариқасида келтириш мумкин.

Саломлашиш фақат ҳол-аҳвол сўрашишни эмас, балки кишиларнинг психологиясини ҳам акс эттиради. Эътибор берганмисиз, кимдир қўл учida, яна кимдир қўшқўллаб, бошқаси эса қўлни қоринга қўйиб саломлашади. Бундай кўришишларнинг яна кўплаб “йўл-йўриқ”ларини келтириб ўтиш мумкин. Албатта, қўл учida

кўришган кишининг ўзига бино қўйганини пайқаш қийин эмас, зеро, унинг бу ҳаракати кўришаётган биродарини ўзича менсимаётганини билдиrsa, кўшқўллаб кўришаётган одамнинг хатти-ҳаракатларидан сўрашаётган кишини қаттиқ хурмат қилишини англаб оламиз.

Энди саломлашишда талаффузнинг ўрни ҳақида мулоҳаза қилиб қўрайлик.

“Ассолом алайкум”ми, “ассалому алайкум”?

Ўзбек халқи, умуман, мусулмон олами учун беш вақтли ибодатдан ташқари, саломлашиш ҳам умумий бўлиб, бир хил — “ассалому алайкум” калимасидан иборатлигини ҳар бир киши яхши билади. Бу арабча калима “сизга тинчлик тилайман”, деган маънени англаради. Аммо уни ҳар ким ҳар хил тарзда талаффуз қиласди. Масалан: ассалом, саломалайкум, салом, ассом алайкум ва ҳоказо. Ассалом, салом, саломалайкум деганда сўзлар талаффузига бироз путур етказсада, асосий маъно бузилмайди. Аммо “ассом алайкум” дегандан саломлашишнинг туб маъносига зид мазмун юзага келади. Яъни “ассом алайкум” сўзи “сизга ҳалокат тилайман” деган маънени ифодалаб, ёмон ният ёки қарғиш маъносини касб этади. Демак, баъзи ўшларимиз томонидан талаффуз этилаётган бундай саломлашиш салбий мазмунга эгалигини уларга тушунтириш фойдалан холи эмас.

Урва (ибн аз-Зубайр) Оиша онамиздан бундай деб эшитган эрканлар: “Бир тўда яхудийлар Жаноб Расулуллоҳнинг хузурларига кириб келиб: “Ассому алайка!” — деб айтишиди. Мен уларнинг гапини дарҳол фаҳмлаб: “Алайкумумс-сому вал-лаъна!” — дедим. Жаноб Расулуллоҳ: “Ошиқмагил, ё Оиша, Оллоҳ таоло барча ишларда мулойимликни хуш кўргайдир!” — дедилар. Мен: “Ё Расулуллоҳ, уларнинг нима деганини эшитмадингизми?” — дедим. Жаноб Расулуллоҳ: “Ва алайкум, деб айтдим-ку!” — дедилар. (“Ассому алайка!” — “Сенга ўлим!” дегани).

Абдуллоҳ ибн Умар разияллоҳу аноҳу бундай деб ривоят қиласдилар: “Расулуллоҳ саллоппоҳу алайҳи ва саллам: “Башарти яхудийлар сизга салом берсаю, улардан бири: “Ассому алайка!” — деб қолса, сиз ҳам: “Ва алайка!” — деб алик олингиз!” — дедилар“.

Анас ибн Молик разияллоҳу ривоят қиласдилар: “Набий саллаллоҳу алайҳи ва саллам: “Аҳл ул-китоб сизга салом берса, “Ва алайкум!” — деб алик олингиз!” — дедилар“. (Ал жоме ас саҳиҳ. Абу Абдуллоҳ Муҳаммад ибн Исмоил ал Бухорий 22-боб.)

Зийрак ўқувчи бу ҳадиснинг маъносини илғаб олган бўлса керак. Шундай экан, саломлашганда талаффузнинг тўғрилигига аҳамият бериш зарур.

Қўл бериб сўрашиш қоидалари

Оғзаки сўз орқали ифодаланган саломлашишдан сўнг аксарият кишилар қўл бериб кўришишади. Қўл бериб кўришиш одамлар орасида ибтидоий даврдаёқ одат тусига кирган ва ҳозирда халқаро саломлашишнинг расмий шакли ҳисобланади. Қўл бериб сўрашишнинг пайдо бўлишини этнограф ва археологлар қўйидагича изоҳлашади. Ибтидоий одамлар бир-бирига дуч келганда, “Мен сени ўлдирмоқчи эмасман, қара, қўлимда тош йўқ” деган маънода бир-бирларининг қўлларини ушлаб қўйишаркан. Демак, қўл бериб саломлашиш жуда қадимдан қолган ва дунё аҳлига хос одатга айланниб кетган.

Аммо динимиз ҳамда миллатимиз турмушида аёллар билан эркакларнинг қўл бериб кўришишлари удумга айланмаган. Бироқ собиқ иттифоқ даврида ”эркаклар ва аёлларнинг тенглиги” шиори остида айрим удумлар унутилди ва айрим одатлар пайдо бўлди — жинсидан қатъи назар, қўл бериб кўришиш урфга айланба борди.

Асрлар оша инсонларни ҳидоят сари етаклаган муқаддас динимиз ва шариатимиз эркак билан аёлнинг қўл бериб сўрашишини инкор этади. Бироқ эркак билан эркак кишининг қўл бериб кўришиши ман этилмаган, аёлларнинг ҳам бир-бири билан қўл бериб сўрашиши жоиз амаллар сирасига киради. Қўл бериб сўрашишнинг ўзига хос тартиб-қоидалари мавжуд бўлиб, бу қоидалар зиёли аждодларимиз томонидан тартибга солинган инсон ахлоқининг энг олий намунасиdir.

Ҳеч қачон ёши кичик йигит ёки бола ўзидан каттага салом берганда биринчи бўлиб қўл узатмайди. Албатта, бу қоидада ҳам ўзига хос ҳикмат мавжуд. Яъни ёш йигит ўзидан каттага қўл узатса-ю аммо ёши улуғ киши қўл беришни лозим топмаса ёхуд кексалиги сабаб қўл узатишга ҳаялласа бундай ҳолда нокулай вазият содир бўлади. Демак, қўл бериб сўрашишда ҳам ўзига хос меъёрларга эътибор бериш лозим.

Булар қўйидагилар:

— эркак киши билан эркак киши қўл бериб сўрашганда аввал ёши улуғи қўл узатади. Агар ёши улуғи қўл узатмаса ёши кичиги қўл узатишдан тийилиб туради.

— аёллар ҳам ўз тоифаси билан қўл бериб сўрашишлари мумкин.
— бегона эркаклар билан аёлларнинг қўл бериб сўрашишлари ножоиздир.

Хунук қилиқлар

Ўтган асрнинг етмишинчи йилларига доир хроника лавҳаларини кузатган бўлсангиз, собиқ иттифоқнинг юқори лавозимдаги корчалонлари бир-бирлари билан қулоқлашиб, ўпишиб кўришишганига кўзингиз тушгандир. Бу қилиқ ўша давр одамлари учун оддий ҳол бўлиб, раҳбарлар, партия ташкилотларида одат тусини олган экан. "Олган экан", деб ўтган замон феълида ёзаётганимизнинг боиси шундаки, бизнинг ўзимиз ҳам у замонни ва ўша одатларни кўрмаганмиз. Юқорида ёзганларимиз эса, собиқ тузумни кўрган, унинг одатларию анъаналаридан яхши хабардор бўлган кексаларимиздан эшитганларимиз. Уларнинг айтишларича, ошкоралик даврига келиб раҳбарларнинг бу тарзда кўришишлари "партийная эротика" деган тамға остида танқидга учраган экан. Чунки бу ҳолдан чет элликлар кулган, аслида ҳам бу гайриахлоқий ҳаракат саломлашиш одоби доирасидан чиқиб кетган иллат эди.

Аммо ўпишиб кўришиш касали шу билан барҳам топгани йўқ, балки у жамиятда ўхшамаган бир ортиқча, хунук қилиқ сифатида ҳануз учраб туради. Кўча-кўйда, жамоат жойларида бир-бирлари билан ўпишиб кўришаётганларга кўзингиз тушгандир. Тўғри, уларнинг аксарият қисми Овропаликлар, аммо улар орасида миллатимиз вакиллари ҳам учрайди.

Умуман олганда, эркак билан эркакнинг, аёл билан аёлнинг ёхуд икки жинснинг бир-бирлари билан ўпишиб кўришишлари миллатимиз маънавиятига тўғри келмаслиги ҳеч кимга сир бўлмаса керак. Лекин бу ҳолнинг кундан-кунга кенг тарқалаётганини афсус билан таъкидлашдан бошқа илож йўқ. Динимизда эркак билан эркакнинг ўпишиши макруҳ ҳисобланади.

Уламолар узоқ сафардан келган эр кишиларнинг бир-бирлари билан ўпишиб кўришишларини дуруст санайди. Бироқ ҳар куни бир-бирини кўриб турувчи йигитларнинг бир-бири билан ўпишиб кўришишларини қандай тушуниш мумкин?

Ёшларимиз ўзларича фазилат санаётган бу ҳолатнинг на этика, на гигиена қоидаларига тўғри келмайдиган иллат эканлигини билишармикан?

Хулоса

Ҳар бир халқнинг ўзига хос урф-одати, анъаналари, маросимлари бор. Буларнинг барчаси турли халқлар томонидан яратилган ноёб маданият ва ахлоқ дурдоналари, дейиш мумкин. Бироқ замон ва турли даврлар ҳамда турли тузумлар туфайли бу одат ва анъаналар бир-бирлари билан қоришиб кетган вақтлар ҳам бўлган.

Бугун, айниқса, ёшларимиз орасида кўп кузатилаётган ўпишиб кўришиш одатини Европа маданиятига хос ва қисман собиқ тузум сарқити, деб қарасак нотўғри бўлмаса керак. Бундан ташқари, саломлашиш шарт бўлмаган ҳолатлар ҳам борки, буни билиш ҳар бир маданиятли, если-хушли кишининг бурчи ҳисобланади. Бундай ҳолат овқатланаётган одамларга нисбатан ва улфатларнинг сұбати қизиб турган, жамоат жойларга кеч қолтан киши, ёши улуғ одам ва эркак киши томонидан саломга қўл чўзилмаган ҳолатга тааллукли.

Фалсафа фанлари номзоди Карим Маҳмудов, ўзининг “Мехмоннома” номли китобидаги кириш сўзида “Саломлашиш, сўрашиш, кўришиш инсонга хос бўлган ажойиб фазилат, одамийликнинг кўрки, асрлар давомида таркиб топган ва кишиларнинг ўзаро алоқаларидағи тамойилларни ҳамда ахлоқий қиёфаларидағи меъёрларни ифодалайдиган белги ҳисобланади”, деб ёзади.

Демак, ҳар биримиз одамийлик кўркига муносаб бўлмоғимиз, уни турли ёт қилиқлар билан аралаштириб хира тортиримаслигимиз лозим.

СҮНГГИ ҚЎНФИРОҚДАН КЕЙИН...

Ўшанда “Маърифат” газетасида ишлаёттандим. Ижарада турган хонам бир ҳамқишлоғимнинг уйи билан ёнма-ён эди. Ишдан қайтиб келиб, кечки овқатга уринай, деб турсам, унинг катта ўғли қишлоқдан келган меҳмонларнинг олдига айтиб кетди...

Меҳмонлар билан бирор соат гурунглашиб ўтиргач, кетишга рухсат сўрадим.

— Э, сизга алоҳида гап бор. Бир масалада ёрдамингиз керак, — деб меҳмонлардан бири ўтиришга ундаdi.

— Бу йил 25 майда мактабни битирганимизнинг йигирма йиллигини нишонламоқчимиз, — дея ўртоғининг гапини давом эттириди иккинчи меҳмон. — Шу тадбирни газетада ёритишга ёрдам берсангиз!..

Меҳмонлар амакимнинг синфдошлари, бири ширкатлар уюшмасининг раиси, бошқаси автомобил савдоси билан шуғулланувчи бизнесмен. Кўз олдимга бундан қирқ йиллар нари-берисида ҳашар йўли билан гуваладан кўтарилган, бугун ночор бир ҳолатда турган — меҳмонлар ҳам, ўзим ҳам ўқиган мактабимиз келди. “Бир хўжаликнинг раиси билан унча-мунча пулга ачинмайдиган бизнесмен эринмасдан “Йигирма Йиллик” масаласида шу ерга келиб, газетага чиқишга даъвогар бўлиб туришибдими, демак, мактабга ҳам, албатта, ёрдам қилишади”, деган хаёлга бориб уларни саволга тутдим.

— Бажонидил. Хайрли иш қиласизлар-у, ёзмаймизми, албатта, ёзамиз. Ҳўш, тадбирни қандай режалаштираյпизлар?

Хонтахтанинг бир томонини ишғол этган, ўн минут аввал бир лаган паловни пақкос туширган раис чап кўзини қисганча нималарнидир хомчўт қила кетди. Бир пас ўтиб, ҳисоблаб чиқди шекилли, салмоқлаб гап бошлади:

— Хў-ў-ўш, бизлар нари-бери ўнта синфдошмиз. Шунинг учун тадбир жуда катта бўлмайди. Эллик-олтмиш килоли битта кўчкорни тандир қиласиз. Тўрт яшик ароқ оламиз...

— Тўрт яшик етмайди, — деди гапини бўлиб бизнесмен.

— Етмаса яна оламиз-да, — бизнесменга ён бериб давом эттириди раис. — Энг зўр қўшиқчиларни айтмоқчимиз. Кечкурун сой

бўйида базм бўлади, базмга фақат синф раҳбаримизни айтамиз. Муаллимларнинг бари келса... ароқ етказиб бўладими...

Хиёл ёнбошлаб, тўлиб-тошиб гапираётган раиснинг гапини бўлдим:

— Узр, ака. Мактабга нима қилаяпсизлар?

Саволим унга ғалати туюлдими ёки буни кутмаганмиди, менга ажабланиб тикилди. Мен гапим аникроқ етиб борсин деб: "Мактабга қандай ёрдам қилмоқчисизлар?", дедим.

— Қанақа мактабга? — ҳайрон бўлди у. — Бу ерда мактаб причём?

— Э, галварс, шунгаям тушунмадингми? Ўқитувчиларга оладиган совғаларимизни гапирсанг-чи! — орага суқилди бизнесмен.

— Ҳа-а-а, — раиснинг гўштдор юзи ёйилиб кулди. — Синф раҳбаримизга тўн олајпмиз. Йигирма беш мингларга. Шу-у-у...

Сұхбатимиз бошида хаёлимга келган фикрдан кулгим қистади. Амакимнинг синфдошлари "Йигирма йиллик" қилса мактабни таъмирлаб берар ёки абгор аҳволдаги кутубхонасига китоб совға қилар, жуда бўлмаса дарслик сотиб олишга қурби етмайтган тўрт-беш ўқувчига дарсликларини олиб берар, уларнинг кўрсатган ҳимматини мен газетага ёзаман-да, деб ўтирибман-а...

Меҳмонларни ранжитиб қўймаслик учун кулгимни зўрға босиб, уларни яна саволга тутдим:

— Ақалар, ароққа, ашулачига, хуллас, базмга қанча пул ажратдинглар?

— Ароққа икки юз, қўйга саксон, — қўлидаги қоғозга қараб жавоб бера бошлиди меҳмонларнинг собиқ синфдоши, яъни уй эгаси. — Дастурхонга юз эллик, ашулачиларга эллик, жами тўрт юз саксон минг.

— Синф раҳбарингизга йигирма беш минглик тўн, мактабга эса "Катта раҳмат", шундайми? — кесатдим мен.

Хайрият, шунча вақт "кўпирган" раис ниҳоят кесатиқни пайқади.

— Нима, бу сизга ўтиришмадими?

— Ўтиришмади, — очигига кўчдим мен. — Тадбирингиз айнан сиз айтгандай бўлациган бўлса газетага ёзолмайман. Чунки фалончилар мактабни битирганининг йигирма йиллигини тўрт яшик ароққа битта қўчқорни газак қилишиб нишонлашди, деган гап фақат ҳажвия бўлиши мумкин...

Улар лаб буришди...

Хуллас, амакимнинг синфдошлари “йигирма йиллик”ни ўтка-зишди. Мен ҳам қишлоқда эдим, “тадбир”нинг бир қисмига гувоҳ бўлдим. Бу ҳақда ҳажвия ҳам ёзмоқчи эдим. Аммо...

* * *

Бу воқеани мушоҳада қиласар эканман, хаёлимга кейинги пайтларда урфга айланган ”битириш кечা“лари ва ҳар хил юбилейларни ўтказишида меъёрни унтутиб кўймаяпмизми, деган фикр келди. Хуш, бундай тадбирлардан аслида мақсад нима?

Келинг, бу саволларга биргаликда жавоб излаб кўрайлик.

Ер юзида яшовчи барча ҳалқлар бирор-бир муваффақиятларини ўзига хос тарзда нишонлашга ҳаракат қилишади. Бу яхши одат бизга ҳам хос. Ҳусусан, йиллар ўтиб илм сирларидан сабоқ берган мактабингга ташриф буюриш, “кўзни очиб ҳарф танитган” устозларни йўқлаш эзгу амал. Албатта, бунда ҳам меъёр сақлангани тузук. Чунки...

Яқинда тўққизинчи синф битириувчиларининг базмига гувоҳ бўлдим. Столда турли-туман ичимликлар, икки-уч хил овқат, ашулачилар хизматда...

Чамалаб кўрсам, шу базмга кетган ҳаражатга бемалол тўй ўтка-зиш мумкин. Мен битириувчиларни айбламоқчи эмасман. Лекин эндигина ўн беш-ён олти ёшни қоралаётган йигитчаларнинг базм баҳона ароқ ичишини-ю бунга ота-оналарнинг лоқайд қарашини оқлад бўлмайди. Ўн биринчи синфни, лицей ёки коллежни битираётган ўн етти-ўн саккиз ёшли йигитлар ҳам бундай одатдан мустасно эмас. Мактабни тутагтунга қадар — ўн бир йил ичкиликнинг ёмонлиги ҳақида вазъ-насиҳат эшитиб келган ўқувчи ўқитувчиси билан қадаҳ уриштиради... Бу ҳолат бутун ёз давомида минг машаққатлар билан йиғилган фарамга ўт қўйиб юборишдай аҳмоқона ишни эслатмайдими?

Миллатнинг келажаги мактабга боғлиқ. Агар аҳамият берсак, дунёнинг ривожланган мамлакатларида мактабга катта эътибор қаратилишига гувоҳ бўламиз. Бизда ҳам шундай жараён давом этяпти. Беш, ўн, йигирма ва ҳоказо “йиллик”ларни нишонлаётган собиқ битириувчилар базмларга сарфлаётган минг-минг пулларининг бир қисмига бадиий китоблар, дарсликлар олиб мактаб кутубхонаси-ни бойитиши мумкин-ку!..

Ҳалқимиз ҳар бир ишда, тадбирда бошқаларга ўрнак бўлиб келган. Умид қиласизки, битириувчилар ўтказаётган, гоҳида меъери-

дан чиқиб кетаётган тадбирлар ҳам ўз изига тушиб, атрофдагиларга намуна бўларли даражадаги маросимга айланади.

Албатта, бунда ўқитувчилар ва ўқувчилар, ота-оналарнинг оқил иш юритишлари мұхим. Балки “сүнгги құнғироқ”, “үн” ёки “йигирма” йиллик битирув тантаналарини мактаб маъмурияти билан келишган ҳолда, ортиқча истрофарчиликка йўл қўймай, имкониятга қараб сарфланаётган маблағнинг бир қисми мактаб фондига ажратилса ғоятда маъкул иш бўларди.

Республикамизда мактабларнинг сони ўн мингга яқинлигини назарда тутсак, мамлакат миқёсида ҳар йили кам деганда йигирма мингга яқин ана шундай тадбирлар бўлиб ўтади. Улардаги сарф-харажатни пулга чаққанда миллиардларни қоралайди.

Албатта, ўз пулинин нимага сарфлаш ҳар кимнинг ўз ихтиёрида. Аммо битирувчилар орасида шу маблағни мактаб манфаатларига ажратишни тарғиб-ташвиқ қилиш савоб бўлса савобки асло гуноҳ эмас.

...Ўша саксон мингга олинган қўчкор тўрт яшик ароққа газак бўлиб кетди ва бундан саноқли кишилар нафсларини қондиришиди, холос. Ачинмай бўладими, саксон минг, мактаб кутубхонасига қанча зарур китобларни совға қиласа бўларди. Бу китоблар йиллар давомида ёш авлоднинг билимини оширишга хизмат қиласарди. Гап мана шу ҳақиқатни бигитирувчилар ва собиқ ўқувчилар онгига етказишида...

МИЛЛАТНИНГ ЮЗИ

Муаллим миллатнинг юзи, деган гапни ким айтган бўлсаям топиб айтган. Болалигимиизда муаллимларимизга ҳавас қиласардик, улардай жиддий, ақлли бўлишга интилардик. Ҳалигача кўз олдимда — бошланғич синфда дарс берган муаллимамиз ҳамиша узун кўйлак кийиб, рўмол ўраб юрарди. Бошқа аёл ўқитувчиларимиз ҳам ундан қолишмасди. Ҳеч қачон уларнинг бўйнида ёки кўлида ялтироқ тақинчоқ тақиб юрганини кўрган эмасман.

Мен ўтган даврларни кўмсаётганим йўқ. Фақат бугунги ўқитувчи билан кечаги ўқитувчини қиёсламоқчиман, холос. Исбот талаб қилмайдиган бир ҳақиқат бор: ўқувчи ўзини тутишда, кийинища ва ҳаттоқи фикрлашда ҳам ўқитувчидан ибрат олишга ҳаракат қилади. Биз ўқитувчиларимиздан ибрат олар эдик. Аммо бугунги ўқувчи ўқитувчисидан ибрат олармикан?

Бир қараашда, кишининг кўнглига оғир ботади бу савол. Бироқ унга жавоб беришга мажбурмиз. Қишлоқ мактабларини қўя турайлик. Шаҳар мактабларида мини юбка, кўкраги очиқ кофталар кийиб дарс бераётган аёл ўқитувчилар пайдо бўла бошлади. Яна уларнинг қимматбаҳо тақинчоқларни тақиб, пардоз-андозни меъеридан ошираётгандиллари ҳам кўз юмиб бўлмайдиган ҳақиқат. (Балки ўқитувчилар учун маҳсус форма керакдир.)

Тасавур қилинг: ана шундай муаллималар ўз ўқувчиларига миллий қадриятлар, одоб-ахлоқ борасида дарс ўтса, ўқувчилар унинг гапларига ишонишармикан? Ахир, сўз тақвоси, яъни амали билан қадрли дейишишади-ку!

Куйидаги ҳикоят ҳалқ орасида оғиздан-оғизга кўчиб юради. До нишманднинг олдига бир киши келиб ўғли ҳаддан ташқари шириликни кўп истеъмол қилишини айтиб, унга бир-икки оғиз насиҳат қилишини ўтиниб сўрабди. Донишманд бироз ўйга толибди-ю сўнгра тўрт ҳафтадан сўнг келишини айтибди. Бу муддат туғагач, ота-бала яна унинг ҳузурига келишибди. Донишманд шириликни кўп ема, унинг мана бундай зарари бор, дея бор-йўғи уч-тўрт оғиз насиҳат қилибди. Боланинг отаси бундан ажабланиб: “Шу тўрт оғиз гапингизни биринчи марта келганимиздаёқ айтсангиз бўларди-ку, бизни икки марта овора қилиб ўтирумай”, дебди. Шунда донишманд бундай деб изоҳ берган экан:

— Сиз биринчи марта келганингизда ўзим ҳам ширинликни кўп истеъмол қиласдим. Амал қилинмаган сўзнинг таъсири бўлмайди. Қолаверса, ўзимни тиёлмаган ишдан, ўғлингизни қайтаришдан уялдим.

Бундай устозлар ҳозир ҳам йўқ эмас. Аммо ўқитувчилик шаънига дод тушириб қўяётганлар ҳам кўзга ташланиб қолаяпти. Янглишмасам, ҳазрат Фаззолий асарларида шундай гап бор: “Устоз ўз шогирдига берган илми учун мол-дунё таъма қилмайди. У илмни савоб ва Оллоҳнинг розилиги учун беради”. Дарҳақиқат шундай, ана шу талабларга жавоб берган инсонгина устозлик мартабасига лойикдир.

Ҳа, устозлик фидойиликдир. Фидойи одамгина ўз шогирдларига ҳеч қандай ғаразисиз таълим беради. Лекин бундай кишилар бугунги ўқитувчилар орасида қанчани ташкил этади?

Яна бир оғриқли муаммо шундаки, жойларда ўқитувчиларга отоналар ва ўқувчилар томонидан турли совға-саломлар инъом этиш урф тусига кириб бораётпти. Бу ҳолнинг одатга айланаб қолиши яхши оқибатларга олиб келмайди. Ҳалқимизда беш кўл баробар эмас, деган гап бор.

Яқинда бир бойвачча ўғлининг ўқитувчисига тилла зирак ҳадя қилибди. Шундан сўнг бошқа ўқувчилар ҳам ота-онасини қистибастига олишиб, ўша бойваччаникidan қолишмайдиган совға-салом олдирибди. Бу гап шунчаки миш-миш эмас. Бўлган воқеа. Энди бир ўйлаб кўрайлик, ўқитувчига фалон минг сўмлик совға ҳадя қилган ота-она ўша маблағни топища қийналиб қолмадимикан?

Буларни ёзишдан мақсад отадай улуф ўстоз шаънини ерга уриш эмас. Балки уларнинг орасига янгиш кириб қолган, ўз бурчидан кўра шахсий манфаатни устун қўяётган айрим ўқитувчиларга омманинг эътиборини тортиш, улар томонидан “совға”, “ҳадя” каби “тадбир”ларнинг уюштирилишига чек кўйишига ундаш.

“Ўзбекистон адабиёти ва санъати” газетасида таниқли журналист Аҳмаджон Мелибоевнинг “Миллат шаъни” деб номланган мақоласи эълон қилинди. Унда ёзилишича, француз актёри Луи де Фюнес 100 миллион доллар гонорар таклиф қилишларига қарамай, ўз миллатининг шаънига тўғри келмайдиган образни ўйнашдан воз кечади. Чунки миллат шаъни актёр учун 100 миллиондач қимматроқ, эҳтимол, бебаҳодир. Бу далилни ўқиб ўйга толдим. Наҳотки, миллат шаъни, касб шаъни, бурч масъулияти ҳақида кам ўйладиган бўлиб қолдик...

ИНТЕРНЕТ КАФЕДАГИ БОЛАЛАР

- *Хитой ҳукумати болаларга зўравонлик ва шу каби иллатларни тарғиб қилувчи ўйинларни ўйнашга имкон бергани учун 1600 та интернет-кафени ёпди.*
- *Шанхай шаҳри маъмурияти интернет-кафелар фаолиятини назорат этиши учун 850 000 АҚШ доллари ажратди.*
- *Интернет-кафеларда ҳеч қандай назоратнинг йўқлиги боис болалар 250 ёки 300 сўм эвазига хоҳлаган жанрдаги фильмларни кўришилари мумкин...*

Одатдагидек иш кунларининг бирида, хонамнинг эшиги очилиб, икки нафар йигитнинг бўйи кўринди. Уларни ичкарига таклиф қилдим. Салом-алиқдан сўнг “материал” олиб келганларини айтишиб, қўлимга икки-уч қоғоз қўлёзма тутқазиши. Ҳозир бошқа иш билан бандлигимни, кейинроқ албатта ўқиб чиқишимни айтиб, улар билан хайрлашдим.

Вақти келиб қўлёzmани ўқишга тутиндим. Муаллиф интернет-кафеларнинг салбий жиҳатлари ҳақида сўз юритган ва уларни ёпиш таклифини айтганди. Ўланиб қолдим. Интернет-кафелар фаолиятини, салбий оқибатлари туфайлигина тақиқлаш нотўғри бўлмасмикан? Чунки инсоният минглаб йиллар давомида айнан тақиқланган нарсаларга катта рағбат кўрсатиб келган.

Аммо муаллифнинг хавотири ҳам ўринсиз эмасди. Ҳақиқатан интернет-кафеларнинг салбий жиҳатлари йўқ эмас. Шуларни ўйлар эканман, бу мавзу билан изчил шуғулланиб, мақола ёзишни ният қилдим. Бу борадаги дастлабки ишни уйим яқинидаги интернет-кафега кириб мавжуд аҳволни кузатишдан бошладим.

“Кафе”да 15га яқин компьютер бор. Уларнинг ўндан ортигини болалар эгаллашган. Деярли ҳаммаси отишмали ўйин ўйнаш билан овора. “Кафе” маъмурининг эътиборини тортдим шекилли, бу ерда қолиш ёки қолмаслигимни сўради. Мен олдиндан ҳисоб-китоб қилиб, тунги соат 23.00дан эрталабки 7.00гача битта компьютер учун 1000 сўм тўладим.

Интернет-кафеда тунда қолувчиларнинг ярмидан қўпи болалар экан. Компьютерга ўтираканман, атрофдагиларни яна бир бор кўздан кечирдим. Кимдир ўйин ўйнамоқда, кимдир кино томоша қилаяпти(кинолар ҳар хил жанрда: жангари, секс, комедия ва ҳока-

зот...), яна кимдир ёзув-чизув билан банд. Ёнимдаги компьютерда отишмали ўйин ўйнаётган бола эътиборимни тортди. Унинг бир қовоғи пир-пир учар, жуда асабий, экрандаги “душман” и ўқ узганда бўйинни ичига тортиб, пусиб олар, бордию ўйиндаги қаҳрамонини душман томон “отиб” кўйса, ўзини кўйгани жой топилмас, столни муштлар, сўкинарди.

Аввалига унинг бу ҳолига кулгим қистади. Бор-йўғи ўйин ўйнаяптию, нега бунча куйиб-пишмаса, худди ўзи ўқ егандай жаҳли чиқади-я! Қани, мен ҳам шу ўйинни ўйнаб кўрай-чи, деган фикр билан “Red Alert” (Қизил алянс) деган ўйинга кирдим. Ў-хў, ёнимдаги боланинг устидан бекор кулган эканман. Ўйиннинг биринчи босқичидан ўтгунча бўларим бўлди. Агар ўшаңда мени кузатгандар бўлса, қанчалик қаттиқ асабийлашганимни айтиб берардилар.

Ўйинда одам ўлдирасан, бундан ҳузур қиласан, завқ оласан. Ўйинни давом эттириш азоб. Асаб ҳужайраларинг курбон бўлади. Гоҳида “душман” “ўзинг”ни “отиб кўйса”, аламинг, ғазабинг, ҳатто йиғлагинг келади. Кўзингга қон тўлиб, “душманларинг”дан қасос олиш учун яна ўйинни бошидан бошлайсан. Аламингни клавиатурадан оласан. Лекин муваффақият билан олга жилолмайсан, ҳар бир босқичта ўтиш мислсиз асабийлашиш, азоблар эвазига рўй беради. Бу ҳолат менга мазоҳизмнинг янги кўрининишига ўхшаб тујолди. Ўйин орқали ўз-ўзига азоб бериш. Ана шу азобдан лаззатлануб уни давом эттириш...

Кимдир елкамга кўлини кўйди. Ўгирилиб қараб, маъмурни кўрдим. Атрофда ҳеч ким қолмаган, соат эса эрталабки саккизни кўрсатиб турарди! Шунда, бутун тун давомидаги тўққиз соат мобайнида экран қаршисида ўтирганим, ўйин бўлса ҳалигача тугмаганлигини англадим. Унинг охиригача неча босқич қолгани мени қизиқтирарди. Маъмурга “Яна озгина ўйнай, тугаб қолди шекилли”, десам, бош чайқаб, бу ўйинни тугатиш учун камида яна бир сутка вақт кераклигини айтди. Унинг маслаҳати билан уйга қайтдим.

Ҳақиқий азоб ана шундан кейин бошланди. Уйқу босиб келар, аммо кўзларим юмилай демасди. Бошимнинг орқа қисмида қаттиқ оғриқ турган. Кўл-оёқларим мадорсиз. Икки кун бир нарсани йўқотган одамга ўхшаб юрдим. Бошим гувуллаб, “компьютер касали” билан оғриб ётсам-да, ўйиннинг чала қолган қисмини ўйлаш билан банд эдим.

Шу тариқа, интернет-кафенинг салбий жиҳатини шахсан ўзимда синаб кўрдим. Мен-ку, ўзимни босиб олган, зарарли нарсалардан

қочадиган йигитман. Аммо эндиғина етти-саккиз ёшга кирган ёки ўсмирлик остонасига қадам босган ёшлар-чи? Улар бундай ўйинларнинг заарини онгли равишда англашармикан? Бир хил ёшларнинг ўта асабий бўлиб қолаётганларига ана шундай ўйинлар ҳам сабаб эмасмикан?

Бунга бефарқ қараб бўлмайди. Бошқа давлатларда аллақачон интернет-кафелар фаолияти қаттиқ назорат остига олинган. Биргина мисол: *Хитой ҳукумати болаларга зўравонлик ва шу каби иллатлар билан боғлиқ ўйинларни ўйнашга имкон берганлиги учун 2004 или 1600 интернет-кафе фаолиятига чек қўйиб, 12 миллион доллар миқдорида жарима солди. Бу мамлакатда интернет-кафелар тунда ишламаслиги тўғрисида қарор қабул қилинган. Айнан мана шундай қарорлар назорати учун Шанхай шаҳри маъмурияти 850 000 АҚШ доллари миқдорида маблағ ажратган.*

“РИА-Новости” ахборот агентлиги тарқатган хабарларга кўра, бундай қонун-қоидалар АҚШда ҳам жорий этилган. Европа мамлакатларида эса, интернет-кафелар ўз фаолиятларини қатъий режим асосида олиб боради.

Бу маълумотларни бежиз көлтирмадик. Мугасаддилар ўз эътиборларини айнан шу масалага қаратса, фойдадан холи бўлмасди. Чунки “компьютер васвасаси” шунчаки қўл силтаб қўядиган иш эмас. Буни Японияда беш нафар йигит-қизнинг ўз жонига қасд қилгани ҳам исботлаб турибди. (Дунё миқёсида бундай ҳолатлар тез-тез кузатилмоқда.) Ўшанда беш нафар йигит-қиз интернетдаги худкушлар сайти таъсирида бир вақтда ўз жонларига қасд қилишга келишишган ва буни амалга оширганлар.

Интернет мухлисларининг ҳафсаласини пир қилмоқчи эмасман. Юқоридаги гаплардан компьютер клубларидан фойдаланмаслик керак экан, деган хulosा чиқмаслиги лозим. Компьютер ҳам, интернет тармоғи ҳам инсоннинг бир қанча мушкулини енгил қиласди. Ундан хоҳлаганча фойдали маълумотлар олиш мумкин. Аммо болаларни назоратсиз қолдирмаган маъқул. Зўравонлик, ваҳшийликни ўзида мужассамлаштирган ўйинлар бола психологиясига салбий таъсир кўрсатади. Қолаверса, айнан шундай ўйинлар замира ишувчиликни ташвиқ қилиш мақсадлари ҳам йўқ эмас. Бу бир томони; иккинчи томондан эса, интернет-кафеларда хоҳлаган жандаги фильмлар мавжуд. Энг ёмони, ана шу фильмлар устидан назорат йўқ. Интим ҳаёт тўғрисида ҳеч қандай маълумотга эга бўлмаган болакай бу ерда 250 ёки 300 сўм эвазига бемалол секс-фильмларни кўриши ёки порнографик ўйинларни ўйнаши мумкин.

Бу эса бола онгигда интим ҳаёт ҳақида мутлақо нотўғри тасаввур уйғотади. Ҳаттоқи, нотўғри турмуш тарзини танлашга олиб келади.

Хўш, булар одамни ташвишга соладими ёки йўқми?

Албатта, ташвишга солади. Чунки боланинг келажаги бу ерда бой берилиши ҳеч гап эмас. Қандайдир чора-тадбирлар кўриш кепрак. Бутун муаммо ҳам ана шунда. Балки, ушбу мавзунинг кўтарилишига туртки берган талаба ҳақдир. Интернет-кафелар фаолиятини тақиқлаш керақдир.

Йўқ, асло. Бу бургага аччиқ қилиб кўрпага ўт кўйишдай бир гап. Хоҳдаймизми-йўқми, ахборот алмашишда интернет-кафеларнинг хизмати беқиёс. Қолаверса, бугунги тамаддун компьютерлар билан чамбарчас боғлиқ. Шундай экан, интернет-кафелар фаолиятини тақиқлаб бўлмайди, бироқ...

Секс-фильмлар ва бола психологиясига салбий таъсир қилувчи ўйинларни интернет-кафеларнинг марказий компьютери хотирасидан олиб ташлаш лозиммикан?..

Соҳа мутасаддилари бу борада чуқурроқ ўйлаб кўрсалар, мақсадга мувофиқ бўларди.

НОГИРОНЛИККА САБАБЧИ НИКОҲ

Муттафаккирлардан бири, “Фарзанд тарбиясини у туғилишидан анча олдиг – келин танлашдан бошлиш керак” деган эди. Бу ҳикматга қулоқ тутгувчилар кам бўлмаяпти, аммо унинг аксини қилганлар аксариёт ҳолларда ногирон фарзандларга ота-она, ногирон неварадарларга буви бўлиб қолаяпти. Сабаби – келин танлашда йўл қўйилган хатолик, яъни яқин қариндошдан қиз олишилик. Аянчили томони шундаки, хатоликни англаб етганда кеч бўлади. Афсуски, уни тузатиб бўлмайди. Қариндошлик никоҳининг меваси бўлиб дунёга келган ногирон гўдак олдида ўзни айбдор сезишдан ҳеч қандай наф йўқ...

Яъкин қариндошлар никоҳидан туғилган гўдакнинг тўрт мучаси ҳамиша бут бўлавермаслиги кўпчиликка маълум бўлгани ҳолда, шу ишни ихтиёр этувчилар ҳамон топилишини қандай тушуниш мумкин?

Бу гапларнинг ҳаммаси сафсата, ана фалончининг оиласида ҳамма соғлом-ку, дейдиганлар кўплаб топилади. Бироқ улар зоҳирий хуросага таянувчилардан ўзгалар эмас. Қариндошлик никоҳининг салбий жиҳатлари ЮНЕСКОнинг “Ипак йўли” радио лойиҳаси сайтида журналист Бинафиша Қаландарованинг боласи ногирон аёл ва унинг отаси билан қилган сұхбатида атрофлича очиб берилган. Келинг шу сұхбатта бир қулоқ тутайлик:

- Нима сабабдан тоғангизнинг ўғлига турмушга чиққансиз?
- Ота-оналаримиз шуни хоҳлашган.
- Йаҳотки, улар қариндошларнинг никоҳи яхши оқибатларга олиб келмаслигини билишимаган?
- Билмадим. Аммо биз тиббиёт текширувидан ўтаётганимизда докторлар “Қариндош эмасмисизлар?”, деб сўрашган. Биз буни яширганмиз. Чунки улар қариндош бўлсаларинг тўй бўлмаслиги керак, дейишган.
- Фарзандингиз соғлом туғилганими?
- Тўйдан кейин икки йил ўтиб ўғилли бўлдик. Аммо ногирон туғилди. Икки ёшга тўлдию ҳаракати йўқ. Бошини тутолмайди. Докторлар қариндош бўлганиларинг учун шундай бўлган, дейишиди.
- Ота-онангиз буңдан афсусдами?
- Онам акамга қиз бериб бекор қилибман, дейди.
- Яъкин қариндошлар никоҳи ҳақида нима дейсиз?

— Бегона бўлгани яхши. Қариндош бўлиб нима бўлдик. Болам шунаقا туғилганида жуда сиқилдим. Ҳар нарса деб овундим. Баъзан ўзимни қўйгани жой тополмайман, юракларим сиқилиб кетади. Қариндошларнинг турмуш қурмагани яхши. Махалла-кўй, ҳамма бундай никоҳга йўл қўймаслиги керак...

* * *

— Қизингизни қайнингизга келин қилиб бериш фикри кимдан чиқсан?

— Куёвнинг бувалари васият қилиб кетганлар. Васиятларига қарши чиқолмадик.

— Нега бундай васият қилган бўлиши мумкин?

— Келажакда қариндошлар бир-бiri билан аҳил-иноқ бўлсин деганлар-да.

— Қариндошларнинг никоҳидан туғилган фарзанд ногирон бўлиши мумкинлигини билмасмидингиз?

— Энди билдик. Илгари шунаقا қудачилик кам бўлар эди. Ҳозир кўпайиб кетяпти. Ака-укалар ҳам қуда бўлишяпти. Кўпчилиги фарзанд бўлмай ажраб кетишяпти. Қариндош-урӯғ қуда бўлмагани яхши экан-да. Чунки аксарият ҳолларда носоғлом бола туғилар экан.

— Бундай ҳолатнинг олдини олиш учун нима қилиш керак, деб ўйласиз?

— Бунга кўпинча ота-оналар сабабчи бўлишади. Улар яхшилаб ўйлаб кўрсалар маъқул бўларди. Диндорлар ва дўхтирлар томонидан тушунтириш ишлари олиб борилиши керак...

Бу икрорларда қалбни ларзага солувчи афсус-надомат, алам ва армон, пушаймонлик ва аччиқ ҳақиқат жо бўлган. Динимиз ҳам, табобат ҳам яқин қариндошларнинг никоҳини маъқулламайди. Буни республика “Оила” илмий-амалий маркази томонидан 2002 йили Бухоро, Навоий ва Хоразм вилоятларида олиб борилган тадқиқотлар ҳам исботглаб берган эди. (Тадқиқотда уч вилоятдан ногирон болали 600 оила иштирок этган.) Ўша йили қариндошлар никоҳи Бухоро вилоятида 38,7 фоиз, Хоразм вилоятида 45,9 фоиз, Навоий вилоятида эса 27,3 фоизни ташкил этган. Тадқиқот ҳисоботида “Сўровнома ўтказилган оиласлар ҳақидаги маълумотларнинг таҳлили шуни кўрсатдики, ота-оналарнинг 23,6 фоизини, бува-бувишларнинг 16,4 фоизини қариндош-урӯғлар ўртасидаги никоҳлар ташкил этади. Бу эса аксарият ҳолларда, ривожланишда бирон-бир нуқсони бор ногирон бола туғилишининг асосий сабабларидан биридир”, дейилган.

Ўрганилган ногирон болаларнинг 40 фоизи қариндош-уруглар хосиласига тўғри келади. Айнан ўша йили Ҳоразм вилоятида қариндошлик никоҳи туфайли туғилган ногирон болаларнинг 29,9 фоизи “нерв-рухий тизим бўйича”, 12,6 фоизи “таянч ҳаракати тизими бўйича”, 21,8 фоизи “кўз касалликлари бўйича”, 8,0 фоизи “кар-сақов”, 11,5 фоизи “қон касалликлари бўйича” ногирон деб топилган. Тадқиқот хулосасида қариндошлар никоҳи туфайли ногиронлар сони ортаётганлиги алоҳида таъкидланиб, жойларда никоҳ масалалари ва оила саломатлиги муаммоларига жиддий ёндашиш ҳамда аҳоли ўртасида тарбибот ишларини кенг миқёсда олиб бориш, аниқ чора-тадбирлар ишлаб чиқиш лозимлиги айтилади.

Таассуфки, бу гаплар деярли қофозда қолиб кетмоқда. Чунки маҳалла қўмиталари, оммавий ахборот воситалари бу борада етарли ишларни амалга ошираяпти, деб бўлмайди. Қариндошларнинг куда-андачилиги эса давом этмоқда...

Республика “Оила” илмий-амалий маркази катта илмий ходими Даврон Холиқов билан суҳбатда бу борадаги яна бир қанча жиҳатлар ойдинлашди.

— Аксарият кишилар, — дейди Д.Холиқов, — ногиронлик нозоологик ҳолатда намоён бўлгандагина жиддий эътибор қаратишади. Аслида камқувватлилик, бўйи пастлик, ўта узунлик, зеҳнисизлик, шайтонлаш каби аломатлар ҳам ногиронлик сирасига киради. Ногиронликнинг бундай кўринишлари қариндошлик никоҳидан туғилганларда кўп кузатилади. Табобатда ногиронликнинг сабаблари уч турга бўлинади. Қариндошлик никоҳи шу сабаблардан биридир. (Бошқа сабаблари: экологик таъсир ва ортирилган ногиронликдир.) Бир неча йил муқаддам марказимиз Чуст туманинг Олмос қишлоғида тадқиқот ўтказган эди. Натижада ушбу қишлоқда яшовчиларнинг аксари бегоналар билан куда-андачилик қиласлиги маълум бўлди. Қишлоқ аҳли бир-бири билан жуда яқин қариндош бўлиб кетган. Болалар орасида ногиронлик юқори.

Қариндошларнинг бир-бири билан куда бўлишлари сабабларига келсак, улар турлича. Оиланинг мол-мулкини бегонага қолдири-маслик, оға-инилар орасидаги яхши қизни қўлдан чиқармаслик ва камхаржлик туфайли, қалин, сеп, тўй ва тўйдан кейинги турли маросимлардаги харажатларни қисқартириш мақсадида қариндошлар куда бўлишмоқда.

Аммо бу сабаблар билан уларни оқлаб бўлмайди. Келажак авлоднинг саломатлигини гаровга қўйиш эвазига турмуш курмаслик

керак. Соёлом авлоднинг шаклланишида ушбу масалага эътибор қаратиш муҳим аҳамият касб этади. Соҳибқирон Амир Темур бе-жиз келин танлашга катта аҳамият бермаган. Бу анъанани бугун ҳам давом эттириш фойдадан холи бўлмайди.

Ҳаёт ҳам, соғлик ҳам Оллоҳ томонидан инсонга берилган бебаҳо неъмат. Уни сустеъмол қилишга ҳеч кимнинг ҳаққи йўқ. Биз фақат бўлажак авлод тарбиясига, балки соғлигига ҳам бирдек масъулмиз. Шундай экан, яқин қариндошларнинг оила қуришига индамай қараб туриш дунёга келадиган гўдакнинг ногирон бўлиб туғилишига ота-онаси билан баробар тарзда сабабчи бўлиш демакдир.

ҚУРБАҚАНИНГ ЎЛИМИ

Бунга сабабчи бўлган омил инсон учун ҳам ҳалокат манбаидир. Ўқувчи илм олишга лоқайд бўлса, бу аянчли ҳол. Аммо фожеа эмас. Чунки унда билим олишга қизиқиш уйғотиш, ундаги лоқайд-ликни йўқ қилиш мумкин. Бироқ ўқитувчи ўз ишига лоқайд муносабатда бўлса-чи? 45 минутлик дарсни наридан-бери ўтказиб, ўқувчиларнинг қимматли вақтини елга совурса-чи? Ана энди буни фожеа десак бўлади. Негаки, ёш авлодга илм бериши, оқу қорани танитиб, дунёни англатиши лозим бўлган одам лоқайдликка йўл кўйди.

Яқинда бир танишим ҳасрат қилиб қолди: “Стол теннисини олий ўқув юртига ўқишига кирганимдан сўнг ўргандим. Бўш вақтимда теннис ўйнашни одат қилдим. Таътилда қишлоққа қайтдим-у, анча зерикаб қолдим. Чунки қишлоқда теннис столи йўқ эди. Бир куни бизга жисмоний тарбиядан сабоқ берган ўқитувчимизни кўриб, у ёқ-бу ёқдан гаплашдик. Гап орасида стол тенниси билан шуғулланаётганимни, бу борада анчагина ютуқларни қўлга киритганимни айтиб, у кишига шу теннис столларидан мактабга ҳам олса бўларкан, ўқувчилар фақат копток тепиб юрмай, спортнинг яна бир турини эгаллашарди, дея таклиф киритдим. Ўқитувчимиз бўлса, хотиржамлик билан мактабда теннис столи борлигини айтди. Мен ажабландим. Ахир 11 йил давомида уларни бирор марта кўрмагандим-да. Яқинда олишганмикан, деган фикрга бориб, қачон олганларини сўрадим. У киши “Сизлардан олдин ҳам бор эди, омборхонада икки комплекти очилмай турибди”, деб жавоб қилди.

Буни қаранг, мактабга қарийб ўттиз йил олдин икки комплект теннис столи келтирилган ва шунча вақт давомида омборхонада чанг босиб ётаверган. Фақат биз эмас, биздан олдинги авлод ҳам ўн бир йил давомида жисмоний тарбия дарсида фақат копток тепиб ўтган экан-а...

Танишим ўшандада менга бу ҳолатни гапира туриб “Лоқайд ўқитувчидан Худо асрасин”, деганди... Дарҳақиқат, ўқитувчининг лоқайд-ликка йўл қўйишига ҳаққи йўқ.

1130—1200 йиллар оралиғида яшаган хитойлик донишманд Чжу Си шундай ҳикматни айтган: “Агар инсон “Пешонамга шундай ёзилган, десаю, бориб омонат деворнинг тагига туриб олса ва девор қулаб уни босиб қолса, буни тақдирга тўнкаб бўлмайди. Инсон

ҳар бир ишнинг амалга ошиши йўлида кучи етганча, имкони борича ҳаракат қилгандан кейингина тақдир ҳақида гапиришга ҳақли”.

Мақоламиз бошида ўқитувчининг лоқайдлиги — фожеа, дедик. Бордию ота-она лоқайд бўлса-чи? Бундан ортиқ фожеа бўлмаса керак. Исбот талаб қилмайдиган бир ҳақиқат бор: ёш авлод таълимни устозларидан, тарбияни эса асосан ота-онасидан олади.

Таълим-тарбияни ўзида мужассамлаштирган одам ёмон одам бўлмайди. Аммо мана шу икки унсурдан мосуво бўлган киши...

Гапимизни хуласалайдиган бўлсак, ўқитувчининг лоқайдлиги ўқувчини яхши таълим олишдан маҳрум қilsa, ота-онанинг лоқайдлиги уни яхши тарбия олишдан маҳрум этажагини англааб оламиз. Кўпинча топиш-тутиши яхши, фарзандига хоҳлаган нарсани олиб беришга қурби етuvчи ота-оналар боласининг билими пастлигидан, хулқининг ёмонлигидан нолиб қолишиади. Ҳолбуки, ундан ўн чандон камхаржроқ, қўл учida кун кўриб, топганини у ойдан бу ойга зўрга етказадиган ота-оналарнинг аксарият боласи яхшигина таълим-тарбия олган. Бунинг боисини суриштириб келгандা, ўша “бойвачча” ота бир йилда бир марта мактабга келиб фарзандининг ҳолидан хабар олмаганлиги, келган бўлса ҳам ўқитувчиларнинг қистови билан мажбурият остида зўрга келганлиги, яхши билим олган боланинг ота-онаси эса фарзандининг ўзлаштиришидан, хулқ-одоби, юриш-туришидан муттасил огоҳ бўлиб турганлиги ойдинлашади.

Икки хил ҳолат. Яхши ва ёмон таълим-тарбия олган икки ўқувчи. Уларнинг бундай бўлишига ким сабабчи? Албатта, ота-оналар. Уларнинг бири ўз ота-онасининг куюнчаклиги туфайли “яхши”, иккинчиси эса лоқайдлик касофати билан “ёмон”.

“Менинг фарзандим нега бундай бўлди” деб нолувчилар бунинг боиси — ўзларининг фарзанд тарбиясига нисбатан бепарвотлиги эканлигини англашармикан?

Устозимиз Маҳмуд Саъдий биз — ёш журналистларга сабоқ беради, лоқайдлик иллати борасида қурбақа билан боғлиқ бир мисолни ҳам айтиб берган эди. Агар қурбақани иссиқ сувга ташласангиз, у танаси куйгани учун сувдан чиқишига жон-жаҳди билан ҳаракат қилиб муқаррар ўлимдан омон қолади. Бордию уни совуқ сувга солиб, секин-аста сувни қизита бошласангиз қурбақа бунга эътибор қилмайди. Сувнинг бир маромда илиши унга хуш ёқиб, ташқарига чиққиси келмайди. Охир-оқибатда эса, бир парча пишган гўшт бўлагига айланади... Хуласа қиладиган бўлсак, бу ерда қурбақани лоқайдлик мавҳ этганини кўрамиз.

ҚОШ ҚҮЯМАН ДЕБ...

ёхуд “сариқ хавф” нечоғли хатарли?

Ўғли матбуот дўконида ишлайдиган қўшиним бор. Бир куни шу киши “Кейинги пайтлари газеталарда зинокорлару жиноячилар, турли олди-қочдилар, миш-мишлар ҳақида кўп ёзишяяпти”, деб қолди. Кўшнимнинг “сариқ матбуот” саҳифаларидағи мақолаларга муносабатини тушундим. Сўнг ўқиганларининг аксарият қисми ёлғонлигини айтдим, у киши ишонмади. “Ол-а, газета ёлғон ёзадими”, дега ўз гапида туриб олди. Менинг қаршиимда шу вақтга қадар газеталарнинг барча ёзганларини жиҳдий қабул қилиб ўрганган одам турарди. Кўшнимга атрофлича тушунча беришимга тўғри келди. Ҳафсаласи пир бўлиб жаҳли чиқди. “Сиз улар газета сотиб бизнес қиласди дейсиз, газетада ёлғон-яшиқ ёзib одамларни алдаш инсофданми? Ўша ёлғонларни ўқиб менга ўхшаган мўйсафиidlар ёқасини ушлайяпти, болалар эса ишонмоқда. Оқибатини тасаввур қиласизми? Бу газеталарни чиқараётганлар озгина масъулиятни ҳис қиласдими ўзи”, деганча қўл силтаб уйига чиқиб кетди.

“Сўз тузишда узоқ андиша лозим”. Бу сўзларни қарийб юз йил аввал ўзбек романчилиги асосчиси Абдулла Қодирий айтган эди. Дарҳақиқат, адабиёт инсонни эзгуликка даъват этиши, унга бир вақтнинг ўзида ҳам юпанч, ҳам кўтаринки руҳ бериши зарур. Унинг мақсади — эзгуликни тарғиб қилиш. Ҳомернинг “Одиссея”си ҳам, жаҳон адабиётининг бошқа нодир намуналари ҳам, ҳазрат Навоийнинг бекиёс достонлари ҳам шу жиҳати билан қадрли.

“Адабиёт” сўзи (ўзаги — адаб) “литература”га қараганда бойроқ маънони ифодалайди. Таассуфки, зиёлилар орасида “сариқ матбуот” деб номланувчи баъзи газеталар саҳифаларида миллий адабиётимиз анъаналарини оёқ-ости қилувчи, уят-андиша чегараларини бузувчи “ҳикоя”лар, “қисса”лар, ҳаттоқи “роман”лар чоп этилайяпти. Уларда фаҳш, зўравонлик тарғиби асосий ўрин тутади. Уни ўқиган ўқувчи...

Ўзбекистон халқ ёзувчisi, устозимиз Пиримқул Қодиров бир сұхбатда: “Адабиёт эрмак эмас, у тирикчилик манбай ҳам бўлолмайди. Минг афсуски, баъзи бир кишилар адабиётга, ёзувчиликка шунчаки бир эрмак, тирикчилик воситаси, қўшимча даромад манбай сифатида қарашибади. Бундай қарашибади адабиётни таназзулга олиб келади” деган эди. Устознинг сўзлари худди шундайларга қаратилган. Айрим мисолларга мурожаат этамиз.

“Бекажон” газетасида эълон қилинган бир ишқий “асар”нинг қаҳрамони ўз эрига хиёнат қиласи. Оила бузилади. Хиёнаткор аёл эса жазмани билан айшу ишратини давом эттиради... Бир қарашда ҳаётда учрайдиган ҳодисадек. Бунақаси бўлмаган деб эътиroz билдириш мушкул. Аммо муаллиф қаҳрамонлар тақдирини шу қадар “ошкоралик” ва “бағрикенглик” билан ҳал этадики, бу миллий ахлоқимизга асло тўғри келмайди. “Асар” шу қадар сунъий ниҳояланганки, ўқиган одамнинг энсаси қотади.

Эҳтимол, муаллиф хиёнатнинг аянчли оқибатини очиб бермоқчи бўлгандир. Аммо “қош қўяман деб кўз чиқазган”. Ҳис ўрнига ҳирс юзага чиқиб қолган.

“Бекажон” газетаси давомли тарзда машҳур кишиларнинг ишқий саргузаштларини ҳам бериб бормоқдаки, мутолаа қилувчилар уларга эргашмайдилар, деб ҳеч ким кафолат беролмайди. Рус носирлари машҳур инглиз шоири Байроннинг ишқий мактубларини нашр қилмоқчи бўлганларида Пушкин: “Байрон бизга шоир сифатида қадрли, бизга унинг шеълари керак, ишқий мактублари эмас”, дея чоп этилишига қарши бўлган экан.

Афсуски, бундай ҳол фақат “Бекажон”да эмас, балки “Даракчи”, “Хонадон”, “Чархпалак”, “Мұхабbat”, “Тилсим”, “Аёл қалби”, “Сўғдиёна” каби бошқа нашрларда ҳам кузатилади. Масалан, “Хордик” газетасининг 2004 йил 12–18 июл сонларидаги “Маккора” номли ноаниқ жанрдаги “миш-миш”да ёзилишича, Нодира исмли енгилтак қиз ўз машшатига тўғаноқ бўлган акаси Содикни усталик билан қамоқقا рўпара қиласи. Бор-йўғи ёлғоняшиқ, уйдирма гаплар, холос. Айтидан муаллифнинг ўзи ҳам буни сезган шекилли, исм-фамилиясини кўрсатишни лозим топмай “Умид А.” деган тахаллус билан имзо қўйибди...

“Даракчи” газетасининг 27 май сонида Б. Абдукаримов имзоси билан “Ўттиз бир кун” номли жанри кўрсатилмаган материал эълон қилинди. Муаллиф, балки уни “ҳикоя” деб даъво қиласи. Нимаям дердик, “ҳикоя”га ўхшатишга ҳаракат қилган бўлса ажабмас...

Бир-бирларини севган икки ёш. Йигит зотилжам касалига чалинган. Узоқ яшолмаслиги маълум бўлгач, севгилиси билан касалхонадан қочиб кетади ва ота-оналаридан яширинча никоҳдан ўтишади. Дард йигитни бутунлай маҳв этгач, қиз ҳам ортиқ яшашни истамай ўз жонига қасд қиласи...

Ислом дини ўз жонига қасд этишдан қайтаради. Мусулмон қаламкаш буни ҳисобга олиши лозим. Қолаверса, ҳар бир айтилган сўз таъсирсиз қолмайди. Агар бу “ҳикоя”нинг минглаб муштариylар

орасида кимгадир таъсир қилиши мумкинлигини ҳисобга олсак, оқибатни тасаввур этишнинг ўзи даҳшат.

Кейинги вақтлари “информацион террор” деган жумла тез-тез такрорланиб турипти. Бу ОАВ орқали аҳолини ваҳимага, таҳликага солищдир. Баъзи хусусий нашрлардаги “Фаройибот”, “Жумбок”, “Ёндош олам” каби руқнларда бериладиган материаллар болалар у ёқда турсин, ҳатто катталарни ҳам қўрқувга солади. Назаримизда, бу хурофий тарғиботдан ўзга нарса эмас.

Хусусий нашрлар керак. Аммо улар маънавий қашшоқликка эмас, юксалишга хизмат қилиши даркор.

“Сариқ матбуот” бизнеси тўрт нуқтага таянади: сенсация (шов-шув), криминал, секс ва ...даромад. Така бўлсин, сут берсин.

Минг афсуски, анча таниқли қалам соҳиблари ҳам шу нуқтага бош урмоқдалар. Ахир, улар адабиёт эрмак эмаслигини жуда яхши билишади-ку?!!.

Ёзувчилик истеъоди ҳаммага ҳам насиб этавермайди. Бинобарин, уни сунистеъмол қилиш гуноҳи азим.

Бир вақтлари “Чимилдиқ” деган газета чиқарди. Бир сонини олиб варақладим. Бошидан охиригача ахлоққа зид мақолалар. Ўрта-роғида эса “Ёлғизликнинг юз йили” романидан парча берилган. Роман қаҳрамони Хосе Аркадионинг қай тариқа зинога юз тутганию лўйиларга қўшилиб қишлоқни тарқ этиши воқеаси тасвирланган. Бир тасаввур қилинг, бу парча балоғатга етадиган ўсмир онгига қандай из қолдиради?..

Ўша парчани ўқиган ўсмир роман аслида зинонинг туб моҳиятини очиб бериш, бутун бошли сулоланинг зино туфайли ҳало-катга маҳкум бўлганини кўрсатиш учун ёзилганини тушунарми-кан? Хайриятки, бу газета дўконларда кўринмай қолди...

АЗИЗ КИТОБХОН, ФАРЗАНДИНГИЗ ҚАНДАЙ НАШРНИ МУТОЛАА ҚИЛАЯПТИ, ЎЗИНГИЗ-ЧИ? УНИНГ ВА СИЗНИНГ ҚЎЛИНГИЗДАГИ БАЪЗИ ГАЗЕТАЛАР ЯДРО ҚУРОЛЛАРИДАН ҲАМ ХАВФИРОҚ ЭКАНЛИГИНИ БИЛАСИЗМИ?

ЧЕТ ЭЛДАН КЕЛТИРИЛГАН ХЎРОЗҚАНД

Узр, азиз ўқувчи, баландпарвоз гаплар билан ғашингизга тегмоқчи эмасман. Бор-йўғи, лоқайдликка, боқи-бекамлилкка қанчалик одатланиб қолганимиз ҳақида озгина фикр юритмоқчиман, холос. Келинг, шошқалоқлик қилиб тушунмовчиликка йўл кўймайлик-да, гапни бошидан (албатта, оламнинг яралишидан эмас) бошлайлик.

Одамнинг табиати ғалати. Баъзан атрофидаги иллатларни кўрабила туриб, идрок қилолмайди. Токи бирор туртки сабаб бўлиб, унга эътибор бермагунча.

Яқинда йўл-йўлакай майший хизмат кўрсатувчи ташкилотларнинг номларини кўздан кечириб, таажжубга тушдим. Қатортол кўчасидан Амир Темур хиёбонига қатновчи автобусдан кўрганларим:

“CINEMA”(Видео-аудио кассеталар ижараси билан шуғулланувчи ташкилот), “Fast-food”(кафе), “Legenda”(дўкон), “ARABELLA”(дўкон), “INTER”(кафе), “GOLD 999”(кафе), “BEAUTY”(гўзаллик салони), “PIONER”(дўкон), “VUJIN”(дўкон), “BEAUTY”(гўзаллик салони), “GALHAN”(кафе), “COCOS”(кафе), “BAG LIONI” (дўкон), “SEGA” (интернет-клуб), “PIRAMIDA”(дўкон), “АМАЛЯ”(кафе), “FOREYTOR”(кафе), “RUNONI”(кафе), “ANGEL'S FOOD”(кафе), “Ариран”(ресторан), “TIP-TOP”(КАФЕ), “EXCLUSIV-SEVIS”(Гўзаллик салони), “Desjoyas”(дўкон), “MARCO POLO”(дўкон), “BOSS”(дўкон), “Мария”(гўзаллик салони), “Анна”(гўзаллик салони), “JUMANJI”(кафе), “ATHAR”(дўкон), “INTER MODA”(дўкон), “STOMA LUX”(стоматология), “DENTA MED”(стоматология), “SILVER NET”(интернет-клуб), “OLENKA”(гўзаллик салони), “STAR MEDIA”(видео-аудио кассеталар савдо билан шуғулланувчи дўкон), “OASIS-APEL”(дўкон), “SKY. NET”(интернет-клуб), “PEGAS”(интернет-клуб), “ATHLON”(дўкон), “GOLD MARKET”(дўкон), “FESTIVAL”(дўкон), “BIGWAY”(дўкон), “Caprise”(дўкон), “HILTON”(кафе), “JANZEN”(дўкон)...

Минг бор узр, азиз ўқувчи. Узундан-узун ажнабий сўзлар рўйхатини келтириб сизни зериктирган бўлсан, маъзур тутинг. Мен сизга автобус ойнасидан кўриниб турадиган майший, тиббий ва овқатланиш муассасалари ҳамда турли дўконларнинг номлари қайси тилда номланганлигини кўрсатдим, холос.

Ҳа, энди, тўрт-бешта бўлса бордир. Шунгаям ота гўри қозихонами, деб эътиroz билдирувчилар бўлса, эътиrozга ўрин қолдирмаслик учун Навоий кўчасидан ҳам бир юриб кўрайлик-да, сўнгра...

“Admiral”(дўкон), “ELIT”(мебеллар дўкони), “BEAVTY ELZA CENTR”(дўкон ва салонлар мажмуаси), “OSKAR”(дўкон), “RUSANOR”(гўзаллик салони), “SIRTAKI”(ошхона), “IRINA”(дўкон), “Grill & Chisken”(ресторан), “Nice Food”(ресторан), “EXCLVSIN”(кафе-бар), “DOMINA”(ресторан), “TAMILA”(кафе), “EVRO DENT”(стоматология), “GRUNOIG”(дўкон), “BELLONA”(Мебел дўкони), “PARIS”(гўзаллик салони), “FERETTE”(дўкон), “Gold Way”(дўкон), “ELDORADO”(дўкон), “Techno sat”(дўкон), “ASVS”(дўкон), “ARION”(дўкон), “Атлант”(дўкон), “Bosch”(дўкон), “Milenium”(дўкон), “T & T grup”(дўкон), “ELOKTROLUX”(дўкон), “Maxsimum”(дўкон), “Albatros”(дўкон), “ORIGINAL”(дўкон), “Techno hous”(дўкон), “TIRADA”(дўкон), “ELEKTROCITY”(дўкон), “IMPULS”(дўкон), “EFFEKT”(дўкон), “BANNO”(дўкон), “NEMO”(дўкон), “KASHINO”(дўкон), “KLEOPATRIA” (гўзаллик салони)...

Бўлар энди! Бу тарзда мисол келтиришда давом этсак, саҳифаларга сифмай қолиши мумкин. Шу боис “исботлаш” иштиёқини нарироқ суриб қўйиб, аҳвол нега бу даражага келиб қолгани ҳақида мулоҳаза юритганимиз маъқулроққа ўхшайди.

Бугун бир ҳақиқатдан қўз юмиб бўлмайди. Биргина пойтахтимизда жойлашган жами дўконлару, турли овқатланиш муассасаларини юз фоиз деб олсан, шуларнинг қариб тўқсон фоизидан ошиғи хорижий номлар билан аталар экан. Шаҳарда ўз тилимиздаги номлар билан аталадиган ташкилотлар кун сайин камайиб кетаяпти.

Сабаб нима? Ўзбекча номланган дўконларга харидорлар кирмайдими?

Саволлар, саволлар... Уларга жавоб топиш учун қанча журналист астойдил тер тўкиб, пайпогини тешиши керак. Ана шунда бирин-кетин жавоблар чиқиб кела бошлади. Анчагина ташкилотларда бўлиб, раҳбар ёки ходимлари билан учрашиб, ташкилотларни нега айнан хорижий ном билан атаганлари билан қизиқдик. Келишувимизга мувофиқ, ўзининг ва ташкилотининг номи сирсақланиши лозим бўлган кимса: “Биласизми, ўз ташкилотимни қандай номлаш менинг ҳуқуқим, қонун буни тақиқламайди. Ўз сармоямга фирма ташкил эттанимдан сўнг, ўзимга ёқсан ном би-

лан атайман. Қолаверса, харидорларни жалб қилишда, дўкон номи ҳам катта рол ўйнайди. Айтишадио “Хўроқандни ҳам чет элники десанг, одамлар ётиб олиб ялашади”. Энди сизнинг она тилига ҳурмат масаласига доир саволингизга келсак, битта мен фирмамнинг номини ўзгартирганим билан аҳвол ўзгариб қолмайди. Ана бошқалар ҳам бору...”, деб жавоб берди.

Бунга ўхаш жавобларни деярли ҳар бир суҳбатлашган кишидан эшигдик. Она тилига ҳурмат, эътибор каби гапларимизни кўпчилик баландпарвозликка йўйди. Айниқса, бироз баджаҳроқ суҳбатдошимиз: “Сизнингча, она тилига эътибор кучлими? Қайси идорада ўзбек тилида иш олиб борилаяпти, мана прокуратура билан туман иссиқлик энергияси бошқармасидан келган ҳужжатларни кўринг, она тилида ёзилган эканми?” деб, олдимизга рус тилида тўлғазилган ҳужжатларни ташлади...

Маълумки, прокуратура ҳукумат томонидан қабул қилинган қонун ва қарорларни назорат этувчи давлат идораси ҳисобланади. Мамлакатимизда давлат тили ҳақидаги қонуннинг қабул қилинганига ҳам 15 йилдан ошди. Тан олиш керак, бу вақт давомида катта ишлар амалга оширилди. Бироқ ҳануз идора ҳужжатлари рус тилида тўлғазилаётганини нима билан изоҳлаш мумкин. Айниқса, қонун ижросини назорат этувчи идора томонидан давлат тилининг суистеммол қилиниш ҳолатлари тез-тез учраб туриши аянчли ҳол эмасми? Энг қизиги эса, миллати ўзбек бўлган прокурорнинг ўзбек миллатига мансуб фуқарога, давлат тили ўзбек тили бўлгани ҳолда, рус тилида “повестка” жўнатаётганлигида...

Хуллас, хулоса чиқарадиган пайт келди. Она тилимиз ҳеч қайси тилдан кам эмас. Унда ҳам сара сўзлар беҳисоб. Хорижий жарангдор сўзлардан-да жаранглироқ, идора ишида бошқа тилдан асло қолишмайдиган тилимиз, сўзларимиз мавжуд. Фақат унга эътибор лозим.

Энди мақоламиз бошидаги лоқайдлик ҳақидаги гапларимизни ёдга олайлик. Тан олайлик, биз лоқайдмиз, боқибеғаммиз. Агар шундай бўлмаса, она тилимизни бир четга суриб, ўзга тилда сўзлашишни афзал билармидик?

Боқибеғам бўлмасак, хорижий номланаётган ташкилотларни шу даражада кўпайтиармидик. Бугун кўпгина шаҳарларимизда Лондондан келган сайёҳ адашмаслиги мумкин. Аммо қишлоқдан келган, фақат соғ ўзбек тилида гапирадиган ўзбек адшиб қолиши ҳеч гапмас.

Ҳинд ҳалқининг даҳоси Жавоҳарлаъл Неру бутун диққат-эъти-
борини миллий тикланишга қаратган эди...

ХХ аср бошларида яшаб, ижод қилган миллатимиз фидойила-
ри Маҳмудхўжа Беҳбудий, Мунаввар Қори Абдурашидхонов, Аб-
дурауф Фитрат, Ҷўлпон ва Қодирий кабиларнинг эзгу мақсади
миллатни, унинг удумларини, тилини ва динини асл ҳолида ас-
раш эди...

Миллий фуурнинг бир кўриниши — тилга нисбатан ҳурматдир.
Ўзбек тилига давлат тили мақоми берилганига ҳам анча йиллар
бўлди. Аммо, тан олиш керакки, тилимизга бўлган муносабат ҳамон
қониқарли эмас. Агар бунинг акси бўлганида, турли ажнабий ном-
лар билан аталган ташкилотлар ва корхоналар бу қадар кўпайма-
ган бўларди...

Юқорида номлари айтиб ўтилган ташкилотлар рўйхатдан ўтаёт-
ганда номланишига умуман эътибор қилинмаганга ўхшайди. Акс
ҳолда, аҳвол бу даражага етиб бормасди.

Болалигидан Англияда таълим-тарбия олган, шу боис она ти-
лида сўзлай олмаган ҳинд донишманди Шри Ауробиндо Ғош бир
умр армон қилиб ўтган экан. У-ку, она тилини билмаган, аммо
биз она тилимизни била туриб унга нисбатан беписандлик қила-
миз.

Етти иқлимга донғи кетган бобомиз Алишер Навоий ўз замона-
сида туркий тилнинг бошқа тиллардан асло кам эмаслигини ис-
ботлаш учун “Муҳокамат ул-луғатайн” асарини битган ҳамда тур-
кий тилга нисбатан паст назар билан қаровчи шоирларга унинг
жозибаси ва бойлигини кўрсата олган эди.

Ўшандан бўён бу тилда қанчалаб шоҳ асарлар яралмади дейсиз?

Англия, Америка каби давлатларда жуда камдан-кам ташкилот
ажнабий ном билан аталаркан(деярли йўқ). Чунки миллий фуури
бор, ўз тилини ҳурмат қилувчиларгина шундай йўл тутади. Она
тилига нисбатан эътиборсизлик яхши оқибатларга олиб келмайди.
Агар шундай бўлса, шоир ёзганидек, тўтига айланиб қолиш ҳеч
гап эмас!

ГУБЕРНАТОРНИНГ МАХФИЙ БҮЙРУГИ

Яқинда, телевидениенинг биринчи канали орқали гиёхвандларни даволовчи шифохона ва у ерда даволанаётган беморлар ҳақида бир кўрсатув берилди. Кўрсатувни олиб бораётган журналист ҳамсуҳбатига “Бу ердан чиққанингиздан сўнг, гиёхвандликни ташлаб кетолийман деб ўйлолийсизми?” деб савол берди. Унинг кейинги саволлари ҳам шевага қоришиб кетди. Ёнимда ўтирганлардан бири “Тавба, журналист бўла туриб адабий тилда гапиролмаса-я, уятку”, деб луқма ташлади. Бу луқмани ўша ҳамкасбимизнинг ўзи эшитса нима деркан?

Бундан ўн беш йил илгари кимгадир хусусий радиоканаллар, телевидение ёки матбуот нашрлари бўлади, десангиз, албатта, ишонмасди. Энди эса, хусусий ОАВ бўлмайди, деб кўринг-чи... яна ишонмайди!

Чунки, айни пайтда, хусусий матбуот нашрларининг сони мингни қоралаб, 30дан ортиқ нодавлат радиоканаллари ва шу миқдордан қолишмайдиган TV каналлари фаолият олиб бормоқда. Аҳолининг маънавий-маданий эҳтиёжларини қондиришда уларнинг ўрни бор, албатта. Аммо адабий тилни суистеъмол қилишдек хатолар гоҳида бу ўринни йўққа чиқаргудек. Биргина Тошкент шаҳрида фаолият олиб бораётган FM радиоканалларининг кўнгилочар дастурларини тинглаб кўринг-а.

Бошловчилар адабий тил меъёрларига риоя қилиш ўрнига, очикдан-очиқ шевада, боз устига ғашга тегувчи кемтик, яримта-юримта талафузда гапираёттанинг гувоҳи бўласиз. Келинг, бу ҳолга, тингловчиларнинг муносабати билан қизиқиб кўрайлик.

Ортиқали Эргашев(тадбиркор): — Ишдан чарчаб қайтгач, дам олиш мақсадида радионинг кулогини бурайман. Аммо дам олиш қаёқда. Фирт шевада ўзаро гурунглашишади, тортишишади, бачкана гаплардан бошим ғовлаб кетади. Ундан кўра, бир-икки соат ухлаб олганим маъкул, дейману, радиони ўчириб кўяман.

Шодихўжа Ражабов(ўқитувчи): — Сўзини эшитганда ёки ёзганини ўқиганда таҳсин айтса бўладиган журналистлар йўқ эмас. Аммо адабий тилга нисбатан беписанд қаровчи, унинг меъёрларига амал қилмайдиганлар ҳафсалангни пир қиласи. Журналистни минглаб кишилар тинглайди. Шундай экан, уларнинг юрагига кириб бориша журналист учун адабий тилнинг аҳамияти бекиёс.

Умида Узоқова(талаба): — ОАВда шеваларнинг кундан-кунга кенг илдиз отаётганлиги аянчли. Ўзбек адабий тилини менсимаслик журналистнинг энг катта хатоси. Шеваларнинг қўлланиши фақат радиоканалларда эмас, балки баъзи телекўрсатувларда ҳам учрапти...

Кўплаб муҳлислар билан қилган сұхбатимизнинг хulosаси шу бўлдики, адабий тил муаммоси, бугунги кун журналистикасининг оғриқли нуқталаридан бири экан. Давр талаби билан ОАВ ўртасида рақобат кундан-кунга кучайиб бораяпти. Бироқ, рақобат кетидан кувиб, адабий тил меъёрларини четлаб ўтиш инсофдан эмас.

Дарҳақиқат шундай, бироқ бу оддий ҳақиқатдан негадир айрим тоифа кишилар кўз юмишдан ор қилмайди. Аксинча, халқимизнинг севимли шоири Абдулла Орипов айтганидай, шевада сўзлашни ўзларига мартаба деб билишади. Ҳазрат Навоий юксак босқичга кўтарган ўзбек адабий тили ривожига ўзининг муносиб ҳиссасини қўшган, бугунги ўзбек адабий тилини шакллантирганлар — Қодирий, Чўлпон, Ф.Ғулом ва бошқа шоиру ёзувчилар эди. Эндиликда бу масъулият, адабий тилимизни асл ҳолида сақлаш, уни асрар-аввалиш бугунги авлод кўлида. Мактабда ёш авлодга илм сирларини ўргатаётган ўқитувчи адабий тил меъёрларига амал қилган ҳолда сабоқ бермоғи лозим. Зоро, адабий тил туфайли миллат бирлашади.

Ўзбекистон халқ ёзувчиси Шукур Холмирзаевнинг таниқли ёзувчи ва улуғ олим Матёқуб Кўшжоновга бағишлисанган “Бу кишим — устоз, Мен — шогирд” деб номланган эссесида қизиқ бир факт бор. Унда ёзилишича, Кўшжонов домла ўз талabalарига тарихчи олим Жуманиёз Шарипов архивдан топган чор ҳукуматининг маҳфий ҳужжати ҳақида гапириб беради.

Ҳужжат Туркистон генерал-губернаторининг маҳфий буйруғи бўлиб, унда ўзбек зиёлилари мактаб очсалар ва дарслик яратсалар, ҳар бир вилоят мактабларида дарслар ўша вилоят лаҳжасида олиб борилиши, дарсликлар эса ўша жой шевасида ёзилиши кераклиги уқтирилган экан.

Бу буйруқнинг моҳияти ҳужжатда шундай изоҳланган: “Ўзбек адабий тилининг яратилишига йўл қўймаслик керак, негаки адабий тил — ўзбекларнинг бошини бирлаштиради. Бу эса чор Россиясининг манфаатларига тўғри келмайди...”

Бундай йўл тутишдан мустабид империянинг мақсади нима эканлигини изоҳлаб ўтиришга ҳожат бўлмаса керак...

ЭКРАНГА БЕКИНГАН ХАВФ

Дунёдаги ҳар бир халқ ўз санъатига, адабиётига, маънавиятига, миллий гояси ва мафкурасига эга. Миллатнинг санъатида, адабиётида ва шеъриятида, феъл-авторида ўз гояси, ўз мафкураси етакчилик қиласиди. Шу гоя, шу мафкура таъсирида фильмлар, шеърлар, қўшиқлар ва романлар яратилади. Буларнинг барчасида миллатга ўз мафкурасини тарғиб қилиш мақсади бор. Бу — эзгу мақсад.

Аммо санъат воситаларидан бошқа бир халқ онгини заҳарлаш, унга ўзининг одат ва майларини, мафкурасини сингдириш мақсадида ҳам фойдаланадиганлар учрайди. Бу каби оммага тез таъсир этадиган санъат турларидан бири фильмлардир.

Кинофильмлар ҳар хил тоифадаги кишиларга мўлжалланади. Дейлик, болаларбоп ёки ўсмиirlар учун ва катта ёшдагиларга мўлжалланган фильмлар бор. Катта ёшдагилар учун ҳар қанақа фильмлар намойиш этилиши мумкин, аммо ўсмиirlар ва болаларга аталган фильмлар муайян даражада чегараланган. Қолаверса, болаларнинг қанақа киноларни кўришини назорат қилиш ота-оналар зиммасидаги масъулиятли вазифа.

Афсуски, айни шундай назоратнинг сустлиги боис, масалан, айрим ўсмиirlар катталар учун мўлжалланган эротик, олди-қочди ёки зўравонликни тарғиб этувчи жангари фильмларни томоша қилишади.

Хорижда тайёрланган бундай фильмлар ўша мамлакат, ўша халқ турмуш тарзида қандайдир ўрин эгаллар, эҳтимол. Ҳали миллат вакили сифатида ахлоқи тўла шаклланиб улгурмаган болакай учун бундай томошалар нечоэли наф келтиришини тасаввур этиш қийин.

Яқинда Америкада таҳсил олиб қайтган бир дўстимиздан у ерда жангари ёки порнографик фильмларга муносабат қандайлигини сўрадим.

— 2001 йил 11 сентябрь воқеаларидан сўнг жангари фильмлар тақиқланди. Порнографик фильмлар эса аллақачон телеканаллардан олиб ташланган, — деб жавоб берди у.

Ўша воқеадан олдин жангари фильмларга аҳоли муносабати қандай эди, деган саволимга эса, улар олди-қочди, ур-сур фильмларни яхши қабул қилишмайди. Аммо у ерда тарихий фильмларнинг қадри баланд, деди.

Унинг сўзларини мулоҳаза қиласар эканман, жангари фильмларга муносабат яхши бўлмаса, нима учун бундай фильмлар суратта олинаркан, деган савол туғилди.

— Биласизми, у ерда кино саноатлашиб кетган. Бирорта режиссёр фильм олишга киришдими, албатта, мўмай даромад олишни назарда тутади. Ўз ҳалқи кўрмаса, чет элга сотиш мумкин-ку...

Дўстимнинг бу гапида жон бор. Америкаликлар учун у қадар аҳамиятли бўлмаган фильмларни бошқалар сотиб олади. Улар бундан фойда кўришади. Аммо сотиб олганлар қандай фойда кўради?! Ёт ғояларни тарғиб қилаётган фильм учун бир ярим, икки соат бехуда вақт сарфлаш, болаларни ҳам бунга жалб қилиш ақлдан эмас, албатта. Қолаверса, шаҳарда турли-туман фильмларни на-мойиш этадиган видеосалонлар ҳам оз эмас. Уларнинг ҳаммасини назоратга олиш ғоят мушкул. Аммо маҳаллий телеканалларимиз томонидан намойиш этилаётган хорижий сериалларни назоратга олиш мумкин-ку. Бу гапларга сериалларнинг нима дахли бор, деб ҳайрон бўлманг. Болаларга ўзининг салбий таъсирини ўтказиши мумкин бўлган фильмлар сирасига ҳар ҳолда сериаллар ҳам кира-ди. Ушбу мақолани ёзиш жараёнига гувоҳ бўлган икки ҳамкасбим сериалларнинг болалар тарбиясига салбий таъсирининг исботи сифатида икки воқеани айтиб беришди. Мана, биринчиси:

— Холамниги мәҳмонга боргандим. “Эсмералда” бўлаётган экан. Мезбонлар ҳол-аҳвол сўрашни ҳам насия қилишиб, томошага так-лиф этишди. Гарчанд сериалларга қизиқмасам-да, улар билан бирга томоша қилдим. Сериал тугагач, хола-жиян суҳбатлашиб ўтирасак, холамнинг эндинигина беш ёшга кирган қизи ўзидан икки ёш катта акасига: “Даврон, кел, мен Эсмералда бўламан, сен Хосе Армандо бўл”, деб қолди. Даврон энди етти ёшга кирган бўлса ҳам, бу жуфтлик ҳақида анчагина тасаввурга эга шекилли, юзлари қизарганча: “Ая, қаранг, бунингиз уят гап айтаяпти”, деганича ерга қаради. “И-е, ўғлим, бунинг нимаси уят”, қизиқсинди холам ҳам. Шунда Даврон ердан бошини кўтармай жавоб қилди: “Ахир, улар уят ишлар қилишади-ку...”.

Энди иккинчи ҳикояга эътибор беринг:

— Кечки пайт ишдан қайтаётгандим. Домимиз олдида бир гала болакай ўйин билан овора. Улар орасидаги беш-олти ёшли қизалоқ ўзидан кичкина болакай билан ўпиша бошлади. Буни кўриб хаёлнимга укасини “ава” қиласяпти, деган ўй келди-ю, уларга меҳрим жўшиб кетди. Қизалоқнинг ёнига бориб бошини силаганча сўрадим: “Ҳа, асалим, укангни “ава” қиласяпсанми?”

Хозиржавобликни қаранг, болакай менга қараганча: “Бу мени опаммас, биз “Эсмералда—Эсмералда” ўйнаяпмиз”, деб жавоб берди. Ток ургандай сапчиб тушдим...

“Эсмералда” ёки “Мұхаббат қақваси” каби фильмлар аслида кattаларға мүлжалланған. Уларни болалар ҳам томоша қилиши оқибатида юқоридаги каби ҳолатлар келиб-чиққан.

Энди савол туғилади: хүш, бундай сериалларни күришни ман этиш керакми?

Агар шундай қилинса, ёмон бўлмасди. Аммо буни қайси ташкilot ўз зиммасига олади? Назаримда, ота-оналар бу вазифани уддалай билишади. Фақат озгина эътибор зарур. Аслида ҳам бу каби сериалларни ўз фарзандлари билан бирга томоша қилишга қайси ота-онанинг виждони йўл қўяр экан?! Борингки, ота-оналар фарзандларига тунги намойишларни ман этса, шу билан муаммо бартараф бўладими? Йўқ, унда яна бир муаммо пайдо бўлади. Тунги қисмни кўра олмаган фарзанд кундузи ота-онаси ишда эканлигидан фойдаланиб, шу сериални бемалол кўриши мумкин. Бунинг олдини олиш учун эса кундузги такрорий қисм баҳридан ўтишга тўғри келади. Буни телеканалларимиз ўйлаб кўришлари лозим. Албатта, ТВнинг тижорий мақсад ва моддий манфаатларини ҳам ҳисобга олиш керак. Лекин ёш авлоднинг ахлоқан соғлом ўсиши ҳар қандай тижорий манфаатлардан устун эмасми?

Мақоламиз бошида ахлоқий меъёр ҳақида сўз юритган эдик. Бугун видеобарларда, телеканалларимизда намойиш этилаётган кўп хорижий фильм ва сериаллар ёт ғоялар, ёт ахлоқий меъёрлар таъсирида суратга олинган. Улардаги биз учун уятсиз саналган ҳоллар хорижликлар учун одатий ҳол. Янаям аниқроқ айтганда, бу ҳол уларнинг ахлоқий меъёри. Сир эмас, фильм ва сериалларга сингдирилган бу каби тушунчалар ҳали онги тўла шаклланиб улгурмаган фарзандларимиз ахлоқида намоён бўла бошласа, улар астасекин миллий ахлоқ меъёрларидан йироқлашадилар. Бу ҳол охироқибатда ўзга миллат ахлоқининг миллатимиз ахлоқига сингишига олиб келади. Ёш авлодга ўз ахлоқимизни сингдириш эса, биз кattаларнинг бурчимиз ва маънавиятимиз дахлсизлигини таъминлаш, демакдир.

КАФТДАН ТИРСАККГАЧА...

Таниқли шоира Турсуной Содиқова “Үғлим, сенга айтаман”, “Қизларга аталган сұзлар” китобларида миллий либосларимиз ҳақида шундай ёзади: “Сен разм солгин, дунё халқлари энг катта минбарларда, қаддини жағон күрадиган жойларда, үзининг муборак күнларида миллий тили, миллий кийимлари ва миллий-маданий меросларини намойиш этиб, ўртага тушади. Бу уларнинг: “Менинг насл-насабим бор, зотим, тарихим тайин”, деганидир. Миллий фурур шу, болажон”.

Дарҳақиқат, ҳар бир миллат мақтанса ҳам, фурурланса ҳам — миллий либослари билан мақтанади, миллий либослари билан фурурланади. Миллий либослар ҳеч қачон мода қолипига бўйсунмайди. Янги пайдо бўлган гўзал бир либос мода бўлса, бунинг сабаби унинг гўзаллигидадир. Аммо тез ўзгарувчан мода оламида ундан-да гўзалроқ янги бир либос пайдо бўлиши билан аввалгиси унутилади. Бироқ асрлар ўтса-да, миллий либосларимиз ўз жозибасини йўқотгани йўқ.

Бошига дўппи кийганча мағрур қадам ташлаётган ўзбек йигити, ироқи дўппию атлас кўйлак, унинг устидан эса қубба кийганича нозли қадам ташлаётган қиз кимнинг эътиборини тортмайди, дейсиз. Бундайларни кўрган бошқа миллат вакиллари агар қўлида фотоаппарати бўлса, суратини олишга шошилади. Ўз одамларимиз эса юзида табассум билан миллий либос эгасини кўzlари или ҳавасланиб кузатади.

Ҳа, миллий либос ҳам, уни кийган киши ҳам эътибордан четда қолмайди. Миллийликнинг, миллий либоснинг жозибаси шунда.

Аммо ёшларимизнинг миллий либосларга муносабати кишини хушнуд этмайди. Бугун йигитлар дўппи кийиб юриш ўрнига хорижий бош кийимларни кийишни маъқул кўришади. Қизлар эса, рўмол ўрашни ёки дўппи кийишни хаёлларига ҳам келтиришмайди. Атлас ёки миллий услубда тикилган кўйлак кийган қизлар-ку, анқонинг уруғига айланиб бораёттир.

Балки замонавий либосларнинг қулайликлари кўпdir. Аммо миллий либосларга эътиборсиз қараш, чет эл латта-путталарига ўралашиб қолиш учун бу баҳона бўлолмайди. Дўппини азада ёки тўйдагина бошига иладиган йигит ўзини қай даражада бошқа миллатлар олдида фурурли, деб ҳисоблар экан? Бугун биттагина дўппини

бошга кийиб юриш учун ҳам кишида фуур керак. Ўзбекнинг либоси, шубҳасиз, унинг одоб-ахлоқидан далолат бериб туради. Йигитлар-ку, ўз йўлига, аммо айрим қизларимизнинг ўз баданини кўз-кўз қилиб, мини юбка ёки тор шим кийиб юриши уларнинг ахлоқига ўз салбийлигини ўтказмай қолмайди. Мусулмончилик шартларига биноан, аёл кишининг билагидан тортиб, тўпифигача но маҳрам саналади. Эркак кишининг эса тиззасидан қорнигача но маҳрамдир. Яъни баданинг бу жойлари лиbos билан бекитилиши лозим.

Аммо бу шартларни бугунги кунга қиёсласак, беихтиёр кулгимиз қистайди. Чунки бугун эркак ва аёлга қўйилган либослар бора-сидаги шаръий талаблар алмашиниб кетганга ўхшайди. Сиз эркакларнинг кийинишига эътибор қилганмисиз? Кийган кўйлаги тирсагигача ёки билагигача, кўйлак ёқаси бўйнигача, шим эса тўпиқ-қача ёпиб туради. Тўпиқнинг ҳам қолган қисмида пайпоқ. Бу ҳолда эркак танасининг фақат бош қисми ва кафтидан тирсагигача ёки билагигача бўлган қисми очиқ қолади.

Аёлларнинг-чи? Ён-атрофингизга қараб, буни ўзингиз аниқлаштириб оларсиз, деб ўйлайман.

Бу гапларни айтишдан мақсад, аёлни камситиб, эркакни осмонга кўтариш эмас. Бор-йўғи ахлоқий меъёrlарни эслатиб қўйиш, холос.

Куш тилини қуш билади, дейишади. Борди-ю биз эркакларга хос мулоҳаза юритиб, азиз аёлларни ранжитиб қўйган бўлсак, у ҳолда узр сўраймиз. Мақоламизни нуктадон аёл гаплари билан бошлаган эдик. Ўйлашимизча, биз эркакларга нисбатан миллий либосларга холис баҳонани ҳам мана шу опамизнинг ўзи бергани маъқул. У кишининг мулоҳазаларига эътибор қилинг: “Сен кийимларига ихлос қўйган ўша европаликлар ўз юртларида бизнинг миллий либосларимиз, осори-атиқаларидан қўргазмалар тузиб, шаънимизга олқишлиар айтиётган бир пайтда ораларингда бу либосларни кийишга, тақишига уладиган, дўппини, соchlарини қирқ кокил ўришни эскича, ўтган замоннинг қолдиги дея бурнини жий-ирадиганлар бор. Айрим илмисиз ёшларнинг бу гапини бегоналар эшитиб қолишидан музтарлик тортасан, киши. Қадриятларимиз, улуғ аждодларимиз номини тиклаш учун ялпи уриниб турган пайтимизда бу гаплар кони илмисизлик бўлмай нима? Ўз миллати қиёфа-сида кўриниш, унга ўхшаб кийинишдан орланган фарзанднинг оти ХИЁНАТ. Бу ўз отасининг кўзига қараб туриб: “Сиз мен учун ҳеч ким эмассиз”, дейиш билан тентгидир”.

УЧИНЧИ ФАСЛ

Ота-бала муносабати ҳамда фарзанд тарбияси ҳақида халқимизда ҳам, дунё ҳалқарида ҳам кўплаб турли-туман нақллар, ривоятлар учрайди. Дунё динлари ҳисобланган ислом, насронийлик, буддавийлик, яхудийлик ва ҳоказо динларда ота-она ва фарзанд муносабати ҳамда фарзанд тарбиясига алоҳида эътибор қаратилган. Жумладан, ислом динида фарзанд учун энг муҳими ота-она ризолигидир.

Куръони каримда ва ҳадиси шарифда ота-она ва фарзанд муоммаласи хусусида ибратли фикрлар бор. Муборак ҳадислардан бирида, жумладан, шундай дейилади: “Отага итоат қилиш тангрига итоат қилишдир”. Ушбу ҳадис маъносидан шу нарса ойдинлашадики, фарзанд ота олдида масъулиятни ҳис қилмоғи ҳамда ота-онани ҳеч қачон норози қилмаслиги лозим. Аммо бу ҳадисдан ота фарзандга тўғрими-йўқми нимани хоҳласа буюравериши мумкин экан-да, деган маъно келиб чиқмаслиги керак. Бу борада расулulloҳ саллаллоҳу алайҳи вассаллам шундай дейди: “Фарзандинг ўнг билан чапни ажратгунча уни подшоҳ, ўзингни қул ўрнида, фарзандинг ўнг билан чапни ажратгандан сўнг уни қул, ўзингни подшоҳ ўрнида кўр. Фарзандинг балофатга етгандан сўнг эса у билан дўстинг каби муомала қил”.

Сарвари олам мана шу муҳтасар изоҳ билан бир неча йиллик машаққатли фарзанд тарбиясининг дастурини тузиб берган, десак, янглишмаймиз. Келинг, имкон қадар ушбу ҳадисни тушунишга ҳаракат қилиб кўрайлик. “Фарзандинг ўнг билан чапни ажратгунча уни подшоҳ, ўзингни қул ўрнида кўр...”. Бундан куйидаги маънони англаш мумкин. Маълумки, гўдак иссиқ билан совуқнинг, оқ билан қоранинг, яхши билан ёмоннинг фарқига бормайди. Эмаклаб бориб чойнакни афдариб юборгани учун гўдакни жазолаш фойдасиз. Демак, бундай ҳолда гўдак “подшо”, яъни у хоҳлаган ишини қилишдан ўзини тиёлмайди. Ота эса “қул”, яъни фарзанди хархашасига чидаши ва унга нисбатан меҳр-мурувватли бўлиши керак. Ҳар нарсанинг ўз меъёри, ўз чегараси бўлгани сингари бу фаслнинг ҳам ўз вақти бор. Биринчи фасл тугаши билан ота ва фарзанд муносабатининг иккинчи — ота учун “подшоҳлик”, фарзанд учун “куллик” фасли бошланади. Бу фасл ҳар икки томондан ҳам, айниқса, ота томонидан ниҳоятда катта масъулиятни талаб этади.

Бу даврда отага қўйиладиган асосий талаб шуки, у фарзандини илмли, маърифатли, маданиятли қилиши шарт. Ушбу даврда фарзанд қиёсан новдага ўхшайди. Уни қай тарафга эгса, ўша ҳолда эгилади. Бу борада буюк аллома Юсуф Хос Ҳожиб “Кутадгу билиг” (“Саодатга элтувчи билим”) асарида шундай ёзади:

Хўл новда эгилар, қай ҳолда эгсанг,

Куруқни тўғрилар фақат ўт-оташ.

Ҳа, бу фасл фарзанд учун илм олиш, маънавий камолотга етиш фаслидир. Оқил ота-она бу фаслдан унумли фойдаланмоғи лозим. Фарзанд камолотини кўзлаган ота фарзандига имкон даражасида ақлу одоб ҳам бермоғи керак. Зоро, ҳеч бир ота-она ўз фарзандига хулқу одобдан ўзга улканроқ бойлик беролмайди. Ушбу фаслдан сўнг кириб келгувчи сўнгги фасл фарзанд балоғатга етгандан сўнг бошланади. Бу даврдаги ота ва фарзанд ҳолати ҳақида расууллоҳ айтади: “Фарзандинг балоғатга етгандан сўнг дўстинг каби муомала қил”. Бу йўлланма ота-она ва фарзандлар ўртасидаги тотувлик гаровидир. Зоро ушбу фаслда фарзанд балоғатга етган, анча-мунча нарсанинг фарқига етадиган ўшда ҳисобланади. Энди уни ўш бола кўриб, тўғри ва нотўғри ҳисобланган ишни буоравериш, уни ҳамон бола ҳисоблаш ярамайди. Агар ота томонидан шундай ҳолат содир бўлса, бу тарбияга зиддир. Айнан отанинг шундай ҳаракати туфайли фарзанд қалбида унга нисбатан норозилик туғилиши мумкин. Ҳар қандай зийрак ота-она бу даврни дарров илғаб олмоғи ва фарзанди билан бамаслаҳат иш юритмоғи лозим. Бу ҳолат фарзандга яна бир қанча ижобий хислатларни тұхфа этадики, булар охир-оқибатда фарзандда ўз кучига нисбатан ишонч туйгусининг шаклланиши, мустақил ҳаётга қадам босиш муваффақияти ҳамда боқимандалик кайфиятининг йўқолишига олиб келади. Агар ота-она учинчи фаслнинг кириб келганини илғамай қолса, бу ҳолат фарзанд томонидан жудаям эҳтиёткорлик билан ота-онани ранжит-масдан эслатилиши лозим. Келинг, бу борада бир мисол келтириб ўттайлик.

Бир дўстим айтади:

— Ота-онам айнан шу учинчи фаслни илғамай қолди. Улар ҳамон иккинчи фасл таъсирида бўлиб, менга фақат буйруқ беришарди. Мен эса отамга буни қандай етказишни билмай ҳайрон эдим. Ниҳоят бунга имкон туғилди. Бир куни отам: “Қани ўғлим, хаскашни ол, томорқадан кичикроқ чил олиб, сабзи экиб қўямиз”, деб қолди. Ота-бала томорқага ўтдик. Мен сабзи уруфини сепиб, устидан хас-

каш торта бошладим. Отам эса узокдан туриб, тупроқни у ёқقا торт ёки бу ёқقا торт, дея кўрсатма берарди. Афуски, ишни отам айтгандай қилсам, чил қия бўлиб қолар ва унга сув яхши чиқмасди. Мен отамга эътиroz билдиридим. Лекин отам, кўп гапирмай айтганини қилишимни “маслаҳат” берди. Ноилож отамнинг айтганини қилдим. Орадан бир қанча вақт ўтиб, сабзилар униб чиқди. Аммо чилнинг ярмига сув чиқмай қолди — ярмида сабзи бору қолганида ҳеч вақо ўсмади. Аҳволни кўриб, отамнинг қоши чимирилди.

— Шу ёшга кириб битта чилни ҳам эплаб текислолмабсан. Қара, ярмига сув чиқмабди. Ишлатгандага кўзинг қаёқда эди. Қойил, авжини қара, сен олган чил-да, — дея кесатди. Мен ҳам мулойимроқ оҳангда жавоб қилдим:

— Тўғри, мен чилни сизнинг кўзингиз билан олган эдим. Сўзларим кескин қаттиқ ботмасин деб табассум қилиб турардим. Отам менга тикилиб қолди. Кейин қаҳ-қаҳ уриб кулганича нари кетди.

Шу тариқа отам ва мен учинчи фаслга қадам кўйдик. Бу фасл ота ва боланинг дўстлашув фасли эди.

Ушбу ҳикояни тинглар экансиз, учинчи фасл моҳиятини англагандай бўласиз. Ёдингизга эса бир донишманд билан бўлган савол-жавоб келаверади. Ундан сўрашибди:

— Ким яқин, отами ёки дўстми?

Донишманд жавоб берибди:

— Шубҳасиз, ота. Агар у дўст бўлса.

Беихтиёр савол туғилади: хўш, ота ўз хатосини тушунмай, болани ноҳақ деб ҳисоблагандага нима бўларди? Ўз-ўзидан равшанки, болада отага нисбатан норозилик туйғуси бош кўтарарди. Бунинг оқибати эса ҳеч қачон яхшилик билан тугаган эмаски, ҳаётдир соодир бўлаётган воқеалардан бунга истаганча мисол олиш мумкин. Ҳеч қачон фарзанд ўз-ўзидан ёмон йўлга тушиб қолмайди. Ота-она ушбу фаслларни унутдими, демак, фарзанд тарбияси таназзулга юз буради.

Хуллас, ота-она гўдак хархашасини кўтармоғи, ўсмир тарбиясига жиддий эътибор қаратмоғи ҳамда вояга этган фарзанди билан бамаслаҳат иш тутмоғи лозим. Шундагина ота ва бола ўртасидаги меъёр чегараси бузилмайди. Шундагина ҳар икки томон ўртасида тушунмовчилик келиб чиқмайди.

ЗИЁРАТ ОДОБИ

Сўз масъулияти юятда юксак. Айниқса, бирор-бир мураккаб, нозик масала юзасидан гапирганда киши ўзини қил устида турган-дек сезади. Анчадан бери зиёрат мавзусида ёзишни кўнглимиизга туккан эдик. Ўтган вақт мобайнида қоғоз қоралаб ёзганларимиздан ҳарчанд кўнглими тўлмади. Негаки сўз масъулияти қаршисида журъатимиз камлик қилди. Орадан вақт ўтиб, мана ниҳоят ёзганларимизни эълон қилишга жазм этдик. Мулоҳазаларимизнинг ҳар жиҳатдан пишиқ-пухталигига даъво қилмаган ҳолда айтмоқчиимизки, зиёрат мавзусининг кўлами кенг. Бу ҳам аслида бир илм. Уни бир мақола доирасида қамраб олиш қишин.

Мисол тариқасида қуйида келтириб ўтадиган баъзи воқеалар тўқима эмас. Уларнинг замирида ҳам ибратли, ҳам ибратсиз ҳодисалар мужассам. Бу билан зиёрат одобини ўз ўрнига қўя билган ва уларни унумтиб қўйган инсонлар ҳам борлигини ҳаётий мисоллар орқали кўрсатмоқчи бўлдик, холос.

Мақолани тайёрлашда яқиндан ёрдам берган Ўзбекистон мусулмонлари идорасига, хусусан, Фатво бўлимига миннатдорлик билдирамиз.

Зиёратнинг хосияти

Ҳайитда отам билан аммамнинг қабрини зиёрат қилиб келадиган бўлдик. Қабристон одамлар билан гавжум экан. Шунча одам зиёратга келибди. Қабристон дарвозасидан ичкари киришим билан кўмилган ток сингари дўплайиб турган қабрларни кўриб, маъюс тортдим.

Ҳаэррати инсоннинг сўнгги манзили. Шу ердан у йўқлик сари юз буради. Ортида қолганлар эса, бизга ўхшаб уларни йўқлик маконидан йўқлади. Бу йўқлов зиёратдир. Зиёрат инсон ҳаётининг аксадосидир...

Аммамнинг қабри ёнида отам чўк тушиб қуръон ўқиди. Менга ҳам ўқишни буюрди. Ўқидим. Куръон ўқир эканман, кўз олдимдан аммамнинг ҳаётлик лаҳзалари ўта бошлади. Шундагина аммамни энди сира-сира кўрмаслигимни, у кишининг жисми тупроққа айланганини, ўзим эса у кишининг қабрини зиёрат қилаётганимни англаб етдим. Ана шу пайт аммамнинг бу оламдан ўтганини эшит-

ганимдан буён кўзларимда омонат бўлиб турган ёшлар юзларимга оқди. Мен зиёрат туфайли аччиқ ҳақиқатни ўсмир онгим билан англаб етган эдим.

Дуюю фотиҳадан сўнг, қабрни қовжираган ўт-ўланлардан тозаладик. Отам ўзи билан олиб келган кўчатни қабр бошига экиб қўйди. Шу куни барча зиёратчилар қабристон ободончилиги билан машғул бўлишибди.

Ниҳоят, қабристонни тарк этдик. Дарвозадан чиқа туриб отам бир чол билан кўришибди. Улар қуюқ сўрашишибди, отахон асли бизнинг ҳамқишлоғимиз экан. Улар йўл-йўлакай гурунглашиб кетишибди.

— Ҳа тақсир, умр шундай экан. Қишлоқдан чиқиб кетганимга яқинда 40 йил бўлади. Сиз унда манави ўғлингиз қатори эдингиз. Мана энди ўғлингизни етаклаб зиёратга келибсиз. Тақдирни қаранг, мархумларни бир зиёрат этиб, руҳларини шод қилиб кетай, деб келган эдим, сизни ҳам зиёрат қилдим.

Отахон отамнинг елкасига қоққанча давом этди:

— Зиёратнинг хосияти катта. Ўтганларни ёд қилиш — бир калима куръону, бир ҳовуч фотиҳа улар руҳини шод этади. Зеро, расули акрам саллоллоҳу алайҳи васаллам: “Қабрларни зиёрат қилинглар, чунки улар охиратни эслатади”, дейди. Бошқа ривоятда эса, “Қабрларни зиёрат қилинглар, чунки улар ўлимни эсга солади”, дейилади. Ҳа, тақсир зиёратнинг ажойиб хосияти бор. Зиёрат бальзилар учун ибрат ҳам бўлиши мумкин. Бу ҳақда қуйидагича ривоят бор.

Отахон бизга зиёратдан ибрат олган ўғри ҳақидаги ривоятни айтиб берди. Бу ривоят ҳали-ҳануз ёдимда.

Ривоят

Умрининг кўп қисмини ўғирлик била ўтказган, ўғрилар орасида катта обрў-эътибор орттирган бир ўғрибоши, ниҳоят, қилган ишларидан тавба қилиш ниятига тушади. Шериклари ва издошлирини ёнига чақириб, минбаъд ўғирлик қиласликка қарор қилганини айтади. Шериклари уни аҳидан қайтаришга уриниб кўришади, аммо у ўз сўзида қаттиқ туриб олганча уларнинг сўзларини қабул қилмайди.

Шу тариқа ўғрибоши бир муддат ўғирлик ишларига умуман рағбат кўрсатмай, тарки одат қилади. Орадан кунлар ўтиб, у бозорга тушади. Ўрганган кўнгил ўртанса қўймас. Асли ҳунарини бозордан бошлаган эмасми, ўзини тутиб туролмайди. Бир бечоранинг ақчаларини ўмариб кетади.

Үйига қайтгандан сүнг сүзида турмагани учун ўзини-ўзи қаттиқ койиди. Минг пушаймон қиласы, аммо таскин топмайди. Үйкүси келмай ярим кечаси илму одоби билан машхур бўлган пир хузурига жўнайди.

Пир уни бемаҳал безовта қилганига қарамай, очиқ чехра билан кутиб олади. Жимгина арзи ҳолини тинглайди. Ўғрибоши сўзини тутагтагч, бор уйингга, фалон куни сахарда ҳузуримга кел дея, унга жавоб бериб юборади. Айтилган куни ўғрибоши пир хузурига келади.

— Бугун ҳайит, ҳамма мусулмонлар қабрларни зиёрат қиласы. Юр, биз ҳам уларга эргашайлик, — дея таклиф киритади пир.

Ўғрибоши бу таклифдан бироз ҳайратга тушади. Аммо таклифда бир ҳикмат бўлса не ажаб, дея унга эргашади. Икковлон қабристон томон йўл олишади. Қабристон дарвозасидан кирган ўғрибоши дўппайиб турган, чўкиб кетган, ўт босган қабрларни кўриб ғалати кайфиятга туша бошлайди.

Пир уни тиз чўкишга ундейди. Ўзи эса куръон ўқий бошлайди. Куръон таъсиридан ўғрибоши кўзларига ёш олади. Фотиҳадан сүнг савоб умидида ўрнидан кўзғалиб, тўғри келган қабр устидаги қовжироқ хас-хашакларни тозалашга киришади. Ўғрибоши ўз иши билан машғул бўлиб, умуман, қаровсиз қолган қабрга рўпара бўлади. Қабрнинг бунчалар қаровсизлигидан таажжубга тушиб, ёнидаги одамдан бу қабр кимники, деб сўрайди.

— Фалончи ўриники, — жавоб қиласы у киши. Бу жавоб унга қаттиқ таъсир қиласы. Дарҳол қабрни тозалашга киришади.

Үйига қайтгач, дарҳол издошларини йиғиб ўғирилик қилмасликка даъват этади. Ўзи эса шундан сўнг минбаъд ўғириликка қўл урмайди.

Ундан умрининг сўнгига бир вақтлар издоши бўлган, ҳозир эса тўғри йўлни топиб олган шогирди сўрайди.

— Устоз, эгриликни ташлашингизга нима сабаб бўлган эди?

— Қабристон зиёрати. Шу зиёрат сабаб у ерда умрим интиҳосини кўрдим, — деб жавоб қиласы собиқ ўғрибоши.

Қандай жойлар зиёратгоҳ саналади?

Бу саволга Ўзбекистон мусулмонлари идораси Фатво бўлими бошлиғи Ҳомиджон Ишматбеков шундай жавоб қилди:

— Авваламбор, Оллоҳ таоло томонидан муқаддаслиги баён қилинган маконлар зиёратгоҳ саналади. Масалан: Маккаи мукаррамадаги масжидул ҳарам ва ундаги Каъбай муаззама, Мадинаи

мунавварадаги пайғамбар масжиди ва у ердаги Расулуллоҳ (с.а.в.) ҳамда у кишининг икки саҳобалари Абу Бакир ва Умар ибн Ҳаттоб разиоллоҳу анхуларнинг қабрлари ва ҳоказолар.

Шунингдек, ўтмишда ўтган азиз авлиёлар ва уламоларнинг қабрлари, қолаверса, барча мусулмонларнинг қабристонлари ҳам зиёратгоҳ саналади. Ҳозирги кунда ҳукуматимиз томонидан урушда шаҳид кеттанлар хотираси учун алоҳида хиёбонлар, майдонлар, музейлар барпо қилинмоқда. Булар ҳам рамзий маънодаги зиёратгоҳлардир.

Зиёратдаги бидъат

Юртимизда тарихий обидалари, зиёратгоҳлари билан машхур бўлган шаҳарлар талай. Шулардан бири гўзал ва навқирон Самарқанддир. Бу шаҳарда азиз авлиёлар, саркардалар, назаркарда кишиларнинг дафина ва мақбаралари кўп.

Самарқанддаги машхур зиёратгоҳлардан бири Шоҳизинда ансамблидир. Бу ерда бир қанча улуғ саркардалар ва азиз авлиёлар ётибди. Булар пайғамбаримиз Муҳаммад саллоллоҳу алайҳи васалламнинг амакивачаси Қусам ибн Аббос, Темурий шаҳзодалар, уларнинг пирлари ва бошқа тарихий шахслардир. Ҳар куни бу ерга минглаб зиёратчилар ташриф буюрадилар. Дафиналарда қуръон ўқиласи. Ўтганлар руҳи ёд этилади. Зиёратчиларнинг кўплигини кўриб, кишининг руҳи кўтарилади. Чунки бу шунчаки зиёрат эмас, аждодлар руҳига нисбатан ҳурмат, тарихга нисбатан улкан эҳтиромдир.

Буларнинг барчаси эзгу ишлар сирасидан, аслида. Аммо зиёратгоҳга кирган одамлардан баъзи бирларининг қилаётган ишларини кўриб таажжубингиз ортади. Баъзилар шу ерда ўсган дараҳтларнинг шоҳ-шаббаларига турли-туман латта-пугталарни боғлаб кетаётган бўлса, бошқалари дафиналар ичидаги шам ёқишган. Буни мақбаралар деворларида қолган тутун изларидан ҳам кўриш мумкин.

Бу ҳолга қараб ўша зиёратчилар қайси динга эътиқод қилишларини англаш қийин. Чунки исломда қабрларни тавоғ қилиш, ўтмишда ким бўлиб ўтганидан қатъи назар, қабрда ётган мархумдан бирор-бир нарсани тиласи ёки арвоҳлар шод бўлсин деб, шам ёқиш одати йўқ.

Хўш, бу каби ғалати одатлар исломга хосми?

Бу саволга жавоб излаб яна Ўзбекистон мусулмонлари идораси, Фатво бўлими бошлиги Ҳомиджон Ишматбековга мурожаат қилдик.

— Бундай амаллар динимизга бегона, — дея саволимизга аниқлик кирита бошлади диний идора мутасаддиси. — Фақатгина шам ёқиш эмас, қабрни тавоф этиш, зиёратгоҳ худудидаги бирор нарсага ният қилиб белги қўйиш, ўша жойга атаб жонлиқ сўйиш, хуллас, шу каби ҳолатлар исломда бидъат — хурофот саналади. Бу нарсалар юзлаб йиллар мобайнода уламоларимиз томонидан маън этиб келинмоқда. Аммо баъзи бир тушуммаган кимсалар ҳанузгача бу каби ҳолатларни такрорлашмоқда. Бу зиёратдаги бидъатdir. "Бидъат" сўзининг маъноси "янгилик" деган маънони билдиради. Яъни динга киритилган бирор-бир янгиликдир. Зиёратгоҳларда содир бўлаётган юқоридаги ҳодисалар ҳам шаръян бидъат, деб ҳукм қилинади. Бунинг охир-оқибати ширкдир. Ширк эса тангрини инкор этиш билан баробар. Қабрда ётган авлиёга атаб қурбонлик қилиш ёки унинг руҳидан бирор-бир нарсани сўраш ёки қабрни тавоғ қилиш билан уни тангрига шерик қилиб қўйиш мумкин.

Бу тариқа зиёратнинг мукаммаллигига баъзи ҳолларда путуретиши мумкин. Зиёрат қилувчилар бундай одатлардан ўзларини тиймоқлари лозим.

Зиёрат поклиги

Расуллulloҳ марҳамат қилиб шундай дейди: "Поклик иймон-дандир". Бирон-бир зиёратга боришдан аввал жисман пок, озода либосда бўлиш ва ҳоказолар зиёратнинг мукаммаллигини таъминлайди.

Аммо зиёратгоҳларга, зиёрат қоидаларига муносабат ҳамиша ҳам рисоладагидек бўлмаган. Жумладан бугун ҳам.

Воқеа: Самарқанддан келин олиб келадиган бўлдик. Тўғрироғи, ўртоғимиз ўша томонлардан уйланди. 15-20 нафар күёвжўра оғзимиз қулоғимиизда, қуда томон машинада йўлга тушдик. Дарвоҷе, йўлга чиқишидан аввал ўртоғимнинг отаси мени четга тортиб:

"Жўрангни тоғалари ҳали келмади. Қудабоши бўладиган дурустроқ одам йўқ. Энди ўзинг қудабоши бўлиб бориб, келинни олиб келасан. Қудалар у-бу деб ҳарҳаша қилишса, алдаб-сулдаб тўғри қайтинглар. Тағин ў ёқ, бу ёқларга айланниб кетиб қолманглар", деб тайинлади.

Ўртоғимнинг отаси тайинлаган гап қулоғимда эмасми, эртароқ

қайтишнинг пайида эдим. Аммо мен ўйлагандек бўлмади. Қудабоши бўлганим учун ўртоқларимдан алоҳида ўтиредим. Ҳали келгандарга таом сузилмасиданоқ қуда томон мени йўқлади. Уларнинг хузурига бордим. Шахсан келиннинг отаси И мом Бухорий зиёратгоҳига бориш лозимлигини, келин-куёв у ерни зиёрат қилишларини, никоҳ ҳам ўша ерда ўқилишини айтди. Мен күёвнинг отаси айланишга ижозат бермаганини, шунинг учун у ерга иложи бўлса бормаслик лозимлигини, никоҳни ҳам шу ерда ўқийвериш кераклигини айтдим. Бироқ келиннинг отаси бунга рози бўлмади.

— Тақсир, биз томонда келин-куёв, албатта “Хўжа бобога” бориши шарт. Бу одат, — деб менга эътиroz билдириди.

Мен у кишининг гапига:

— И мом Бухорий зиёратгоҳига киши жисман покланган тоза либос кийган ҳолда бориб, икки калима бўлса-да, куръон ўқиб Бухорий бобонинг руҳи покларига багишиласа, ниҳоятда гўзал иш бўлади. Менинг бунга эътиrozим йўқ. Лекин аксарияти зиёрат нималигини тушунмайдиган, унинг устига хурсандчилик учун ҳаттони ароқ ичиб олган йигитлару ярим-яланғоч кийиниб олган қизлар билан у ерга бориб, музейни томоша қилган сингари бор-йўғи расмга тушиш учун беҳуда ташриф бироз ғалати эмасми, — дея эътиroz билдириди.

Гапларимдан келиннинг отаси жаҳлланди.

— Менга қара, ука, ўзингдан каттага ақл ўргатиш яхши эмас. Хоҳласанг шу, бўлмаса ўзинг биласан. Қудабоши бўлганинг учун индамаяпман. Бўлмаса ўзим билардим, — дея эътиrozга ўрин қолдирмай гапини якунлади. Ноилож рози бўлдим.

Биз зиёратгоҳга бордик, ичиб олган йигитлар, ярим яланғоч қизлар ва оппоқ фата кийган елкалари очиқ келин билан. Ичкарига киргач, келин-куёв деяярли ёлғиз қолишиди. Чунки күёвжўралар ва келин дугоналар зиёратгоҳнинг нақшларию, устунларини томоша қилишга киришиб кетишиди. Келин-куёв эса зиёратгоҳнинг энг гўзал жойларида расмга ҳам тушишиди. Биздан олдинроқ зиёратга келганлардан бири йигитлардан кимгадир сигаретнинг қолдигини, яна кимгадир писта пўчогини ерга ташлагани учун танбеҳ берди.

Шу ердаги домлалардан бири никоҳ ўқигандан сўнг ортга қайтдик.

* * *

Зиёратгоҳларда бу каби воқеаларга кўплаб гувоҳ бўламиз. Афусски, бу каби ҳолатлар ҳар қадамда учрайди.

Биз бу гаплар билан эътиборингизни бир нарсага — зиёратда покликка амал қилишга тортмоқчимиз. Юқоридаги ҳолатни таҳлил қиласак, куйидаги саволлар туғилади.

Никоҳ, албатта, зиёратгоҳда ўқилиши шартми?

Зиёратгоҳга юқоридаги ҳолатларда бориш жоизми?

Бу зиёрат талабига жавоб берадими?

Бу саволларга биз ўзимизча хулоса чиқаришдан тийилдигу, бизга қараганда ушбу саволга жавоб беришга ҳақлироқ инсон сўзларига кулоқ тутдик. Сўз яна Ҳомиджон Ишматбековга:

— Дарҳақиқат, никоҳ бирор масжид ёки зиёратгоҳда ўқилиши шарт эмас. Агар юқорида зикр қилинганидек келин-куёв ва уларнинг ҳамроҳлари зиёратгоҳни оёқости қиласиган бўлса, у ҳолда бундай кишиларни умуман у ерларга киришдан сақлаш керак. Чунки зиёратларга киришнинг одоблари мавжуд. Зиёратгоҳларнинг мутасаддилари бунга эътибор беришлари лозим.

Хулоса

Университетда талаба эдим. Диншунослик фанидан Кришна ибодатхонасига экспурсияга бордик. Ичкарига кириш учун оёқ кийимимизни ечиб қўйишни талаб қилишди:

Буни бежиз эсламадим. Диёrimизда минглаб зиёратгоҳлар бор. Аммо нимагадир биз гоҳида покликка эътибор қилмаймиз.

Сабаби нима?

Зиёрат поклиги ҳақида кам билишимизми ёки лоқайдлигимизми?

Ҳарқалай, кейингиси ҳақиқатта яқин бўлса керак. Чунки лоқайди киши бирон нарсани билишни истамайди. Борингки, билган тақдирда ҳам яна ўша лоқайдлиги туфайли амал қўлмайди.

Зиёрат қилмоқ яхши, аммо унинг одобига, поклигига риоя этиш, исломдаги гўзал амаллар билан бидъат-хурофотни аралаштириб юбор-маслик учун зиёрат тартиб-қоидаларидан боҳабар бўлмоқ лозим.

Зиёратгоҳлар миллат маънавиятидан, одобидан, тарихга ҳурматдан далолат бериб турувчи масканлардир. Бундай жойларга ташриф буюрган ҳар бир киши ўзга миллатлар олдида масъулият ҳиссини сезмоги лозим. Чунки бизни кузатиб турган ўзга миллат, ўзга дин, ўзга мамлакат одами зиёратгоҳда ўзимизни тутишимизга қараб маънавиятимизга баҳо беради.

ҲУКМБАРДОР ПЕДАГОГИКА

Ушбу мақолани ёзишдан аввал кўп ўйладим. Аслида бу мавзу ҳақида ёзиш фикри талабалик вақтимда туғилган эди. Аммо мўътабар устозлар шаънига нисбатан бирор эҳтиётсиз жумла айтиб қўйиш андишаси йиллар мобайнида қўлимни “кишан”лаб қўйди. Ниҳоят, орадан ўтган йиллар далласи туфайли қўлимдан келганча бу мавзу ҳақида ёзишга ҳаракат қилдим...

“Безори”нинг ҳасрати

Мактабни битираётган йилимиз қўшни туманга пахта терими ҳашарига чиққандик...

Ҳар куни кечки овқатдан сўнг дискотека уюштириларди. Ҳамма дискотекага чиқса, мен бир четга ўтиб, хаёл суринши яхши кўрардим. Буни қаранг, хаёлпарамастлар ҳамма жойда ҳам топилар экан. Бошпанамизни қўриқлайдиган шу ерлик қоровул бор эди. Унинг ўзи бўлмаган вақтларда ўғли қоровуллик қиласарди. Ёши мендан каттароқ, асосий вақтини ўзи ясаб олган турник билан брусларди ўтказар, босик, ўйчан бола эди.

Хуллас, у билан танишиб олдим, кўп ўтмай иноклашиб кетдик. Бекор вақтларда бирга машқ қиласарди, дала айланиб, уларнинг уйига меҳмонга борардик.

Бир якшанба куни уч-тўрт синфдош унинг уйига бордик. Меҳмондорчилик бўлди, сұхбат қизиди. “Янги” кўшилган дўстларимиздан бири, “Мактабни битиргансиз, нега ҳеч қаерда ишламайсиз?”, деб сўраб қолди. У саволга хушламайгина “иш йўқ” деб жавоб қилди-ю, гап мавзунини бошқа ёққа бурди.

Ундан-бундан гурунглашдик, албатта, балоғат ёшидагилар қалтиш мавзулардан гап очишини ёқтиришади. Қамоқда ўтириб чиққанлардан гап кетганда мезбон негадир жимиб қолди. Бу бизнинг эътиборимиздан четда қолмади. Қизиқсиниб сўраганимизда “Менниг ҳам дадам қамалиб чиқкан. Милицияга ишга кирмоқчи эдим, отанг қамалган, деб олишмади”, деб жавоб берди. Шундан сўнг у маъюсланиб қолди. Сұхбат ҳам совиди. Ножӯя гапни қўзғанимиздан афсусланиб, тарқалдик...

Одатдагидек, эртаси куни ҳам дискотека бўлаётган эди. Қорувунинг ҳужрасига яқин жойда томоша қилиб ўтиргандим, унинг ўзи келиб қолди.

— Ҳа, жўра, ишинг қандай? Буёққа юр, гурунглашамиз, — деб мени хонасига таклиф қилди.

Унинг жаҳли тез эди. Шу боис болалар ундан ҳайиқишар, иложи бўлса тик келмасликка ҳаракат қилишарди. Менам ўшалардан бири эдим, албатта. Аммо ўзи таклиф қилаётгани учун, қолаверса, ички бир қизиқиш билан ортидан эргашдим.

Коровулнинг ҳужраси батартиб, саранжом-саришта экан. Мени хона тўридаги кўрпачага ўтқазиб, ўзи пастроқдан жой олди. Бир гапириб ўн марта кулар, кайфияти зўр, назаримда, ичиб олганга ўхшарди. Бу мен учун айни муддао эди. Қитмирилигим тутиб, “ковлай” бошладим:

— Амаки, ўғлингиз атрофимиизда “ўтириб чиққан” бор деятувди. Сиз ҳам уларни танийсизми?

Ҳамсуҳбатим бепарво қўл силтади:

— Э, улар ҳамма жойда бор. Биттаси шу ерда ҳам ўтирибди.

Гапи ўзига “наша” қилди шекилли, қиқирлаб кулди.

— Бу нима деганингиз? — гўё ҳеч нарсани англамагандай талмовсирадим. — Бу ерда икковимиздан бошқа ҳеч ким йўқ-ку!

— Ие, шунақами. Унда икковимиздан биримиз...

Коровул яна қиқирлади. Ўзимни ҳайрон қолгандай кўрсатиб сўрадим:

— Сиз қамалиб чиққанмисиз?

Коровул бу гапдан сергакланди, бирпас менга тикилиб қолди. Сўнgra “Ха” деганича бошини қуи солиб, қовоғини уюб олди. Унинг авзойи бузилганини билсам-да, юрак ютиб, яна саволга тутдим.

— Сизни нега қамашган?

Табиийки, бу саволим учун яхшигина дакки эшитдим. Унинг шу қадар жаҳли чиқдики, ҳозир қувиб солса керак, деб ўйладим. Хайриятки, бундай бўлмади. Коровул анча вақт хаёлчан бўлиб ўтириб, кейин менга эмас, деразага тикилганча, қўлини бошига тираб олган қўйи гап бошлади...

— Қамалган вақтимда сендей йигит эдим. Ҳар бир қўлтиғимда тўрттадан тарвуз бор эди. Еттинчи синфгача нукул “аъло”га ўқиганман. Ҳаммаси ўша “еттингчидан” бошланди. Математика ўқитувчимиз алмашди. У баджаҳл, сен билан ўқувчи сифатида эмас, шунчаки бир буюм сифатида муомала қиласарди. Бир куни бетоб бўлиб қолиб, дарсга бормадим. Соғайгач, мактабга келган кунимда ўша ўқитувчимиз мени турғазиб, айнан келмаган куним ўтилган мавзуни сўради. Жавоб бера олмадим. “Касал эдим” деган сўзларимни инобатга олмай, уришиб-уришиб “2” қўйди. Бу “икки” кундалигимга ҳам тушди. Ўша вақтгача биронта ҳам “икки” олмаган эдим,

руҳим тушиб кетди. Аксига олиб, ўша куни дадам кундалигимни текшириб қолди ва “2” учун таъзиримни берди. Дарс қилиш ўрнига аразлаб, йиғлаб-йиғлаб ухлаб қолдим. Эртасига мактабда яна мендан уйга вазифани сўрашди. Мен жавоб беролмадим. Яна “2” ва яна калтак. Шу тахлит ўқишим пасайиб кетди. Охир-оқибат аълочилар тахтасида турадиган суратим “2” чилар қаторидан жой олди. Энг ёмони — мен бунга кўнишиб қолгандим. Хулқим ҳам, ўқишим ҳам энг паст даражага тушиб кетди. Мактабни битирган куни ичиб олиб, бир болани уриб майиб қилиб кўйдим. У ёри... ўзинг биласан, “ўтириб чиқдим”. Бу бир менга эмас, оиласамга ҳам таъсир қилди. Мана, ўғлим органга ишга ўта олмади. У бунинг учун мени айбор, деб ўйлайди. Аслида ҳам шундай. Лекин мен бунақа деб ўйламайман, ўша биринчи “2” кўйилмагандা, ота-онам ва ўқитувчим мен билан қўпол муомала қилишмаганида мен балки яхши ўқиган, одобли йигит бўлардим. Ахир, олим бўлиш ниятим бор эди. Бироқ ҳаммаси ниятлигича қолиб кетди...

Амаки жимиб қолди. Унинг ҳамма айбни “2”га афдаргани ўшанда менга фалати туюлганди...

Бола руҳияти эътибор талаб қиласи

Талабалигимизда педагогикадан дарс берадиган домламиз “хукмбардор (авторитар) педагогика”нинг салбий жиҳатларига таъриф бера туриб, шундай деган эди: “Хукмбардор педагог ҳеч қачон ўқувчининг фикри, шароити, мавзуни қабул қилиш имконияти, қайта тушунтириш зарурати билан ҳисоблашмайди. У дарс ўтаётганда ҳамма ҳайкал каби жим ўтириши, ҳар бир ўқувчи уни ҳурмат қилиши, иложи бўлса, умуман савол бермаслиги керак. Афсуски, бунинг барчаси билимсизлик, шафқатсизлик аломати, чунки илми чуқур, дунёқараши кенг, замон билан ҳамоҳанг педагог ҳеч қачон бундай қилмайди. “Хукмбардор педагогика” ҳақида гап кетганда, яна бир нарсани таъкидлаб ўтиш лозим. Бу тоифага мансуб педагоглар аксарият ҳолда ўз ўқувчиларида салбий хислатларнинг шаклланишига туртки беради”.

Кекса устозимиз ёшлар психологияси ҳақида маъруза қиласи экан, шундай деб уқтиради: “Ёшлар руҳияти билан ҳазиллашиб бўлмайди. Уларни нимага ишонтирангиз, нимадан қайтарсангиз, ана шунга ишонади, шундан қайтади. Гоҳида катталар ўзлари билмаган ҳолда ёшларни салбий нарсаларга ишонтириб қўйишлари мумкин. Бу қандай содир бўлади? Масалан, мактабда яхши ўқий-

диган ўқувчи бир гал қандайдир сабаб билан дарсни яхши тушу-
ниб ололмади. Табиийки, кейинги дарсда ундан ўша мавзу сўрал-
са, яхши жавоб бера олмайди. Бундай ҳолда ўқитувчи унга ёмон
баҳо кўйди, дейлик. Боланинг руҳи тушади, ахир, у шу вақтгача
яхши ўқиган, фавқулодда олинган салбий баҳо унга ёмон таъсир
қилади. Уйга келгач, ота-онасидан ҳам дакки эшитиб унинг руҳи
баттар чўкади. Шу тариқа у ўзининг “ношуд” лигига ишониб қола-
ди. Қарабисизки, бир вақтлар “намунали” бўлган ўқувчи энди “қони-
қарсиз” хулққа эга ўқувчига айланади. Бундай пайтда ота-она би-
лан ўқитувчининг оқилона тадбирига боланинг ушбу ҳолатдан
чиқиб кетишига кўмаклашиши мумкин”.

Ўқитувчининг оқилона тадбири

“Мактабга ўтган йили ишга келдим, — дея ҳикоя қилади ўқитув-
чи танишларимдан бири. — Фалончи аканинг ўғли мактабда энг
ёмон ўқийдиган, ахлоқи ҳам ҳаминқадар ўқувчи ҳисобланаркан.
Буни менга ўқитувчилар айтишди. Дарсга кирдим. Қарасам қулоғи-
га “наушник” тақиб олиб, охирги партада сақич чайнаб, радио
эшитиб ўтирибди. Радиосини олиб қўйдиму, лекин танбех берма-
дим. Дарс давомида кўпроқ унга мурожаат қилиб, саволларимга
тўғри жавоб берса-бермаса рағбатлантириб турдим. Кейинги дарс-
га китоб-дафтар, ручка билан келибди. Хуллас, уни рағбатланти-
ришда давом этдим. Охир-оқибат бутун мактаб ёмон деб ҳисобла-
ган ўқувчи “аъло”чига айлана борди. Унинг ота-онаси билан ҳам
учрашиб, ўқиши билан қизиқиб туришларини, яхши баҳо олган
куни, албатта, рағбатлантиришларини тайинладим. Чунки бола ўзи
қизиққандагина бирор ишга кўл уради. Ўқувчи учун рағбат энг муҳим
омил, у рағбатдан айрилгиси келмайди. Мактабда ўқитувчининг,
уйда ота-онасининг рағбатини олиш учун у ўқишига қизиқа боради.
Агар бунинг акси бўлса, у ўзининг “ёмон” лигига ишониб қолади.
Ахир, “Болани урсанг эти қотади, сўксанг бети қотади”, деган
ҳикмат бежиз айтилган эмас.

“Иккичи”лар тузалиши мумкин...ми?

Дадамнинг Равшан отлиф ўртоғи бор. Бир қоп ёнғоқ. Ўзи ҳисоб-
чи, аллақандай нашлар учун бир дунё пул сарфлагани боис рафи-
қасидан раҳмат эшитмаса ҳам барибир мутолаадан айрилгиси кел-
майди. Бир куни бизнекига шу киши меҳмонга келди. Дадам икко-
ви ёшлиқ дамларини эслаб сұхбат куришди. Гап айланиб ўқиш ва
ўқитиш, ўқувчи ва ўқитувчиларга келгандা Равшан ака, “6-сinf

гача математикадан жуда ёмон ўқирдим, кейин бирданига “аъло-чи”га айландим. Бунга фалончи муаллим сабаб, математикадан бир гал мақтаб-мақтаб “3” қўйиб берди. Шу мақтавидан сўнг яхши ўқиб кетдим”, деб қолди.

Бу тузалган “иккичи”нинг гапи эди.

Гапни мухтасар қиласиган бўлсак, иқтидор ҳам, истеъдод ҳам тарбияга эҳтиёж сезади. Тарбия тўғри берилса, шубҳасиз, самара беради.

ТҮЙМИ ЁХУД МАИШАТПАРАСТЛИК

Тўй — ўзбекнинг азалий удуми. Минг ишлардан буён авлоддан-авлодга ўтиб келаётган турли-туман халқ ўйинлари, лапарлар, маросим анъаналари тўйлар туфайли барҳаёт. Ўзбек тўйлари асрлар мобайнида ёшларнинг ахлоқий шаклланишида муҳим ўрин эгаллайди. Чунки бундай маросимларда ўтириш-туриш, ўзини тута билиш катта аҳамият касб этган. Шу туфайли, азалдан турли тадбирларда, айниқса, тўйларда одоб-ахлоқ, хушмуомалалик, меҳмондўстлик каби умуминсоний фазилатларга гувоҳ бўламиз.

Хўш, бугунги тўйларимиз қай тарзда ўтаяпти? Уларда юқорида таъкидланган анъаналар борми? Маросимларимиз аксарият ҳолларда исрофгарчилик борасида кимўзарга айланиб қолмаяптими? Бу саволлар билан юзма-юз келганда, негадир, жавоб ўрнига сукут сақлаймиз...

Тўйдаги томоша

Бундан бироз муқаддам ўзига тўқ ҳамқишлоғимиз элга тўй берди. Тўрт қозонда ош дамланди. Кечки базмга ҳам кўп одам айтилиб, шунга яраша жой ҳозирланди. Хизматчиларнинг гапларига қараганда, минг шиша атрофида ароқ олинган экан.

Кеч кириб, зиёфат бошлангач, даврага келин-куёв таклиф қилинди. Аммо меҳмонлар учун тайёрланган жойнинг ярми бўш қолди. Бўш қолган жойлар базмни томоша қилиш учун келган хотин-халаж ва ёш болалар билан тўлдирилди. Мезбон учун обрўли саналган меҳмонларга алоҳида меҳрибончилик кўрсатилди (Бу ҳол деярли барча тўйларда учрайди). Дастурхонга 2 хил овқат, 2 кишига биттадан икки марта ароқ қўйилди. Даврада ичмайдиганларни ҳисобга олмаганда (улар бармоқ билан санарли), маст бўлмаган одам қолмади. Деярли ҳамма рақсга тушди. Отарчига рақсбоп ашуслани қайта-қайта айттириб ўйнашди. Ярим тунга бориб давра сийраклашиб қолди. Ўртакаш энди келин-куёвга жавоб берадиган вақт бўлганини айтиб, оқсоқолга микрофонни тутди. Дастурхонга тортилган ароқлардан оқсоқол ҳам бенасиб қолмаган шекилли, гандираклаганча тушунарсиз тарзда гудрана-гудрана икки ёшга оқ фотиҳа берди. Унга қўшилиб юзларига фотиҳа тортаётган одамларни кузатиб туриб, беихтиёр мархум бобомнинг “Ароқ ичган одамнинг қарғиши ҳам, олқиши ҳам ижобат бўлмайди”, деган гапи ёдимга тушди.

...Ўшанда келинни гўшангага кузатиб қўйган куёв ва куёвжўралар ўйин-кулгини яна узоқ вақт давом эттиришди. Ҳолдан тойиб, уйга қайтдим.

Эрталаб уйқудан турсам, соат 10 бўлган экан. Шу қадар донг қотиб ухлабманки, ойим ҳам уйғотишга ботинмабди. Бетимни ювиб, уйга киргач, укам Фарҳод акани (воқеа қатнашчиларининг исмалирини ўзгартиридик) милиса олиб кетганини айтиб қолди. Ҳайрон бўлдим. “Кеча тўй тарқагандан кейин жанжал бўлибди. Фарҳод Темурни уриб ўлдириб қўйишига оз қолибди, у ҳозир реанимацияда эмиш”, деди укам. Кейинроқ воқеанинг тўла-тўқис тафсилотини бошқалардан узуқ-юлуқ билиб олдим. Укамнинг гаплари рост экан.

Жабрдийда-ку тузалиб чиқди, аммо зўравон қамалиб кетди. Ҳар ким ўзича хулоса чиқарди. Бирор зўравонни ёмонласа, бошқаси жабрдийдан маломат қилди. Лекин ҳеч ким бу жанжалга ичкиликбозлилк авж олган тўй сабаб бўлганини тилга олмади.

* * *

“Академик Юнус Ражабий ва шоир Ҳабибийлар ёзган мақолада айтилганидек, тўйхоналарда “катталар” “мен сенга айтсан”га етгунча ичишади. Оёқлари остида шиша йигиб юрган болаларга парво ҳам қилишмайди. Бугина эмас, ўша “катталар” орасидаги энг хурматли одамлар ёшларга тилак тилаган бўлиб, қадаҳ кўтаришади. Ҳаммани ичишга, “оқ ичишга” ундашади. Шу билан ҳовлини, томларини тутиб кетган болаларнинг кўз ўнгида ичкиликка обру туғдириб беришади. Модомики, шундай экан, меҳмонлар тарқалгандан кейин столга бемалол ўтириб, шишаларнинг юқини ичаётган болаларга қайси тил билан “ичкилик ичиш уят” деб бўлади?” (А.ҚАҲҲОР, “Уят” мақоласи).

Машхур адабимизнинг ушбу сўзлари изоҳга муҳтоҷ эмас.

Сўзимиз бошида тўйларимизда ҳалқимизнинг ахлоқи тўла-тўқис намоён бўлишини айтдик. Бироқ, бугунги тўйларда оммавий ичкиликбозликлардан сўнг юксак ахлоқнинг эмас, жуда ҳам тубан ахлоқнинг гувоҳи бўлмоқдамиз. Бу ёш авлод тарбиясида беиз кетмайди.

Янгилишмасам, бундан ўн-ўн икки йиллар муқаддам, бир тўйда эндиғина беш-олти ёшга кирган болакай қаердандир ароқми, виноми ичиб олиб, маст бўлиб қолибди. Ўз идрокини йўқотган гўдак юришга ҳаракат қиласар, лекин эплаёлмай йиқиларди. Бу ҳолдан атрофдагилар кулар, уни мазах қиласарди. Шу пайт болакайнинг акаси келиб қолди. Воқеани кўриб, жаҳуланди, укасини уришга қасд қилиб, қўлини кўттарганча ундан “Ичдингми?”, деб сўради. Болакай акасига қараганча “Ҳа, ичдим, нима дейсан?”, деб жавоб қилди. Бу жавобдан аканинг тела сочи тикка бўлди, аммо қўлига эрк беришни лозим топмай, “Нега ичдинг?”, деб яна саволга тутди.

“Нима ишинг бор, ўзинг ҳам ичиб олгансан-ку”. Уканинг бу жавобидан сўнг ака бошқа гапирмади, уни даст кўтариб уйига олиб кетди. Эҳтимол, гўдакнинг акасига нисбатан гапирган ҳақ гапи унинг жаҳлини кесгандир. Бироқ, нима бўлганда ҳам, бу ҳол фожеадан бошқа нарса эмас. Алҳол ёзувчи Абдулла Қаҳҳор айтган гапнинг исботи бу!..

Қолаверса, бундай тўйлардаги “тўнига қараб” муомала қилиш аксарият ҳолларда кўнгилхиралилкка олиб қелади. Тўй эгасининг барча хизмати норози бўлғанлар, иззатгалаблар томонидан “одам ажратиш”, дея баҳоланади. Битта тўйга кетган харажатга бутун бошли иморат тиклаш ёки машина сотиб олиш мумкин. Одамларни қойил қолдириш учун тўй қилғанларга қараб туриб, бир латифанамо гап ёдга тушади. Бир бадавлат киши одамларни хурсанд қилиш мақсадида, уларга биттадан кўй улашибди. Бироқ қўйларнинг бўйнида ипи йўқ экан, шунда одамлар қўйни етаклашга қийналиб, “Курумсоқ, кўй беришга бердинг, ипини ҳам берсанг ўласанми”, деб уни сўкиб кетишган экан.

Ҳасрат

Университетни тугаллайдиган йилимиз бир курсдошимиз уйланди. Мен тўйга боролмадим. Орадан бирмунча вақт ўтиб, у билан учрашдик. Курсдошим гап орасида тўй ҳақида ёзгириб қолди: “Буни қаранг, ҳамма харажат бир бўлди-ю, ароқнинг харажати бир бўлди. Отамга: “Кўйинг, шу зормандани бермайлик”, десам, “Мен одамларнинг тўйига бориб ароғини ичганман”, деб қарзга ароқ олдириди. Ана энди қарзни узиш қийин бўляяпти. Укамни репититорга олиб қеламан, деганимда қарз олишга унамаган отам ароққа келганда ўйлаб ҳам ўтирмади. Энг алам қилгани укамнинг: “Отам шу тўйига кетган ароқнинг тўрт яшигига кетган пулга репититор ёллағанида эди, мен бу йил талаба бўлармидим”, деган гапи бўлди”.

* * *

Агар етти ерда тўй бўлса,
ошни тушургайлар,
Тўюб қорни, кекуруб,
кўл керишконига диққатман.
Маъориф, илм йўлина,
тийинни кўзлари қиймас,
Базмда баччага сўмлар,
беришконига диққатман.

(А.АВЛОНӢӢ “Диққатман”)

Ёт одатлар ва анъаналар

Айрим динларга эътиқод қилувчилар учун вино муқаддас ичимлик ҳисобланади. Улар бу ичимликка илохий, яъни, покловчи неъмат сифатида қарашади. Ҳатто чўқинтирилаётган гўдак ҳам вино ва нон билан чўқинтирилади. Шу важдан уларда ичкилик ичилганди, яхши ниятлар айтилади ва бу Тангри ҳузурида қабул бўлади, дея умид қилинади. Улар шу туфайли тўйда ҳам, азада ҳам ичишади, шу тариқа ибодат маросимини ўтайди.

Ўзбекнинг тўйларида спиртли ичимликлар қўйилиши ўтган асринг 30-йилларигача урф бўлмаганди, деган гапларни боболаримиздан кўп эшитганимиз. Юз йилдан ортиқ давом этган мустабид тузум туфайли тўйларимизда қадаҳ олиб сўз айтиш одат тусига кирди. Бу ўзбек халқи учун бегона, аммо бугунги кунда жуда чукур сингиб кетган ёт одатдир.

Катта дабдаба билан ўтадиган “Загс” маросими, бу маросимда кийиладиган келин-куёв либослари айнан фарб анъаналарига тақлиддан бошқа нарса эмас. Тасаввур қилинг, ҳашамдор черков, келин-куёвга юzlаниб турган ва никоҳ ўқиётган руҳоний, куёв башибант костюм шимда ва келин “фата” –оқ либосда. Бу ҳолнинг бугунги кунда юртимизда бўлиб ўтадиган “загс” маросимларидан нима фарқи бор.

Миллий никоҳ либосларимиз бошқа халқ маросимлари либослари билан алмашилгани-ю никоҳ маросими ҳам бутунлай ўзгариб кетганига гувоҳ бўлиб турибмиз.

Халқимиз тўйида ҳозиргидек кечки базм эмас, кўпкари берган. Катта-катта кураш мусобақалари, арқон тортиш каби удумга айланган ўйинлар тўйлар баҳона ташкиллаштирилган. Энди эса, бу анъаналар унутиласяпти. Шаҳар-ку майли, олис қишлоқларда ҳам бу анъаналардан кечки базмларнинг афзал кўрилаётгани ташвишланарли ҳол эмасми?..

Ибратли ва ибратсиз жиҳатлар

Ўзбекистон ҳудудида қадимда турли тамаддунлар ўзаро учрашганига бугун ҳам гувоҳ бўлиш мумкин. Эътибор қилсангиз, бир вилоятдаги тўй удумлари бошқасиникига асло ўхшамайди. Ҳатто уларда аждодларимиз эътиқод қилган зардўштирилган. Оташпарастлик, масиҳийлик, монийлик, буддавийлик каби қадимги унсурлар учрайди.

Ҳар бир вилоятнинг тўйларида бир қанча ибратли жиҳатлар ҳам

мавжуд. Масалан, Сурхондарё, Қашқадарё, Навоий, қисман Самарқанд ва Жиззах вилоятларида қадимги удумлар яхши сақланган, кўпкари, кураш, арқон тортиш каби халқ миллий ўйинлари уюштирилиб турилади. Фарғона водийси ҳамда Тошкентда тартиб мөъёр тўйларнинг асосий қоидасига айланиб улгурган.

Бироқ ноўрин жиҳатлар ҳам бор. Бу исроф, ортиқча дабдаба-бозилклар билан боғлиқ. “Фалончидан ўтказаман, мен кимдан камман” қабилида ўтаётган тўйлар исрофгарчиликдан бошқа нарса эмас. Шу ўринда Мавлоно Жалолиддин Румийнинг “Инсонлар аксарият ҳолда моҳиятни унугиб шаклга бериладилар”, деган гапи ёдга келади. Аслида тўй қилишдан мақсад элга дастурхон ёзиб, дуосини олиш, ўғилни хатна қилдириш ёки уйлантириш ёхуд қизни турмушга бериб, халқقا билдириш. Тўйнинг моҳияти шунда.

1998 йили мамлакатимиз раҳбари бу масалага ўз муносабатини билдириб, ташвишини изҳор қилган ва тўйларни тартибга келтириш борасида Фармон эълон қилган эди. Шундан сўнг тўйлар бирмунча изга тушди. Назаримизда, тўйларни тартибга келтириш борасидаги ислоҳотларнинг бosh ижроилари маҳалла оқсоқоллари бўлмоғи лозим.

**... ЖАҲОН ИЧРА
ЖАҲОНЛАР**



“ҲАЁТДАН НИМА ИЗЛАДИМУ НИМА ТОПДИМ?”

Ўзбекистон халқ ёзувчиси Пиримқул Қодировнинг номини эшишмаган, ўзини танимаган киши бўлмаса керак. Устоз асарлари ўзбек адабиётининг ўзига хос ҳодисаси бўлгани ҳеч кимга сир эмас. Бир вақтлар ёшлик гайрати билан роман ва қиссалар ёзив, элга манзур бўлган ёзувчимиз бугун ҳам қаламини қўлидан қўйгани йўқ. Биз адаб билан учрашиб, у кишидан китобхонларни қизиқтирадиган айрим саволларга жавоб олдик.

— Мактабдаги илк устозларингиз ҳақида гапириб берсангиз. Улар сизнинг қалбингиздан, хотирангиздан қай тарзда жой олган?

— Менинг мактабга боришим қизиқ бўлган. Искандар деган қишлоқда яшардик. 1935 йил бўлса керак, мен б ёшларда эдим. Қўшнимизнинг Тўйчи деган 8 яшар ўғли мактабга борищдан қўрқиб қочиб юрар эди. У замонларда ҳали ёввойи тушунчалар кўп эди-да. Шулардан бири мактабда бола бузилиб кетади, деган ақида эди. Бошлангич синф ўқитувчиси Қўзиев деган 30 ёшлардаги йигит Тўйчини мактабга олиб кетмоқчи бўлиб, уйларига келди. Тўйчи чорбоққа қочиб чиқди. Биз воқеани четда томоша қилиб турардик. Қўзиев Тўйчининг ортидан чорбоққа чиқиб, уни ушлаб олди. Тўйчи шўрлик “қўйворинг мени, бормайман”, деб йиғлай бошлади.

— Нега бормайсан?

— Қўрқаман.

— Нимадан қўрқасан?

— Муаллимлар уради.

— Бекор гап, мен қайси болани урибман? — деб Қўзиев томоша қилиб турганларга мурожаат қилди.

— Муаллимлар урмайди, — деди ёши каттароқ бир бола, — китоб-дафттар беради.

Қўзиев менга қаради.

— Пирим, сен ҳам мактабдан қўрқасанми?

— Қўрқ... Қўрқмайман.

Қўзиев Тўйчига юзланди.

— Ана, сендан кичкина Пирим қўрқмас экан. Сен қўрқоқмисан?

— Пиримнинг ёши кичик, уни мактабга олмайди.

— Кичик бўлса ҳам қўрқмайди, оламиз. А, Пирим? Мактабга борасанми?

“Қўрқмайди”, деган мақтовдан эриб кетиб, бораман, деб юбордим.

Шу куни Қўзиев Тўйчига қўшиб мени ҳам мактабга бошлаб борди. Қишлоқда бирдан-бир оқланган бино шу мактаб эди. У узоқдан менга жуда салобатли кўринарди. Зеҳним дуруст эканми, бир йилда иккинчини битириб, учинчи синфга ўтдим. Интизомим ҳам ёмон бўлмаган чамаси. Ўқитувчилар гоҳо мени “тилла бола” деб мақтаб қўйишарди. Бу мақтов ҳам мени мактабга оҳанрабодек тортарди.

Отам бой бўлгани учун туғилган қишлоғимиздан бадарға бўлиб кўчиб юрадик. Искандар, Ўратепа, Бекобод... Қаерга кўчиб борсак мен энг аввал ўша жойнинг мактабини қидириб топардим. Замона золимларининг таъқибу тазиикларидан жон сақлайдиган жой мен учун мактаб эди. Урушдан олдинги йилларда виждан билан ишлайдиган фидойи ўқитувчилар кўп эди. Ўша даврларнинг одатига биноан бизга кўпроқ уларнинг фамилияларини ўргатишарди. Отини атаб фалончи aka деб мурожаат қилиш номаъқул саналарди. Шунинг учун Искандарда бизни ўқитган Қўзиев ва Ҳайиталиев деган муаллимлар, Жўлангар қишлоғида жуғрофиядан дарс берган Даминов домла, Ўратепа шахридаги адабиёт ўқитувчимиз Мұҳаммаджоновлар фақат фамилиялари билан ёдимда қолган. Улар менда мактабга чин хурмат ва китоб ўқишга катта иштиёқ уйғотганларини ҳамиша миннатдорлик билан эслаб юраман.

— “Езувчи бўлиш учун баҳтсиз болаликни бошидан кечириш керак”, дейдилар. Сиз бу гапга қўшиласизми?

— Болалигимиз Сталин қатағонлари даврига тўғри келганлиги учун кўп қора кунларни ота-оналаримиз билан бирга бошдан кечирганимиз. Бу тўғрида мактаб дарслклари учун ёзилган таржимаи ҳолимда батафсил ёзганман. Такрор бўлмаслиги учун сизга бошқа бир ҳодисаларни айтиб берай. Болаликнинг ўзи завқ-шавққа тўла баҳтиёр фасл экан. Яшнаб турган баҳорни қишига айлантириб бўлмаганидек, болаликни ҳам худо берган завқдан маҳрум қилиб бўлмайди.

Эсимда бор, 7—8 ёшларда устимиз юпун, қиши совуқларида дийдираб юрадик. 37—38-йиллардаги фожеаларни хаспўшлаш учун бўлса керак, мактабда Ҳасан Пўлатнинг кўтаринки руҳдаги бир шеърини бизга ёдлатишганди. Шу шеърнинг тўрт сатри ҳалигача ёдимдан чиқмайди. Чунки биз уни мактабдан ташқарида, кўча-кўйда ялангоёқ қор кечиб юрганда ҳам айтар эдик.

Гул лолалар поёндоз менга,
Ҳатто қиши хам худди ёз менга.
Ватан берди синмас соз менга,
Айтинг нима оз менга!

Хусусан, “Ҳатто қиши хам худди ёз менга” сатрини қор кечиб юриб айтганда завқимиз ошиб-тошарди. Ҳозир ўйлайманки, қиши қировларда чиниқиб барча қийинчиликларга бўй бермай болаликда инсонга бир марта бериладиган завқ-шавқларни йўқотмай умрнинг кейинги даврларига ҳам етказиб келганимиз бизнинг толеимиз бўлган экан.

— Кейинги даврлар деганде “Уч илдиз”, “Қора кўзлар” сингари романларнинг ёзилган йилларини ҳам назарда тутаяпсиз, чамамда. Бу романларнинг ёзилишига нималар туртки берган?

— Уларнинг ёзилишига менимча ички эҳтиёжлар сабаб бўлган бўлса керак. 8 ёшимдан бошлаб кўп китоб ўқиганман. Китоблардаги жозибали қаҳрамонлар менда кучли ҳавас уйғотарди. Мен ҳам келажакда шулардай яхши одам бўлишни орзу қиласдим. Бу орзуга етишишнинг йўлларини излардим. Инсон ер юзида мустаҳкам туриши ва униб-ўсиши учун унинг бакувват маънавий илдизлари бўлиши керак экан. Биздан олдин ўтган маърифатпарварлар ҳамма нарсани билим ҳал қиласди, деб ҳисоблар эдилар. Шунинг учун улар бутун эътиборни илму маърифатга қаратардилар. Бу, албатта, тўғри. Лекин билимни пулга сотиб ейдиган, факат ўз манфаатларини ўйлайдиган худбин зиёлилар ҳам бор. Абдулла Қодирий ва Чўлпонлар эса бутун билимлари ва истеъодини миллатимиз озодлиги ва камолоти учун курашга бағишлаган. Алишер Навоий халқа ғамхўр бўла оладиган одамларни “одамий”, деб айтган эди. Мана шундай одамийлик бизнинг авлодимиизда талабалик йилларимизда ва Сталиннинг ўлимидан кейинги уйғониш даврида шаклланган эди. Халқ ғами билан яшаш дарди бизга ўша вақтда юқсан эди. Ана шу одамийлик дарди мен ёзган илк романда инсонга бир умр қувват берадиган яна бир маънавий илдиз тарзида кўрсатилган. Шахсий ҳаётнинг тўқис бўлиши, меҳру муҳаббатга асосланган оила қура билиш — инсонни мустаҳкам тутиб турадиган маънавий илдизлардан яна бири эканлигига мен ўз ҳаётим мисолида ишондим. Биринчи романдан мақсад мана шу ҳар уч илдизи мустаҳкам одамларни кўллаб-кувватлаш ва ёшларни улардан ибрат олишга ундаш эди.

“Қора кўзлар” ибораси эса халқ орасида ҳалол меҳнати билан кун кўрадиган беғубор, оддий одамларга нисбатан ишлатилади.

Мана шу қора кўзлар борки, биз бормиз. Бу романдан кўзланган яна бир мақсад Ватанимиз табиатини бутун гўзаллиги билан тасвирлаш, шу орқали китобхонда ватанга муҳаббат туйфусини кучайтириш эди. Шундай роман ёзишга мени ундаган яна бир сабаб, кўпроқ шаҳарда яшаб, туғилиб ўсган, арчазор қишлоғимни доим соғиниб эслашим эди. Тоғ манзараларини ва у ерда меҳнат қилиб юрган одамларнинг жозибасини тасвирлаш орқали соғинч туйфуларимни бир қадар қондиргандай бўлардим.

Қора кўзлар деганда опа-сингилларимиз, умуман, аёллар ҳам назарда тутилади. Аёллар билан эркаклар орасидаги муносабатларда эски урф-одатлар, бидъатлар, бизнинг миллат сифатида юксалишимизга жуда кўп халақит беради. Мен буни, айниқса, қишлоқ ҳаётida жуда кўп кузатганман. Ҳаётда кўрганларимни Аваз ва Ҳулкар, Санам хола ва Қамбар ота, Мадаминжон ва Мақсуда, Ҳолбек ва Жаннатхон каби эр-хотинларнинг гоҳо гўзал, гоҳо чигал, гоҳида фожеавий тақдирлари орқали кўрсатишга интилганман.

— Юқорида сиз Чўлпон ва Қодирийни ҳам эслаб ўтдингиз. Бу адилларнинг босиб ўтган йўли XX аср ўзбек ижодкорлари учун мактаб вазифасини ўтайди. Сизни Чўлпон шеърларининг муҳлиси деб эшигамиз...

— Чўлпон ва Қодирийларнинг ҳаётларидаги жасорат ва ижодларидаги миллий рух мен учун салкам 50 йилдан бўён доимий бир ибрат манбаи бўлиб келади. Афсуски, ҳозирги айрим ёш қаламкашлар уларнинг ижодларига “анъанавий” деган мезон билан юзаки ёндошадилар. Ҳолбуки, уларнинг асарлари озодлик ва ҳақиқат учун кураш йўлида ўлим хавфлари билан юзма-юз олишиб яратилган ва адабиётимиз тарихидан мустаҳкам ўрин олган қаҳрамонона ижод намуналариdir. Шахсан мен улардан доимо сабоқ олишга интиламан. Ана шу интилиш туфайли Бобур Мирзо ҳақидаги тарихий романга ном танлаганда беихтиёр “Ўтган кунлар”га қофиядош “Юлдузли тунлар” деган номни танлаганман. “Қора кўзлар” романидаги гўзал овозли Жаннатхон “Кеча ва кундуз”даги сехрли овоз соҳибаси Зебихон таъсирида ёзилган эди. Албатта, уларнинг тақдирлари ҳар хил. Лекин худо берган гўзал овозлари эскича урф-одатлар туфайли уларнинг икковига ҳам шодликдан кўра кўпроқ кам келтиради.

Одам томга чиқаётганда нарвондан поясма-поя кўтарилади. Адабий авлодлар ҳам янги юксакликларга кўтарилиш жараёнида ўзидан олдинги авлодлар эришган ютуқлардан худди нарвоннинг пиллапояларидан фойдалангандек фойдаланади. Қатағонлар туфайли

Қодирий ва Чўлпон асарлари 30-40, ҳатто 50 йил таъқиб остида бўлди. Бу йиллар давомида яшаб ўтган бир неча адабий авлод вакиллари улар эришган ютуқлар устидан “сакраб” ўтиб кетганга ўхшади. Аммо бу сакраш оқибатида ижодий юксалишга хизмат қиласиган нарвон пояларининг бир қанчаси ташлаб ўтилади. Уларнинг ўрнида пайдо бўлган бўшлиқ эса янги алводларга мансуб бўлган анчагина ижодкорларни Чўлпон ва Қодирийлар таъсирида шакланиши мумкин бўлган ўзбекона жасоратдан ва миллий рухдан маҳрум қилди. Уларнинг ўрнини ўз халқига паст назар билан қарашга ўргатадиган миллий нигилизм каби “изм”лар ва умидсиз, нурсиз, қоп-қора тушкунликлар эгаллаб олди.

— Энди тарихий романларингиз ва уларнинг орасида ёзилган “Олмос камар”, “Мерос”, “Нажот” каби қиссаларингиз мавзусига ўтсак. Сиз уларни ёзиш учун 30 йилдан ортиқ вақт сарфлаганингиз кўпчиликка маълум. Айниқса, тарихий романларингиз 10 йилча чоп қилинмай ётганда бундай узоқ муддатга етгулик сабр-бардошни қаердан ва нималардан олгансиз?

— “Қуш уясида кўрганини қиласи”, дейдилар. Ўйлаб қарасам, аввало оила муҳити, ота-она ва акалар ибрати мени болаликдан чидамли бўлишга ўргатган экан. Отам ҳалол меҳнати ва сабр-бардоши билан ўнта қўйни юзтага, юзтани мингтага етказиб, бадавлат бўлган. Бахтга қарши бу ҳодиса совет даврига тўғри келди. Биз ҳам отам билан бирга уй-жойимиздан қувилиб, бор будимиз талашиб, қишлоғимиздан бадарга қилинганимиз. Бу тўғрисида, “Қалб кўзлари” китобимда батафсил ёзилган. Лекин у ерда айтишга улгурмаган нарсаларим ҳам кўп. “Қора кўзлар” романидаги Уста Қамбар, “Олмос камар”даги Аъзам ота қиёфаларини мен отамга оид хотираларим асосида тасвиrlаганман. Отам раҳматли умр бўйи ароқ ичмаган, беш вақт намозини канда қилмаган, ўзи минг азоб тортса ҳам, аламини болаларидан олмаган, бизни бирор марта уриб-сўкиб хафа қилмаган бағрикенг, мулойим табиатли одам эдилар.

Лекин онамиз жуда талабчан, бизни зир юргутириб ишлатар, айни вақтда болани яхши овқатлар билан боқиб, илигини тўла қилиб ўстирар эдилар. Онамизга оид хотиралардан “Қора кўзлар” романида патгилам тўқийидиган Санам холани ва “Олмос камар”-даги Ҳанифа холани тасвиrlаганда фойдаланганман.

Катта акам тарих ўқитувчиси эди. Тарихга қизиқишим шу Ҳайдар акамдан ўтган эди. У киши фронтда кўп жасорат кўрсатган, қаҳрамонлик унвонига ҳам тақдим этилган. Лекин бу ҳодиса қўшинларимиз чекинаётган пайтда рўй бергани учун амалга ошмай қол-

ган. Мендан икки ёш катта Жўра акам ҳам довюрак, мард ва чидамли инсон эди. У ёшлигига тоғларда қўй боқарди. Кейин металургия заводида пўлат қуючилар орасида 20 йил меҳнат қилди. Менинг ишчилар ҳақида ёзган “Қадрим” қиссаси Жўра акам ҳаётиниң таъсирида дунёга келган. Раҳматли ақаларимнинг ҳалол, жасур ва чидам-бардошли одамлар бўлганлиги мени ҳам доим улардай бўлишга ундар эди. Адабиёт даргоҳига келганимда Абдулла Қаҳҳор, Ойбек домла, Зулфия опалар билан яқиндан танишиб, уларнинг ҳар хил кўргуликлар қаршисида ўзларини мардона тутганилари гувоҳ бўлдим. Демак, кўргуликлар ҳам ўткинчи экан. Улар ўтиб кетгунча чидаш мумкин экан, деган эътиқод пайдо бўлди. Матёкуб Кўшжонов, Озод Шарафиддинов, Одил Ёқубов, Жума ниёз Жабборов каби бир авлод вакиллари кўп йиллар давомида бир-биримизга дўстона суяниб ижод қилдик.

Яна кўп нарса ёзувчининг умр йўлдошига боғлиқ бўлар экан. Толеимга София уруш даврининг қийинчиликларида чиниқсан, иродали ва диёнатли инсон бўлиб чиқди. 53 йилдан бўён йўлимизда учраган барча қийинчиликларни бирга енгигб ўтдик. Албатта, кувончли масъуд кунларни ҳам кўрдик. Бусиз шу ёшга етиш мумкин бўлмас эди.

Ниҳоят тарих денгизига шўнғиб Бобур Мирзо, унинг авлодлари, бошқа темурийлар ҳаёти, Гавҳаршодбегим каби оналар тақдирини юракдан ҳис қилганим сари улардаги улуғвор инсоний фазилатлар, истеъодод, ақл-идрок ва ирова қудрати менга доим мадад бериб турди. Гапимнинг холосасида яшашнинг маъноси ҳақида сўз юритмоқчиман.

Дунёга бир марта келадиган одам, айниқса, кексайганда “Ҳаётдан нима изладиму нима топдим?” деган саволга дуч келар экан. Менинг умр бўйи излаганим маънили ҳаёт кечирган, эл-юртга яхшилиқ қилиб ном қолдирган одамлар бўлди. Уларнинг қанчаси ни ҳаёт чорраҳаларида учратган бўлсам, яна қанчасини тарих зарварақларидан излаб топдим ва ёзган китобларимнинг деярли ҳам масини шуларга бағишладим.

Энди мен ёзган нарсалар китобхонларнинг маънавий изланишларига ҳам жавоб топишида бир қадар ёрдам берса, қилган меҳнатларимдан рози бўлардим.

ҲАЖВ — ВИЖДОН ИШИ

Адабиётга “Икки пуллик обрў”, “Қитиғи ўлмаган қиз”, “Чол боланинг эртаклари”, “Қирқ учинчи почча”, “Лабиҳовуз хандалари”, “Чинорлар қўшиғи”, “Жигари түқилди”, “Бир аср ҳикояти” сингари ҳажвий тўпламлари, “Ёлғончи фаришталар” номли сатирик романни, юзга яқин публицистик мақола ва фельетонлари билан ҳисса қўшган атоқли адаб, Узбекистон халқ ёзувчиси, мархум устоз Невмат Аминов билан сұхбатимиз бир неча йиллар муқаддам “Маърифат” газетасида эълон қилинган эди. Орадан йиллар ўтиб сұхбатни ушбу тўпламга ҳам киритишни лозим топдик.

Яратганинг иродаси — иғини кулгуга айлантира олган таникли ҳажвчи бугун орамизда ийк. Аммо унинг асарлари, замондошлари ёдидаги қолган пурмаъно сўзлари яшаашда давом этаётир. У зотни Яратган ўз раҳматига олган бўлсин.

— Устоз, сұхбатимиз аввалида айни дамда кўнглингиздан кечачётган ўй-мулоҳазалар билан ўртоқлашсангиз?

— Очигини айтсам, сұхбатимиз бошидаёқ ғалати бир мантиққа рўпара келаётганга ўхшаб турибман. Во дариг! Бандаси ҳақиқатдан қочиб кутуолмас экан. Қаранг, ҳаж ва ҳажвиёт ёки ҳажвчи ва ҳожи. Ислом ақидасига кўра, бу иккала тушунча икки қутбга жойлашгандай гўё. Начораки, тақдир тақозоси билан бутун умрими ҳажвиётга бағишлигар, замонанинг ўнқир-чўнқир йўлларида ҳалокатта учраб, пешойнаси дарз кетган пачоқ машинага ўхшаш мунофиқларнинг “Атеистман, лекин алҳамдуиллоҳ мусулмонман!” дегувчиларни ҳажв қилган, айни пайтда ўзи ҳам баъзан шу хил иллатордан холи бўлмаган бу гуноҳкор бандай ожизни туйқусдан бирор “ҳожи ака”, дея эъзозлаб турганда одамнинг қай аҳволга тушишини бир тасаввур қилиб кўринг. Шундай пайтларда жуда кўп ўйлайман, бошларим зирқираб, юрагим эзилиб кетади. Ёзганларимни бир-бир тарозига солиб кўраман. Шунда ўзимда бир ёруғ тасалли туйгандай бўламан: хайриятки, ҳажвни танлаган эканман. Иложи борича ёлғондан, таъмадан, зулмдан, ҳаромдан ҳазар қилиб, энг асосийси, худодан кўрқиб яшаган эканман. Коммунистик мафкура зўрайган бир пайтда унинг ташвиқотчилари устидан кулиб, айни пайтда юрак ҳовучлаб юрдим... қисқаси, шўро даврида, кейинчалик мустақиллик арафаси, қайта қуриш йилларида худодан кўрқмаган, адашган бандалар устидан кулишга тўғри келди... Начораки, ҳажв виждон иши, унинг амрига қарши чиқишига эса мен

ожизман. Балки виждан ҳам хатоликдан холи эмасдир... Бу борадаги хатоларим учун ёлғиз Оллохдан ўтичим бор, холос. Шояд, беҳисоб тавбаларимни мағфират қиласр.

— Домла, устозларингиз ҳақида гапириб беринг, адабиётга кириб келишингизда улар нечоғли ўрин тутади?

— Устозлар ҳақида гап кетганда мен уларни эслаш билан болаликдаги ширин хотиралар уммонига ғарқ бўламан. Сўзнинг қудрати, унинг сеҳрли чироғини мурғак онгимда дастлаб отам Уста Амин ва амаким Шукрулло маҳсумлар портлатганлар. Амаким узун қишиналарида каттакон меҳмонхонамиизда тўплланган қишлоғимиз одамларига “Амир Иусаяб гози” деган жангномани давомли ўқиб берардилар. Ҳали мактабга бормасданоқ, отамнинг кўмаклари билан ҳарфларни танидим. Иккинчи, учинчи синфлардаёқ яхшигина китобхон бўлиб етишдим. Эски, қизил чойхоналарда кўрак чувучиларга “Гўрўғи”, “Авазхон”, “Кунтуғмиш”, “Қирққиз” достонларини ўқиб берардим. Сўнг Ойбек, Абдулла Қаҳҳор,Faфур Гулом, Ҳамид Олимжон асарларини ютоқиб ўқир, уларнинг мағзини отам билан биргалашиб чақардик. 5-синфда адабиёт ўқитувчиларим Омон Маҳмудов, Жума Шукуровлар ифодали шеър ўқиш бўйича мени туман кўригига тайёрлаганлари эсимда. Мактабни битиргач, Бухоро давлат педагогика институтининг филология факультетига ўқишига кирдим. Ўшанда Ёзувчилар уюшмасининг вилоят бўлимига истеъодоли шоир Тошпўлат Ҳамид раҳбарлик қиласр, яна вилоят партия кўмитаси мафкура бўлимида Анвар Кўчқоров деган киши котиб эди. У дунё кезган жуда маърифатли, ўзбекпараст зиёли бир киши бўлиб, йиғилишларга бевосита ўзи қатнашарди. Илк бор ундан Робинранат Тагор, Эрнест Хеменгуэй номларини эшитганмиз. Биз ҳаваскорлар — Жамол Камол, Сафар Барноев, Омон Мухтор, Максим Каримов, Гулом Шомуродов ва бошқалар дунё кўрган бу одамнинг ҳикояларини мароқ билан тинглардик. Адабиётга кириб келишимиз ана шу даврлардан бошланган десам, хато қилмаган бўламан. Юқорида айтганимдай, адабиётнинг ҳажв жанрини танлаганимга ҳали-ҳали шукур қиласр. Ҳажвларим кимнингдир қитиқ патига текканда юрагим “миз-миз” оғриса-да, бошимда таёқ синиб, “қорам ўчирилган” кунларда ҳам кулгини, ҳажвни тарқ этмадим. Шундай пайтларда менга дилбардорлик қилган устозларим Сайд Аҳмад ака, Озод акалардан миннатдорман.

— Дарвоҷе, Ўзбекистон ҳалқ ёзувчиси, Ўзбекистон Қаҳрамони Сайд Аҳмаднинг ёзувчи сифатида шакилланишингизда таъсири кўп бўлган, дейишиади...

— Бундан ўттиз беш йилча олдин Саид Аҳмад саратоннинг иссиғида мени излаб Бухорога борган. Шундан бери устоз-шогирдмиз. Ҳажвнинг кўпгина сирларини у кишидан ўргандим. Ҳозир оқсоқол Дўрмондаги боғларида умргузаронлик қиласидилар. Тез-тез ёнларига бориб тураман. Оқсоқол билан кўпгина яхши-ёлғон кувноқ дамларни бирга ўтказганмиз.

— Бугунги ёш адиллардан кўнглингиз тўладими? Тенгдош адиллар ҳақида қандай фикрдасиз?..

— Шубҳасиз, истикъол даври адабиёти кундан-кунга янгиданянги шоир ва ёзувчилар билан бойиб боряпти. Уларнинг аксари жуда истеъодли ёшлар. Ўз ёшлари ва тафаккурларига нисбатан анча илгарилаб кетганга ўхшайдилар. Уларнинг илҳом булоғи қайнатётган давр ҳозир. Уларга ҳавасим келади.

— Мактаб дарслигига бундан бир неча йил муқаддам “Чол боланинг эртаклари” асарингиздан парчалар ўқирдик. Бир куни уйга келсан, отам ўша менинг “адабиётимдаги” “Чол болани” ўқиб ўтирган экан. Отамга: “Катталар ҳам эртак ўқийдими?” десам, у киши бир қараб, бу эртак эмас, деганча ўқишида давом этди. Бу гапга ўша вақтда тушунмадим, энди эса... Домла, “Эртаклар”ни ёзишига нима туртки берган эди?

— Дарҳақиқат, отангиз тўғри айтган эканлар, улар эртак эмас, унда ҳеч кимга айтолмаганим, ичимга сифдиrolмаганим, дардларим ёзилган. Масалан, унвонпараст подшо мисолида Брежнев сиймоси ёритилган бўлса, “тентак подшо” мисолида Хрушчев сиймоси ёки “Вафодор” номли эртакда золим подшоҳ Сталин ва унинг гумашталарининг прототипи берилган. Бунга туртки бўлган нарса эса, собиқ СССР тарқалиши арафасидаги онгимдаги ўзгаришлар эди. Буларни эртак қилиб ёзишимга сабаб ўша вақтда бу гапларни эртакдан бошқа жанрга сифдириб бўлмасди. Шарқ эртаклари услубида ёзилган бўлса-да, улардаги воқеалар ҳаммага таниш замонавий, кулгили халқи латифалардан иборат эди. Уни ўқиган бола дастлаб эртак сифатида, вақт ўтиб улгайган сари, мазкур эртакларнинг асл мағзини чақиб, улардаги тарихий моҳиятга тушуна боради. Бу ҳозир ўзингиз айтган гапдан ҳам аён бўлиб турибди.

— Биринчи ёзган ҳажвияларингизни эслай оласизми, уларнинг ёзилишига нима туртки берган?

— Шўро даврида подшоҳлар тез-тез алмашиб дабдабоз, ваъдабоз, ёлғончи, порахўр раҳбарлар таҳтга келган сари уларнинг оқаваси юқоридан куйига оқавериб, оддий турмуш тарзини ҳам

бузиг юборган эди. Ўша йилларда уч-тўртта ҳажвия ёзиб “Муштум”га юборгандим, ярим йил ичида кетма-кет эълон қилинди. “Муштум” муҳаррири, ажойиб инсон ва жамоат арбоби Иброҳим Раҳим мени Бухородан ишга чақириб олди. Шу-шу, каттакон дош қозонга тушдим, дам пиширдилар...

— Бир неча йил Маънавият ва маърифат маркази раҳбари сифатида фаолият олиб бордингиз. Айтинг-чи, халқимизнинг маънавияти ва маърифати қай аҳволда, яқин ўтмиш сарқитларидан холи бўлиш учун нималар қилмоқ керак, деб ўйлайсиз?

— Маънавиятимизга доғ бўлиб тушган иллатларни фақат ўтмишдан излайман, деб хотиржамликка берилмаслик керак. Маънавият шундай бир билурки, унинг юзига ҳар қандай чанг ва губорлар тезгина қўниб, уни хира тортириши мумкин. Бизнинг катта ютуғимиз, энг аввало, ҳали мустақилликка тўла эришмасимизданоқ ўзликни англашга киришганимиз бўлди. Коммунистик мафкурадан бизга худосизлик, худбинлик, ичкликтозлик, гиёхвандлик каби иллатлар, ўзга ғоялар, ўзга мафкуралар мерос бўлиб қолган эди. Биз ўша машъум тузумда отага қўл кўтарганларни, падаркушларни, худони инкор қилганларни қаҳрамон даражасига олиб чиқдик.

Мустақиллик йилларида ана шу иллатларга барҳам берилди. Ўз мафкурамизни, ўз ғоямизни топдик. Оллоҳни танидик, тилимиз ва динимизга қайтдик. Унугаётган аждодларимизнинг номлари тикланди, тарихий обидаларимиз қайта чирой очди. Мана, орадан ўн бир йил вақт ўтди. Бу вақт мобайнода маънавият ва маърифат соҳасида катта ўзгаришлар рўй берди. Аммо барibir камчиликлар ҳам йўқ эмас. Ўтмишдан қолган доғлардан бири ичкликтозлик, десак муболага бўлмайди. Бугун ўзбекнинг давраларида ичклик бўлиши оддий ҳолга айланиб қолди. Бу бизга бегона одат. Йигирманчи аср бошларида Фарғонага келган бир рус аёли кўча четида бехуш ётган бир маст кишини кўриб ҳайрат билан “Ё тавба, мусулмонлар ҳам ичишарканда”, деган экан. Рус истилосидан аввал ичклик мамлакатимизда бунақа тус олган эмас. Ичкликнинг бу даражага чиқишига имкон берган ўша “социализм”. Афсуски, бу иллат ҳануз давом этяпти. Буни бартараф этишни оиладаноқ бошламоқ лозим.

— Устоз, ҳажвчи сифатида нимадан қўрқасиз?

— Ёлғон ёзишдан қўрқаман. Отам раҳматли Уста Амин менга ҳамиша бир гапни айтардилар: “Ёлғон гапирма, ёлғончи Худонинг душмани”.

— Ёшларга қандай маслаҳат берган бўлардингиз?

— Аввало, ота билан она дуосини, кейин билим олишни пайсалга солмасликни, умр бўйи эл-юртдан қарғиш олмасликни маслаҳат берган бўлардим.

— Сизнингча ҳажвчи, фельетончи қандай бўлиши керак?

— Абдулла Қодирий айтган: “Ҳажвчи, ёзувчи, фельетончи таъмдан йироқ бўлиши керак”. Мен ҳам шу фикрдаман. Айрим таъмагир, сайроқи қаламкашлардан ҳам йироқ юриш керак. Назаримда, иқтисодий қийинчиликлар баъзи бир имони суст журналистларга ёмон таъсир этётганга ўхшайди.

— Сайд Аҳмад домла билан бўлган қизиқ-қизиқ ҳангомаларингизни кўп эшитганмиз. Мухлисларингизга бирорта янгисидан айтиб берсангиз.

— Янгисиданми?

Аслида яқинда оқсоқолни кўришга борганим ҳам бир ҳангома. Борсам ўтирган экан. “Қалай, оқсоқол, кексаликнинг гаштини суриб юрибсизми?”, деб сўрасам, “Суришу юриш қаёқда дейсан, ўлгур оёқларим юролмай, ўтириб қолдим”, деди нолиб.

“Сиз оёқни бизга кўйиб беринг, ҳозир Сизга калла керак! Каллангиз эса зўр ишлайди, шунинг учун оёғингизга дам берган. Бизнинг қовоқ ўлгур ишламагани учун нукул оёғимиз ютургани, ютурган”, деб кўнгилларини кўтардим.

Устоз боғидан қувиб чиққиси келдию жиддий турганимни кўриб шаштидан тушди.

Мана шу янгиси. Энди эса жуда эски, аммо ҳеч жойда айтилмаган яна бир ҳангомани айтиб берай. Бундан ўтгиз беш йил бурун устоз билан Шофириконнинг Денов қишлоғига бир тўйга борганимиз. Икки гектар майдонга стол-стул терилган. Тўйхона гумбур. Жилвон шамоли хур-хур эсиб турибди. Тўрда устоз яйраб ўтирадилар. Атрофда шогирдпешалар гирди капалак. Жингалак соч давра раиси камоли эҳтиром билан сўзнинг кифтини келтириб устозга микрофон тутди. Анча қизишиб олган оқсоқол сахийлик билан сўз бошлади: “Азиз биродарлар! Шундай бир салқин, фараҳли оқшомда ўтаётган бундай ажойиб тўйни умримда камдан-кам кўрганман. Осмондаги чаман бўлиб чараклаётган юлдузларга бир қаранг, бу хил афсонавий тўлин ойни яна қайси осмонда кўргансизлар? Жилвон чўлидан эсиб, қиз-жувонларнинг енгидан кириб ёқасидан чиқаётган шамолларга ҳавасим келиб турибди. (Кулги янгради). Умуман биродарлар, шу Денов қишлоғига ҳавасим келаяпти. Бугун мен

нафақат шу тўйга, балки бутун бир қишлоққа ажойиб тилак тила-моқчиман!

Истагим, шу қишлоқда туғилиш бўлсин, ўлим бўлмасин! (Бутун тўйхонада чапак янгради). Ҳар куни тўй бўлсин, аза бўлмасин! Умуман шу қишлоқда сирайм ўлим бўлмасин! Гўрков иш тополмасин! (Тўйхонада қийқириқ, чапаквозлик бўлиб кетди) Э, борингки гўрков нон тополмай, хор бўлсин”.

Устоз тўйхонадагиларнинг чапак ва олқишиларидан бир қоп семиргандай жойларига бориб ўтиридилар. Эртаси кечки рейс билан ушини Тошкентга кузатиб қўйдик. Болаҳонада ухлаб ётсан телефоннинг қаттиқ жиринглаши уйғотди. Шоғиркондан оқсоқолнинг суюкли шогирдлари: унинг кула-кула айтишича тўйнинг эртаси куни раиснинг қайноаси қазо қилибди. Марҳумнинг эгалари гўрковни чақиртирган эканлар, гўрков: “Бор, ўша тўйда гапирган ёзувчинг келиб қишлоқнинг гўрини ковласин!” дебди-ю қўл сил-киб “пат-патча”сига ўтириб жўнаб кетибди.

Хуллас, гўрковга ялинмаган киши қолмабди. Шу воқеани йигирма беш йилча устозга билдиримай юрдим. Бир куни мавридини топиб айтган эдим:

“Ҳа болам-а, болам! Шу гапни йигирма беш йилдан бери айтмай юрдингми, мунча ғандишиали бўлганингдан ўргилай, ёрилиб кетмаганингга қойилман! Ҳажвчи бўлганимиз касрига гўрковдан ҳам баттар кишилар учун гоҳида бизларни ҳам хафа қилиб туришади-ку! Оллоҳнинг иродаси, кўпам диққат бўлаверма”, дедилар юпатиб...

МУТОЛАА ЭРТАҚДАН БОШЛАНАДИ

Мустақилликка эришганимиздан сўнг барча соҳалар қатори маънавият жабхасида ҳам туб ўзгаришлар бўй кўрсатди. Аслида, 14 йил тарих учун қисқа фурсат. Бироқ бой маданий мероси, асрий қадриятларига қайтаётган халқимиз, юртимиз учун бу давр тараққиётнинг ойдин йўлини белгилаб берган жонли даврдир.

Истиқлол йилларида таълим-тарбия, спорт, санъат, маънавият ва мадрифат соҳасида жиiddий ўзгаришлар юз берди. Хусусан, Миллий университет, Миллий театр, Миллий кутубхона ва шу сингари юксак мақомдаги таълим ва маданий-мадрифий муассасалар мустақил мамлакатимизнинг фахри, ифтихорига айланди.

Жамият маънавий ҳаётида муҳим аҳамиятга молик зиё масканниаридан бири, шубҳасиз, кутубхонадир. Инсоният тафаккурининг қаймоги — турли соҳаларга оид китоблар ана шу маскана жамланади. Айни вақтда мамлакатимиз бўйича турли вазирликлар, идора ва ташкилотларга тегишили 17 мингга яқин кутубхона фаолият кўрсатаётир.

Мустақиллик йилларида уларнинг фонди янгиланди, янада бойитиди. Албаттa, китоб фондига кўра юртимиздаги энг йирик зиё маскани Алвижер Навоий номидаги Ўзбекистон Миллий кутубхонаси кейинги йилларда ўз фаолияти кўламини ҳар жиҳатдан кенгайтириди.

Миллий кутубхона директори, филология фанлари доктори Абдусалом УМАРОВ билан суҳбатимизда Миллий кутубхонанинг фаолияти билан боғлиқ янгиланишлар, истиқбол режалари ва мутолаа муаммолари ҳақида сўз боради.

— Хизмат тақозоси туфайли хорижда кўп бўласиз. Айтинг-чи, Ўзбекистон Миллий кутубхонаси қайси жиҳатлари билан хориждагилардан фарқ қиласи?

— Иккита бир-бирига ўхшайдиган кутубхонани топиш мумкин эмас. Сабаби: кутубхона оиласа ўхшайди. Иккита бир хил оиласи кўрганмисиз? Бир оиласидаги муҳит иккинчисида йўқ. Шу маънода, кутубхонамиз ўзига хос, дунёдаги бошқа кутубхоналарга ўхшамайди. Ўзбекистон тарихи, этнографияси, маълумотлар тўплами жиҳатидан эса ҳамма кутубхоналардан устун.

Дунёдаги энг йирик кутубхоналарнинг кўпида бўлганман. Улардан ўрганадиган жиҳатлар бисёр. Бир яхлит бинога марказлашга

ни, замонавий техника билан тўла жиҳозлангани, хизмат кўрса-тишдаги ўзига хослик каби жиҳатларни ўргансак зарар қилмайди. Бунинг учун бизга замонавий бино зарур. Шунда биз ҳам улардан қолишмай хизмат кўрсата оламиз...

— Раҳбар ва олим сифатида кутубхона истиқболини қандай тасаввур этасиз? Саволимни янада аниқлаштирам: масалан, электрон дарсликлар, компьютер ҳаётимиизга шиддат билан кириб кела-япти, ҳатто, бориб-бориб қоғозга эҳтиёж қолмаса керак деганлар ҳам бор...

— Компьютер, албатта, барча соҳага кириб боради. Ҳатто кутубхоналарни 100 фоиз ишғол этади. Негаки, ахборотни излаб то-пишда ундан афзал техника йўқ. Илгари фақат қоғоз каталоглардан фойдаланардик, илмий ишнинг библиографиясини тузиш учун бир неча ойлаб вақт сарфланарди. Ҳозир эса компьютер туфайли бу ишга бир-икки кун етарли. Келажакда кутубхоналар қиёфасини замонавий ахборот технологиялари белгилаб беради.

Демак, ҳамма нарса компьютер хотирасию лазер дискларга жойланса, китоб ўқилмай қолар экан, деган фикр ноўрин.

Китоб абадий сақланади. Ҳатто у қоғоз ҳолида бўлмаслиги мумкин. Масалан, бир вақтлар миххатда ёзилган сопол китоблар бўлган. Кейинчалик китоблар тошга, терига, папирусга, пергаментга ёзилган. Буларнинг ҳаммаси инсонга мутолаа имкониятини берган. Агар китоблар қулагай электрон дискларга кўчирилса бунинг ёмон томони йўқ. Балки кейинчалик китобнинг бошқача шакллари ҳам пайдо бўлар, аммо моҳиятан китоб ўзгармайди.

Электрон китобнинг афзал томонларидан бири шуки, у қадимги китобларни асраб қолиш имконини беради. Ҳозирги қоғозлар таркибида ишқор кўп. У икки юз ёки уч юз йил турмаслиги мумкин. Шу ўринда миллий меросимизни келажак авлодларга етка-зишда электрон китоблар асқотади.

— Одамлар китоб ўқимай қўиди, деган гаплар тез-тез қулоққа чалинадиган бўлиб қолди. Ростдан ҳам шундай бўлса, бунинг сабаблари нимада деб ўйлайсиз?

— Тўғри, китобхонлик сусайиб кетаётганилиги, китобга бўлган муносабатнинг жўнлашиб қолаётгани ҳақида кўп гапирилмоқда. Албатта, бу гапларда жон бор. Сабабларига келсак, турлича. Маблағ ёки вақт етишмаслиги, яна бир қанча ижтимоий сабабларни мен ҳам инкор қилмайман. Аммо яна бир сабаб борки, бу ҳақда алоҳида гапириб ўтмасак бўлмайди.

Ҳозир дунё тажрибасида мутолаани ривожлантиришнинг янги

ча йўналиши мавжуд. Масалан, Финляндия ва бошқа мамлакатларда бошланғич синфдан юқори синфларгача маҳсус мутолаа курслари ўқитилиди.

Ўқувчилар бу курсларда китоб ўқиш санъатини эгаллайдилар. Шу ўринда айтиб ўтиш керакки, мутолаа ҳам, мутолаага ўргатиш ҳам ўзига хос санъат. У ҳам, масалан, худди рубоб чалишини ўрганишга ўхшайди. Агар болага китоб ўқиш методикасини ўргатмас эканмиз, у мутолаа санъатини ўзлаштира олмайди. Оқибатда ўқиган нарсасини тушунмагандан кейин болада китобга нисбатан ўз-ўзидан салбий муносабат пайдо бўлиб қолади.

Хозир айтганимдек, финлар айнан шунинг олдини олиш учун мактабларда маҳсус курслар ташкил қилган. Бундай курслар дунёнинг 17-18 мамлакатида мавжуд.

Хоҳлардимки, бизда ҳам Халқ таълими вазирлиги ва бошқа ташкilotлар бу борада ўйлаб кўрсалар — психологлар, социологлар ва кутубхоначиларни мутолаа тарғиботига жалб этсалар. Бу айниқса компьютерлаштириш ривожланган ҳозирги даврда жуда муҳим.

— Китобга талабнинг пасайишига сабаб мутолаа методикасини ўргатмаслик экан-да?..

— Мутолаа маданиятини, китоб ўқишини ўргатиш жуда катта масала. Бир вақтлар саводсизликни тугатишда ҳарф танишни ўргатиш етарли бўлган. Аммо бугун бу етарли эмас. Ҳозир ҳамманинг бирламчи саводи бор. Лекин мутолаа борасида бундай деб бўлмайди...

— Сиз ижтимоий сабаблари ҳам бор, дедингиз. Деярли кўпчилик шу фикрда: китоблар қиммат бўлиб кетди, сотиб олишга имкон йўқ... Аммо мен бу фикрларга қўшилолмайман. Негаки, ўқувчига ҳеч қандай маънавий озука бермайдиган, дидини ўтмаслаштирадиган олди-қочди китобларни фалон пулга сотиб олиш кўпларга оғирлик қилаётгани йўқ. Бироқ чуқур маъноли китобларга келсак... Наҳотки, дидимиз шунчалик ўтмаслашиб қолаётган бўлса?

— Биласизки, бадиий адабиёт иккига бўлинади: элитар ва беллетристик... Тан олиш керак, элитар адабиётни “ҳазм” қилиш осон эмас. Шу боисдан, унинг адади ҳам, ундан олинадиган моддий фойда ҳам кам. Беллетристик адабиёт эса, ҳамиша кўп нусхада чиққан ва катта фойда келтирган. Чунки бу ўртамиёна, баъзан савияси ўртачадан ҳам паст кишиларга мўлжалланган...

Бизнинг вазифамиз эса, ёшларни элитар адабиётни ўқишга ўргатишdir. Бунинг энг осон йўли — болани енгил мутолаа орқали

элитар адабиётга олиб кириш. Китобга, мутолаага ўргатиш эртакдан бошланади. Эътибор берсангиз, эртакларнинг муҳим жиҳати шуки, унда фақат эзгулик фалаба қозонади. Қаҳрамонлар доим ҳаракатда бўлади. Худди шу нарса болада инсоний туйғуларни камол топтиради. Кейинчалик эса, бошқа жанрлардаги асарларни мутолаа қилишга қизиқиши ўйғотади...

— Кутубхона бюджетдан маблағ олмасдан ҳам ўзини ўзи эплаши мумкинми?

— Ҳозир кутубхонада “Диссертация фонди” ташкил этилган. Ўзбекистон Олий аттестация комиссиясида тасдиқланган диссертацияларнинг ҳаммаси, илмнинг қайси соҳасида бўлишидан қатъи назар, кутубхонанинг шу фондига келиб тушади. Видео-аудио материаллар фондини ривожлантириш чора-тадбирлари изчил олиб борилмоқда. Яқинда “Ўзбегим дастурлари” фирмаси ишлаб чиқкан ўзбек-инглиз-рус тилларидаги 120 минг сўздан иборат “Ибора” электрон луғати бизга тақдим этилди. Уни компьютер хотира-сига жойладик. Мақсад электрон кутубхона фаолиятини йўлга кўйиш. Кутубхона бундан кейин фақат китоб ҳолида эмас, балки электрон ҳолида ҳам ўз фондига эга бўлади.

Биз бу борада дастлабки қадамни ташладик. Масалан, “Туркистон тўплами” деган ноёб тўплам бор. У XVIII асрдан XX аср бошлиригача бўлган даврни қамраб олган. Туркистон ҳақида рус, инглиз, француз ҳамда Шарқ тилларида чоп этилган газета-журналлар ва китоблар асосида тайёрланган. Ушбу тўплам Марказий Осиё халқлари тарихи, иқтисоди, фольклори, этнографиясига доир маълумотлар берувчи далилий хужжатdir. Биз 594 жилдан иборат шу китобнинг электрон версиясини яратдик. Эндиликда тўпламдаги ахборотларни сотиш имконияти мавжуд...

— Демак, шу тариқа маблағ масаласини қисман ҳал этиш мумкин. Бу кутубхона ҳеч қандай фойда келтирмайди, деган қарашни инкор қиласдими?

— Жаҳондаги энг йирик, ривожланган кутубхоналар асосий маблағни давлат бюджетидан олади. Албатта, китобхонга хизмат кўрсатиш, кутубхона ресурсларини, асосан, электрон ресурсларни бошқа мамлакатларга, бошқа кутубхоналарга сотиш, турли хил ўкув курслари ташкил қилишдан ҳам пул топиш мумкин. Биз ҳозирда буларнинг барчасини амалга ошираяпмиз.

Энди саволингизга қайтсак. Ростдан, кутубхона давлат пулини еб ётибди, деган қарашлар ҳам йўқ эмас. Биз, албатта, давлат бюджетидан маблағ оламиз. Аммо бу ҳалиги қарашни оқламайди. Кутубхона

тубхонанинг жамият ҳаётида тутган ўрни бекиёс. Буни фақат моддий мезон билан ўлчаш калтабинлик бўлади. Кутубхона ўзини-ўзи қисман маблағ билан таъминлаши мумкин. Аммо, барибир, Миллий кутубхона учун давлатнинг кўмаги жуда зарур.

— **Кутубхона нашр ишлари билан ҳам шуғулланадими?**

— Вазирлар Маҳкамаси томонидан берилган лицензияга мувофиқ “Ўзбекистон Миллий кутубхонаси” нашриёти ташкил этилган. Миллийлик мақомини олгач, нашр ишларига эътиборни кучайтирдик. Ҳатто кутубхоначиликка оид методик қўлланмаларни нашр этиб вилоят, туман кутубхоналарига бепул тарқатаяпмиз. Бу аввал 50-60 нусхани ташкил қиласди, ҳозир эса 300 нусхадан кам эмас. Бундан ташқари, нашриётимиз бадиий, илмий китобларни, кутубхончиликка оид қўлланмаларни нашр этмоқда.

БИЗ ҚОЛАМИЗ ЧАЛИБ ЧАПАК

Инсоннинг дилини оғрттиши осон, бунинг учун бир оғиз сўз кифоя. Аммо бирорни кулдириши, қувонч улашиш ҳамманинг ҳам қўлидан келавермайди. Бунинг учун одамдан алоҳида қобилият талаб этилади. Айнан шундай қобилият соҳиби, ўзининг таърифи билан айтганда ҳозирча республикадаги энг "нармалный" қизиқчи Мирзабек ХОЛМЕДОВ билан учрашиб, қизиқчилик истеъододи масаласига ойдинлик киритмоқчи бўлдик...

— Мактабни қадрдон даргоҳ дейишади, сизнингча нега шундай?

— Инсоннинг болалиги, ёшлиги мактабда ўтади. Албатта, ёшлигинг ўтган даргоҳ қадрдон бўлмай иложи йўқ. Мактабда жудаям шўх бола бўлганман. 1-синфдан 3-синфгача мени потма-чумчук дейишарди, чунки ҳеч қачон бир жойда ўтирганман. Нуқул у партадан бу партага сакраб юрадим. Қизлар-ку мени кўрганда: ана маймун келаяпти, дерди. Лекин мен мактабга бормай қўйсан ҳамма зерикиб қоларди. Ахир, мактабда ҳам ҳаммани кулдириб юрадим-да. Ўша пайтлардаям буюк санъаткорлар — Юрий Никулин, Эргаш Каримов, Шерқўзи Фозиев кабиларга тақлид қилиб рол ижро этардим.

— Машхур бўлишингизда устозларингизнинг ўрни борми, умуман буюк санъаткорлардан кимни ўзингизга устоз деб биласиз?

— Албатта, устозларимиз бизнинг бу даражага етишимизга катта ҳисса қўшишган. Уларнинг баъзи бирлари ўтиб кетишган, худога шукрки кўпчилиги ҳали ҳаёт. Тўхтамурод Азизов, Эргаш Каримов, раҳматли Рустам Ҳамроқолов, Ҳасан Йўлдошевларни устоз, деб биламан. Ўзбек халқи шунаقا ажойиб халқки, ўзидан олдин чиққан ҳар бир санъаткорни кейингилари ўзига устоз, деб билади. Биз устозларимизнинг кийинишидан тортиб, юриш-туришигача жуда кўп нарсани ўрганганмиз.

— Аския борасида ҳам ўзингизни синааб кўрганмисиз?

— Албатта. Аския бу сўз ўйини, уни фақат водийда ёки Тошкентда учратиш мумкин, деган киши хато қиласди. Оддий кундалик ҳаётимиздаги ҳазил-хузил, сўз ўйинлари ҳам аслида аскиянинг бир кўриниши.

— Ўзингиз бажариб турган хатти-ҳаракатингиз ўзингизга ҳам қулгули туюладими?

— Бўлмаса-чи, мен саҳнада айтиб чиққан ҳар бир латифамни ўйлаб топганимда аввал ўзим мириқиб куламан. Шундан сўнг уни

одамларга улашаман. Ўзим учун кулгули бўлмаган латифа қандай қилиб ўзгаларни кулдириши мумкин. Бирорни бирор нарсага ишонтириш учун, авваламбор, инсон ўзи ўша нарсага ишониши керак.

— **Мавлоно Жалолиддин Румий:** “Ё аслинг каби кўрин, ё кўрининг каби бўл”, деган экан. Бу жумлани сиз қандай қабул қиласиз?

— Бу ажойиб фалсафий фикрга мен шундай қарайман. Менимча, бу фикр инсон феъл-авторига нисбатан айтилган гап, унинг касбу корига нисбатан айтилган гап эмас. Масалан, қизиқчилар жиддий одамлар бўлишади. Жиддий фикрлаган инсонгина одамларни кулдириши мумкин. Болалигимда қизиқчилар фақат одамларни кулдириб юради, деб ўйлардим. Йўқ, ундан эмас экан, ёш улғайган сайин одам жиддийлашиб борар экан. Ҳаётга эътибор беринг, назар солинг, роса завқ-шавққа тўлиб, латифа айтиб, ҳаммани кулдириб юрадиган одамлар саҳнада лом-мим дея олмайди. Жиддий одамлар эса, ҳаттоқи бир оғиз жиддий гап билан ҳам ҳаммани кулдириши мумкин. Юқорида айтганимдек, инсоннинг ҳаёти билан касбини аралаштириш керак эмас. Мен саҳнада қизиқчиман, лекин ҳаётда отаман, эрман, фарзандман. Ҳар бир нарсанинг ўз жойи бор, баъзи бирорлар дуч келган жойда киноя-кесатиқ аралаш ҳазил қиласди. Ёки сиз санъаткорсиз деб важ-карсон қиласди. Ким биландир жиддийроқ гаплашмоқчи бўлсак, жиддийлик сизга ярашмайди, дейди. Уларга атайдиган гапим битта: мен ҳаётда оддий одамман.

— **Фаолиятингизга қандай баҳо берган бўлардингиз?**

— Мен бу саволга камтаринроқ қарайман. Умуман, мен ўзимга-ўзим баҳо бермай қўя қолай. Бир вақтлар Хотам акадан бир гапни эшитгандим. У киши Юсуфхон қизиқдан эшитган экан: “Қизиқчи, масҳараబоз, дорбоз, қўшиқчи, ўйинчи, созанданинг ҳаммасини битта қозонга солиб қайнатсанг, пишиб чиқса, битта қизиқчи пайдо бўлади”. Қаранг қизиқчи қандай одам бўлиши керак. Менда юқорида санаб ўтган ҳунарларнинг барчаси бўлмаса ҳам, тўқсон фоизи бор, деб ўйлайман. Шогирдим Шукруллонинг қўшиқ айтишига дастлаб кўпчилик хушламай қарашганди. Ваҳоланки, дунё тан олган қизиқчилар қўшиқ ҳам айтади, ўйинга ҳам тушади, жиддий образда ҳам ўйнайди. Улар ана шу фазилатлари билан ҳам машҳур бўлишган. Мен кинода жиддий образ ҳам яратдим, қўшиқ ҳам айтаман, ўйинга ҳам тушаман, дубляжда ҳам муваффақиятим ёмон эмас. Энди шундан келиб чиқиб, ўзингиз ҳам

бахо берсангиз бўлади. Шон-шуҳратни, ҳеч кимга боғлаб берган эмас. Бу ҳақда менинг битта қўшифим бор:

*Сиз чаласиз қарсак,
қарсак,
Лекин биз қарисак,
қарисак,
Бошқаларга чалинар чалинар,
Чапак,
Биз қоламиз чалиб,
Чапак.*

— Юқорида жиддийлик борасида гап очдингиз, келгусида яна жиддий образлар яратиш ниятингиз борми?

— Ўзи шунга келајпти, режиссерлар менга жиддий образларни тақлиф қилишмоқда. Масалан, Яго, Гамлет ва бошқа образлар. Ул-файган сари жиддийлашасан, шекилли.

— Касбингиздан пушаймон бўлган ҳолатлар ҳам бўлганми?

— Бўлади. Мана ҳозир жуда пушаймонман. (Суҳбатимиз концерт арафасида бўлган эди). На уйқумда ҳаловат бор, на еб-ичишимда. Ҳали репетеция, ҳали суратга тушиш, бола-чақа билан уйда бироз тинч ўтиrolмайман. Ҳаммасига қўл силтагим келади-ю, лекин...

— Қизиқчи бўлмаганда ким бўлардингиз?

— Ким бўлганимда ҳам ўз касбимнинг устаси бўлган бўлардим. Спортчи бўлсам чемпион бўлардим, режиссер бўлсам машхур режиссер бўлардим. Бунга кўзим етади. Лекин мен у ҳам, бу ҳам бўлмадим-у қизиқчи бўлдим.

— Олий ўкув ютидаги устозларингизни ҳам эслаб ўтсангиз.

— Менинг жуда ажойиб устозларим бўлган. Турсун Истроилов, Яйра Абдуллаева, Турғун Азизов, Лола Хўжаева саҳна нутқидан дарс беришган. Қадингни тўғри тут, букчайма, шевада гапирма, деб жуда кўп нарсани ўргатишган улар. Шулардан мен билан ҳамкорлик қилиб келаётган устозим Мунаввархон Абдуллаева, Ўзбекистонда хизмат кўрсатган ёшлар мураббийси, санъат институти катта ўқитувчиси. Менга ҳалигача ёрдам қиласди.

— Биринчи кулгу театрингиз нима деб номланарди ва унда кимлар ижод қилган?

— Дастлаб “Кўзгу” қизиқчилар театрини ташкил қиласди. Унда Обид ва Собит Асомовлар, Тўхтамурод Азизов, Ботир Муҳаммадхўжаев билан бирга ишлардик. Кейинчалик Обид-А”

театрини ташкил қилгандан сўнг Бахтиёр Ихтиёров, Матёкуб Матчонов билан ижодий ҳамкорлик қилдик. 1995 йилга келиб ўзимда “Мирза” театрини ташкил қилиш foяси туғилди. Ўшандан бўён Валижон Шамшиев, Шукрулло Истроилов мен билан бирга.

— “Обид-А” театри билан “Мирза” театрининг муносабати қандай?

— Обиджон билан ижодни бирга бошлаганмиз, ҳозир улар Тўхтамурод ака, Ботир, Матёкуб, Ўткиржонлар билан бирга ишлашапти. Муносабатларимиз жуда яхши, бир-биrimizning томошаларимизга оиласиб бўлиб тушамиз. Бир-birimizga ижодимиз ҳақида танқидий фикрларимизни ҳам айтиб турамиз, фақат дилни оғримасдан. Ёшимиз улгаймоқда шекилли, бир-birimizga қадримиз баланд.

— Валижон билан Шукруллони қаердан топгансиз?

— Шукрулло мактабда ўқиб юрган кезларда менинг кассеталаримни эшишиб юраркан. Валижон ҳам шундай. Шукруллони Обиджоннинг театридан “топиб олганман”, Валижонни эса тўйдан. Валижон Андижонда юрганда Тошкентга борсам икки киши билан, албатта, учрашаман деб ният қилган экан. Бири Эркин Комилов, иккинчиси мен. Эркин акани қаттиқ ният қилган эканми, охироқибат қайнота қилиб олди.

— Сизнинг театрингизни Никулин, Вицин, Моргунов учлигига ўхшатишади. Шунаقا учлик сифатида киво олиш ниятларингиз борми?

— Бўлганда қандоқ. Фақат шунаقا ажойиб комедия жанридаги сценарий жуда кам, лекин биз, албатта, шундай фильм яратамиз, худо хоҳласа. Бунинг учун яхши режиссёр ҳам керак. Агар Зулфиқор Мусоқов таклиф қилганда, албатта, биз рози бўлардик. Чунки у яхши ишлаяпти.

— Сұхбатимизни бирорта латифа билан якунласак!

— Бажонидил. “Бошланғич синф ўқитувчиси дарс ўтәёти болаларга санашини ўргата бошлабди. Нихоят ўргатгандари қай даражада ўзлаштирганини билиш учун бир болани турғазибди.

— Қани ўғлим, бешгача сана-чи.

Болакай бармоқларини букиб санаб кетибди:

— Баракалла, энди қўлингни ишлатмай сана-чи.

Бола қўлини орқасига яшириб санай кетибди.

— Бир, икки, уч, тўрт, беш...

— Ўғлим, қўлингни чўнтағинга тиқиб санай қол.

Бола қўлини чўнтағига тиқиб санай бошлабди.

— Бир, икки, уч, тўрт, беш... олти... етти... саккиз...

Унинг чўнтағига битта конфет билан иккита ёнғоқ ҳам бор экан”.

КАРАТЭ РУХНИ ЧИНИҚТИРАДИ

Нурхон НАФАСОВ 1965 йил 5 январда Фузор туманида таваллуд топган. 1986 йилдан каратэ бўйича мураббийлик фаолиятини бошлаган. 1993 йили Тошкент давлат университетини битирган. 1992—1994-йиллари “Шарқ” халқаро каратэ клуби раҳбари, 1994—1996-йиллари Тошкент шаҳар каратэ федерацияси раиси бўлиб ишлаган. 1996 йилдан бошлаб Ўзбекистон каратэ миллий федерацияси президенти лавозимида фаолият юритмоқда. “Ўзбекистонда хизмат кўрсатган спорт устози”, Марказий Осиёда ягона 6-дан қора белбог соҳиби.

— Хурияятта эришгунга қадар қўпгина спорт турлари, жумладан, каратэ ҳам таъқиқланган эди. Мустақилликка эришганимиздан сўнг юртимизда спортнинг бу тури кенг ривож тошмоқда. Ҳозир мамлакат миқёсида 60 минг нафардан кўпроқ киши каратэ билан шуғуланаётган экан...

— Собиқ иттифоқ даврида шарқ якка курашларининг барчаси, жумладан, каратэ ҳам қаттиқ тазиيққа олиниб, у билан шуғуланиш қатъян таъқиқланган эди. 70-йилларнинг иккинчи ярмидан бошлаб ривожлана бошлаган, бироқ собиқ СССР даврида кўп тазиикларга дучор бўлган ўзбек каратэсининг дунё ҳамжамиятида хурмат-эътиборга лойиқ бўлиши кўп йиллик орзуимиз эди...

Афуски, 80-йилларнинг бошларига келиб, хусусан, 1984 йили собиқ СССР худудида каратэ билан шуғуланиш умуман таъқиқлаб кўйилди. Ҳатто амалдаги жиноят кодексига каратэ билан шуғулланганлар ва ундан таълим берганларни жазолаш мақсадида маҳсус иккита модда киритилди.

90-йилларнинг бошларига келиб, дунёning 120дан ортиқ мамлакатида ёшу қари бирдек севиб шуғуланаётган каратэни таъқиқлаш мантиқсизликдан ўзга нарса эмаслиги ойдинлашгач, аста-секин яна расмий равишда очилган каратэ мактаблари бўй кўрсата бошлади. Яширинча фаолият олиб боришга мажбур бўлган етук мутахассислар яна севимли соҳаларига қайтишдилар.

1991 йили Ўзбекистон мустақилликка эришгач, мамлакатимизда бу йўналишда эркин фаолият олиб бориш имконияти туғилди. 1996 йили Ўзбекистон каратэ миллий федерацияси ташкил топди.

Хозирга қадар жуда кўп иқтидорли қаратэ спорти усталари етишиб чиқди. Бу эса мамлакатимизнинг дунё миқёсида кенроқ танилишига имкон берди.

Спортчиларимиз Жаҳон ва Осиё чемпионатларида, турли нуфузли ҳалқаро турнирларда иштирок этиб, олтин, кумуш ва бронза медалларини қўлга киритишиди. Ўзбекистон жаҳондаги энг кучли қаратэ усталарини тарбиялаётган мамлакатлар ўнлигига кирди.

— Ҳар гал мусобақа залининг тўрида ҳилпираб турган юртимиз байробини кўргандга қандай туйғуларни ҳис этасиз?

— Байроқ ҳар бир киши учун ғуур ва орияттир. Бошқаларни билмадиму, мен ҳалқаро мусобақалар ўтаётган энг муҳташам залнинг тўридаги байроқлар сафида ўз байробимизни кўрганимда шу юрт фарзанди эканлигимдан фахрланиб кетаман. Байроқ спортчига куч бағишлади.

Ҳеч эсимдан чиқмайди, 1994 йили Малайзияда бўлиб ўтадиган жаҳон чемпионатига йўл олдик. Дунёнинг юздан ортиқ мамлакатлари иштирок этётган чемпионат жуда юқори савияда ташкил қилинган, мана-ман деган спортчилар, жамоалар ўз истеъодларини намоён қилишга шай турар эди.

Мусобақа ўтказилаётган зални кузатар эканмиз, юзлаб байроқлар орасидан ўз байробимизни тополмай ҳайрон бўлдик. Ташкилотчилар ўзларида Ўзбекистон байроби йўқлигини рўкач қилиб елка қисишиди. Айниқса, улардан бирининг муомаласидаги мулойимлик ниқобига ўралган менсимаслик, кибр бизга оғир ботди: "... Қўйинг энди, бу сафар бўлмаса, кейингисида илинар ўша байроқ..".

Мияга қон урди. "Кейинги сафар?.. Йўқ", дедим ўзимга-ўзим, "Кўкрагига эндиғина офтоб тегиб, ўзлигини англай бошлаган, қадрқимматни жуда нозик ҳис этадиган миллатнинг байроби Жаҳон чемпионати ўтказилаётган залнинг тўридан жой олиши шарт".

Зудлик билан интернет тизими орқали юртимиз байробининг тасвирини топиб, Куала-Лумпур шаҳри дўконларидан керакли матоларни олдик ва маҳаллий тикувчилик корхоналаридан бирида байробимизни тикитирдик. Ният холис экан, жуда гўзал чиқди. Ташкилотчилардан залнинг энг кўринарли жойига қадашларини талаб қилдик. Талабимиз бажарилди. Шундагина кўнглим жойига тушди. Негаки, биз ўз ғуур ва ориятимиз учун курашгани келган эдик.

— Қаратэнинг ватани Японияда бўлганмисиз? Бу ўлка одамлари қайси жиҳатлари билан хотирангизда ёрқин таассурот қолдирган?

— Япония заминига қадам қўйганимдаги илк таассуротни сўз

билин ифодалаш жуда мушкул, зеро, каратэ ватанига илк ташри-фимдан жуда ҳаяжонланганман. Одамларига келсак, улар ҳам ўзбекларга хос камтар, меҳмондўст ва олижаноб. Ҳар иккала давлат маданиятларида, урф-одатларида уйғунлик бордек гўё. Япон оиласалиридаги таълим-тарбия, болалар тарбиясига бўлган юксак эътибор мени лол қолдирган эди...

— Ҳар бир нарсанинг ўз тарихи бор. Жумладан, каратэнинг ҳам. Каратэ тарихи ва энг машхур каратэ усталари ҳақида нималар биласиз?

— Каратэнинг ўқ илдизлари олис ўтмишга бориб тақалади. Хусусан, бизгача етиб келган манбаларда унинг пайдо бўлиши йирик савдо йўллари устидаги манзил — Окинава ороли билан боғланади. Айни вақтда “Каратэ” номини олган бу якка кураш тури дастглаб, “Окинава - тэ” (Окинава қўл жанги санъати), “То - тэ” (Сеҳрли қўл) деб номланган. Бу якка кураш турини окинава халқи яратган.

Манбаларда айтилишича, XV-XVI асрларда ҳукмронлик қилган Окинава қироли Сё Сина халқ қўзғолонларининг олдини олиш мақсадида қирол армияси амалдорларидан бошқаларнинг қурол тақиб юришини тақиқловчи фармон чиқаради. Оқибатда амалдорлар ва қароқчиларнинг бебошлиги олдида тамомила ҳимоясиз қолган халқ ўз жонини муҳофаза қилишнинг усули — қўл жанги, яъни каратэни ўйлаб топади.

Каратэда қўл ва оёқ суякларини чиниқтиришга, чаққонликка, чапдастликка, зарба кучини оширишга, бутун танани зарбага бардош берадиган этиб тарбиялашга катта эътибор қилинади. Бошқа якка кураш турларидан фарқли ўлароқ, каратэда темир қуроллар умуман йўқ, маҳсус каратэ учун яратилган аслаҳалар ҳам мавжуд эмас.

Каратэ маҳорат, чиниқиши, ўз кучига, иродасига ишониш, ўзини қудратли қуролга айлантира билишдир. Унда ҳеч қандай ёвзлик пинҳон эмас. Каратэ ўз эркини, номус-орини ҳимоя қилишни истаган мазлумлар томонидан яратилган жанг санъатидир.

1902 йили Япония ҳукумати каратэ спорт турини умумий жисмоний тарбия воситаси сифатида ўқув дастурига киритган. Зеро, Окинава оролида хизмат қилган денгиз зобитларини ҳисобга олмаганда, ўша йилгача японияликлар каратэ илдизи саналмиш Окинава қўл жанги санъатидан бехабар эдилар. Лекин орадан уч йил ўтгач бошланган рус-япон уруши каратэнинг ҳарбий қўшинлар ва ёшлар ўргасида ўз вақтида тарғиб этила бошлагани оқилона иш

бўлганлигини исботлади. Урушдан сўнг эса асли касби ўқитувчи бўлган, даврининг буюк якка кураш усталаридан бири саналган окинавалик Гитин Фунакоси ўзи каби моҳир қаратэчиларни йиғиб, биргаликда мамлакат бўйлаб сафарга чиқади ва қаратэни ривожлантиришдаги илк қадамни қўяди. Ўтган асрнинг 30-йилларига келиб, ҳануз турли номлар билан аталаётган бу якка кураш турига мутахассислар “Каратэ-дзюцу” (Хитой қўл жангги санъати) номини берадилар. Аммо бу ном кейинчалик “Каратэ-до” (Бўш қўл жангги санъати) деб ўзгартирилади.

Шундай қилиб, XX асрнинг 20-30-йилларида ҳамда ундан кейинги даврларда пайдо бўлган қаратэ ўйналишларининг тўртта асосий мактаблари кўпчилик томонидан тан олинди. Булар: Шотокан, Шито-рю, Годзю-рю, Вадо-рю мактабларидир.

— **Жангвар санъати тажовузкор қилиб қўймайдими?**

— Спортнинг ҳар бир тури спортчани, шубҳасиз, тарбиялайди. Қаратэ ҳам бундан мустасно эмас. Спорт билан шуғулланган ҳар бир инсон, аввало, ўз соғлиғига эътибор бера бошлайди. Тинимизиз машғулотлар, албатта, уни жисмоний ва руҳий баркамолликка етаклайди. Ўтган асрнинг 60-йилларида Икеда Хосю томонидан асос солингган “Дзёсинмон-рю” (Мустаҳкам руҳ дарвозаси) мактаби ақидасига эътибор қилинг-а: “Сиз қаратэни бошқа бировга зарар етказиш воситаси сифатида ўргатолмайсиз, бу табиат уйғунлигини бузади. Лекин сиз қаратэни ўзингиз ёки бошқа одамларга зарар етказмоқчи бўлганларни тўхтатиб қолиш имконияти сифатида ўрганишингиз мумкин. Бу орқали сиз табиат уйғунлигини тиклайсиз”. Бундай ақида асосига қурилган спорт тури, шубҳасиз, иродани янада мустаҳкам қилади, руҳни чиниқтиради.

— **Мамлакатимизда қаратэга бўлган эътибор сизни қониқтирадими?**

— Бугун Ўзбекистонда олтмиш мингдан ортиқ спортчи айнан қаратэ билан шуғулланади. Уларнинг сафи тобора кенгайиб бораётгани қувонарли. Шу кунгача уч спортчимиз Ҳалқаро тоифадаги спорт устаси сифатида тан олинди, тўрт киши қаратэ ривожига қўшган ҳиссаси учун “Ўзбекистонда хизмат кўрсатган спорт устози”, “Ўзбекистонда хизмат кўрсатган спортчи” каби юксак унвонларга муносиб топилди. Бу муваффақият замирида, албатта, спортга қаратилаётган эътибор мужассам...

ЭНГ КАТТА ТЎСИҚ... .

Суҳбатдошимиз Аъзамжон Шокиржонов 1951 йил, 26 апрелда Сирдарё туманида туғилган. Ўзбекистонда хизмат кўрсатган спорт устаси. Миллий кураш бўйича Ўзбекистоннинг 13 карра чемпиони. Самбо, дзю-до, классик кураш бўйича Ўзбекистон чемпиони. 1995 йилдан бери Аъзамжон Шокиржонов Ўзбекистон Республикаси Президенти ҳузуридаги Давлат ва жамият қурилиши Академиясининг “Жисмоний тарбия ва спорт” кафедраси мудири лавозимида хизмат қилиб келмоқда.

— Спорт турлари орасидан нима учун айнан курашни танлагансиз?

— Айнан курашни танлаганимнинг аниқ сабабини айта олмайман, чунки сабаблари кўп. Пискент шаҳридаги болалар уйида Владимир Ким деган тарбиячимиз классик кураш тўгарагини олиб борар эди. Ўша вақтда ўн ёшларда эдим. Ҳозиргача унинг ҳар бир ширин сўзларию, меҳрибонлиги ёдимда. Ўша пайтлари Пискент шаҳрининг Охунбобоев номли истироҳат боғида “белбоғли кураш” бўйича катта сайллар бўлар эди. Унда машхур полвонлардан: Тўйчи полвон Раҳмонов, Олим полвон Пўлатов, Мирхалил Зарипов, Нуридин Маликов, Назаркул полвон, Мамат полвон ва бошқалар кураш майдонини тўлдирадилар. Биз эса бир тўда ёш болалар, курашни завқ билан томоша қиласадик. 1965 йиллари, яъни Сирдарёда мактабда ўқиб юрган пайтларимда тўйларда курашга тушардим. Фалаба қозонғанимдан сўнг олқиш ва мақтовлар мойдек ёқиб кетар эди.

Тўйлардаги курашларда тренер Марат аканинг назарига тушиб қолдим. Ўша одам менинг биринчи устозим. Устоз мени Баҳт шаҳрига спортнинг кураш тури билан мунтазам шуғулланиш учун таклиф этди. Кураш ҳаётимнинг мазмунига айланди десам адашмайман, унга эришиш учун барча қийинчиликларни енгишга ҳаракат қилдим. Кун бўйи мактабда, ўқишидан сўнг далада иш қилганимдан кейин 4 километрлик масофадан кураш тўгарагига югуриб борар эдим. Натижада аввал туман, кейин вилоят ва ниҳоят республика чемпиони бўлдим.

Мустақил ҳаётга қадам қўйишимда Сирдарё тумани спорт қўми-таси раиси А.Муравёв жуда катта ёрдам қилган. У менга ишонч

билдириб, менинг яхши томонларимни кўриб, қобилиятим борлигига ишонтирди, бу менинг кўплаб ютуқларга эришишимга туртки бўлди.

— Спорт тинчлик элчиси дейишади...

— Мен бунга аминман. Чунки спорт дўстликни мустаҳкамлайдиган, миллатларни бирлаштирадиган восита, спортнинг кишиларнинг бир-бирини тушунишидаги ўрни катта. Ўтмишда хонликлар ўргасида бўлган урушларда қон тўкилишининг олдини олиш мақсадида биттадан полвонлар курашганлар ва бу уруш натижасини белгилаган.

— Яхши курашчи бўлиш учун яхши устозга шогирд тушишнинг аҳамиятини қандай баҳолайсиз?

— Халқимизда: “Устоз кўрмаган шогирд ҳар мақомга йўрғалар”, деган гап бор. Албатта, шогирд устоз кўриши шарт, чунки устоз касбнинг эгаси, дегани. Доно халқимиз ўз фарзандини устозга олиб келганда “Эти сизники, суяги бизники”, деб устозга эҳтиромни, ишончини билдиради. Чунки устоз шогирднинг касб маҳоратини эгаллаши учун бор кучини, салоҳиятини сарфлайди, меҳрини беради.

— “Отамдан қолган далалар” фильмидаги бош роллардан бирини ижро этгансиз. Бундан ташқари ҳам бир қанча образларингиз зангори экранларда намойиш этилган. Санъат ҳам сиз учун севимли машгулотми?..

— Мен 20га яқин фильмларда суратга тушганман. Шулардан “Отамдан қолган далалар”, “Лафз”, “Тонг отгунча”, “Буюк Амир Темур”, “Занжир” фильмларида бош ролларни ўйнаганман. Кино санъатига киришимга ҳам кураш сабаб бўлган. 1984 йилдан телевидениеда кураш ва белбоғли кураш дарсларини олиб борган эдим. Ўша вақтда режиссёр Юсуф Азимов “Тонг отгунча” фильмига таклиф этди. Ушбу фильmdан сўнг Шухрат Аббосов, Санжар Бобоев, Музроб Боймуҳаммадов, Нуриддин Қосимов ва Исамат Эргашевлар ўз фильмларига бош ролларни ижро этиш учун таклиф қилишди. Спорт мен учун қандай аҳамиятга эга бўлса, санъат ҳам шундай ётиборли. Санъат менга ўзгача руҳий озуқа беради.

— Шу даражага етиб келишингизда устозларингизнинг ўрни борми?

— Юқорида айтиб ўтганимдек, ҳаётимда устозларимнинг хизматлари жуда катта. Ўзбекистонда хизмат кўрсатган устоз Тухфат aka Одиловнинг самарали меҳнатлари туфайли йирик мусобақа

ларнинг фолиби бўлдим. Устоз энг керакли пайтларда доим ёнимда бўлиб, маслаҳат ва йўриқлар билан ғалабаларга эришишимга ўз ҳиссасини қўшар эди.

— **Фарзандларингиз ҳам спорт билан шуғулланишадими. Сизнингча фарзанд тарбиясида спорт нечоғлик аҳамият касб этади?**

— Иккита ўғлим ҳам спорт билан шуғулланади, каттаси кураш, кенжаси эса футбол билан. Бола тарбиясида спорт жуда катта аҳамиятга эга. Спорт болани жисмонан чиниқтиради, руҳини тетиклаштиради, бемаъни йўллардан қайтаради. Шунинг учун ҳам давлатимизда МДҲ бўйича биринчи бўлиб “Жисмоний тарбия ва спорт тўғрисида”ги қонунни қабул қилиб, мунтазам равишда спортни ривожлантиришга эътибор қаратиб келинмоқда. Шахсан Президентимиз ташаббуси билан “Ўзбекистонда болалар спортини ривожлантириш жамғармаси” ташкил этилди. Бу фарзанд тарбиясида спорт нечоғли улкан аҳамият касб этишининг ёрқин ифодасидир.

— Курашнинг тўрт тури бўйича спорт устаси экансиз, демак, шогирдлар ҳам бисёр. Ўз-ўзидан маълумки, шогирди бор одам устозлик машақатини ҳам озми-кўпми тотиб кўради. Устозлик масъулияти ҳақида нима дея оласиз?

— Ҳақиқатдан ҳам 100дан ортиқ спорт усталарини тайёрлаганман. Айниқса, К.Турсунов, А.Азимов, М.Байтаров, А.Саитбоев, Б.Эркинбоев, Х.Эгамов, М.Қамбаров, Т.Иброҳимов, Н.Иброҳимов, Ҳамидулла полвон, А.Мўминов, А.Пирматов ва А.Йўлдошевлардай шогирдларим билан фаҳранаман. Албатта, устоз фақат жисмоний ва техник-тактик тайёргарликка аҳамият бермай, балки шогирднинг руҳий ҳолатига ва дунёқарашига ҳам эътибор бериб, ҳаётда ўз ўрнини топиши учун ёрдам кўрсатиши керак. Хуллас, шогирд ўз устозини “менинг устозим” деганда, устоз ана шу улуғ номга муносиб саналади, деб ўйлайман.

— Курашдан ташқари спортнинг яна қандай турлари билан шуғулланасиз?

— Спортнинг қироличаси ҳисобланган енгил атлетика — ҳар бир спорт тури асосида ётгани сингари, менинг ҳаётимда ҳам югуриш муҳим ўрин тутади. Ҳозир ҳам ҳар куни 4-5 километр, югурман. Шаҳримизда югуриш бўйича ўтказиладиган мусобақаларда қатнашиб тураман. Қадимий Элладада тошда шундай сўзлар битилган: “Кучли бўламан десанг — ютур, ақлли бўламан десанг — ютур, чиройли бўламан десанг — ютур”. Умуман, менинг организмим югуришни қаттиқ талаб қиласи ва эринмай шу талабни қондиришга ҳаракат қиласман.

— Спорт борасидаги фаолиятингиз давомида жилдий тўсиқлар ҳам бўлганми?

— Одам учун энг катта тўсиқ — бу ўзининг ички руҳий тўсиқлари деб биламан. Агар инсонда ирода, матонат бўлса, у барча ташки тўсиқларни енга олади. Ҳаётимдаги барча муаммоларни ҳал этишга ҳаракат қиласман, ўз олдимга кўйган мақсадга эришишга куч топа олганиман. Бу кучли машқлар мени тоблаганидан бўлса керак, деб ўйлайман. Кучли одам бу кучли спорти эмас, ўзини ҳар қандай вазиятда бошқара билган инсонни кучли, деб биламан.

АКЛ ТҮХТАГАН ЖОЙДА...



ЎН ЕТТИ ЙИЛГА ТАТИГАН "ЮЗ-ЮЗ"

Эшик қўнғироғи жиринглади. Ҳафсаласизлик билан эшикни очган Жобир бўсағада ҳамтовоғи Юратни кўрди. Қадрдонлар бағирашиб кўришар экан, Юрат уни эсон-омон қайтгани билан қутлади. Бир пиёла чой устида сухбат қизиди-ю, аммо кўп ўтмай гапгапга қовушмай қолди.

— Жобир, камгап бўлиб қолибсан. Юр, бирорта кафега бориб "юз-юз" қиласиз. Гапга жон киради, — дея таклиф қилди Юрат.

Жобир унинг юзига тикилганча унсиз бош чайқади. "Юз-юз"-нинг нималиги маълум. Ичкилик орқасидан қингир ишга қўл уриб, яқинда жазони ўтаб қайтган Жобир, иложи борича бу балодан ўзини узоқроқ тутишга уринаётган эди.

— Кўрқоқ бўлиб қолибсан, яна бир касофатни бошламай, деб ўйлаяпсанми? Э, юр, ҳеч нарса бўлмайди! — қистади Юрат.

Жобир "уф" тортиб ўрнидан турди.

— Ҳали жазо муддатим тугамаган. Қамоқни мажбурий хизмат билан алмаштиришди. Агар ичиб юрганим "учаскавой"нинг кулоғига етиб борса яхши бўлмайди. Узр оғайнини, агар ниятинг ароқ ичиш бўлса мени излаб юрма, ўзинг ичавер.

— Сени қара-ю, ундан кўра пулим йўқ, деб қўя қолсанг-чи.

— Гап пулдамас, мени биласан, ичиб олсам бир жанжал чиқараман.

— Ёнингда мен борман-ку, ўзим қарайман.

— Қўй энди, қистама, тобим бўлмай турибди, барибир бормайман.

Бу гапдан сўнг Юрат хўмрайганча чиқиб кетди. Ўртоғининг орқасидан эшикни ёпган Жобир унинг хафа бўлганидан хижолат тортди. Аммо хижолатпазлиги узоққа чўзилмади. Орадан кўп ўтмай Юрат қайтиб келди. Уни хафа қилганидан пушаймон бўлиб турган Жобир нима бўлса бўлар қабилида иш тутиб, ўзи ичмаслик шарти билан Юратни кафега таклиф қилди.

Кафеда эса...

Юз грамм ароқ буюрган Юрат шериксиз ичолмаслигини айтиб, Жобирдан қўшилишни сўради. Шу тариқа юз грамм иккига бўлинди. Жобирнинг саҳийлиги тутдими ёки Юратнинг "Пулим йўқ десанг-чи", деган таънаси ёдига тушдими, хизматкорни чақириб бир шиша ароқ келтиришни тайинлади.

Бундай ташаббусдан завқланған улфати эса уни олқышлади.

— Баракалла, энди аввалги Жобирга ўхшаяпсан.

Кафедан "зўр" бўлиб чикқан йигитлар бир-бирига латифа айттишар, қаҳ-қаҳ уриб кулишарди. Шу орада Жобирнинг ёдига "Чашма" маҳалласида турувчи холаси тушиб қолди. Ўргоги билан маслаҳатлашиб, холасини кўргани бормоқчи бўлишиб такси тўхташиди. Кира қилиб тўрт-беш сўм пул топиш мақсадида куёйининг машинасини миниб чикқан Пак бу икки маст одамдан яхшилик чиқмаслигини билганида, эҳтимол, ўна куни умуман кўчага чиқмаган бўларди?

Хайдовчи айтилган манзилга безиён етиб келди. Жобир унга кутиб туришни тайинлаб, холаси ва жияни билан дарвоза олдида бир пас гаплашгач, ортга қайтди...

Жобирнинг хаёлида ҳайдовчига нисбатан ёмон ниyat йўқ эди. Аммо Юрат машинани тўхтатишини сўради. Моторни ўчирган ҳайдовчи томографига тиralган пичоқнинг муздай тафтини хис этди-ю, бу икки таленчидан яхшиликча қочиб кутилишини афзал билди.

Аввалига Юратни сўккан Жобир машинадан 23000 сўмлик лашлушларни ечиб олганларидан сўнг мамнун бўлди. Бироқ мамнунлик узоқча чўзилмади. Эрталаб маҳаллага келиб ўзини милиция қидираётганини эшитди. Унинг назаридаги жиноятни яширишининг бирдан-бир йўли қочиш эди. Бу йўл унга маъқул келиб Россияга равона бўлди...

Қор ёди, излар босилди, деган гапни Жобир ҳам эшитган ва кўпинча шу нақлга амал қилиб иш тутарди. "Орадан анча бақт ўтди, милициянинг ёдидан чиққандир, энди қайтаман", деган ўй билан Ўзбекистонга қайтиб, таниши Сайдраҳимнинг уйида ишлаб юрди.

Аввалига ҳаммаси яхши кетаётган эди. Бироқ Азиз исмли танишини учратиб қолиб, яқин орадаги кафеда юз граммдан ароқ ичишиди, яна унинг жини кўзиди. Кафе яқинида "Нексия" машинаси ёнида чақ-чақлашиб турган уч киши кўзига балодай кўриниб, жанжаллашши мақсадида узарга хирадлик қила кегди. Улардан бирининг жаҳли тез экан, Жобирни сўкиб, ҳайдаб солди.

Бундан газаби кўзиган Жобир Сайдраҳимнинг уйига кириб пичоқ билан қуролланди. Ҳеч нарсадан бехабар гаплашиб турганларга яқинлашиб, сўккан одамнинг орқа курагига пичноқ урди. Саросимага тушиб қолган шериклари у билан овора бўлиб турганида, Жобир "Нексия"га ўтириб жуфтакни ростлаб қолмоқчи бўлди.

"Мол аччиғи — жон аччиғи", деганича бор экан. Оғир жароҳат олганига қарамай, зўравон миниб қочаётган машинасига ачинган

жабрдийда ўзини салонга урди. Ичкарида олишув бошланди. Охир-оқибат бошқарувни йўқотган машина магазин ёнидаги бетон тўсиққа урилди. Кўп қон йўқотгани учун анча ҳолсизланиб қолган машина эгаси бошқа қаршилик қилолмади. Жобир эса жуфтакни ростлади...

Қингир ишнинг қийиги қирқ йилда ҳам чиқади. Жобир иккинчи жиноятни содир этиб қочиб кетганида айнан шу нақлни унуган эди. Тўғри, у қочиб кетиб анча вақт жазодан қутилди. Аммо бутунлай эмас. Унинг қилмишлари қонун ҳимоячилари ёдидан бирлаҳза ҳам кўтарилимаганди...

2004 йилнинг 12 апрелида жиноят ишлари бўйича Тошкент шаҳар судининг Комилjon Юсупов раислигига бўлиб ўтган суд мажлисида Халилов Жобир Жабборович Ўзбекистон Республикаси Жиноят кодексининг 267-моддаси 2-қисми “б” банди, шу модданинг 3-қисми “в” банди, 164-модданинг 3-қисми “г” банди ҳамда 4-қисми “а” банди билан “Транспорт воситасини олиб қочиш” ва “Босқинчилик” жиноятларини содир этганликда айбдор, деб топилди.

Суд жиноятнинг спиртли ичимлик истеъмол қилган ҳолда, жазони ўташ даврида содир этилганлигини айланувчининг айини оғирлаштирувчи ҳолат деб топиб, Халилов Жобир Жабборовични ўн етти йил муддатга озодликдан маҳрум этди...

Ушбу суд очеркини ёзиш учун суд ҳукми билан танишаётганимизда, жиноятчи ҳақидаги баъзи маълумотлар эътиборимизни тортиди. Жобир ҳар иккала жиноятни ҳам ароқ ичган ҳолда содир этган. Беихтиёр кишининг ёдига “Дадиллик учун юз грамм” кинокомедияси тушади. Фильм қаҳрамони бўлажак келин билан учрашувга чиқиш олдидан дадиллик учун юз грамм отиб олиб, ҳамма ишни расво қилгач, келин ундан юз ўгиради. Бу-ку кино. Аммо ҳаётда ҳам қиёсан шунга ўшшаган воқеалар учраси экан-да.

“Одам ва жин шайтонлари”, деган гап бор. Бундан Шайтон фақат жинлар орасида эмас, одамлар орасида ҳам мавжуд, деган хулоса чиқади. Жобирни ичкиликка ундаган Юратнинг васвасаси қайси шайтонницидан кам? Бу васваса оқибати иблисига ҳам сабоқ бўлмайдими?

Донишмандлар айтади: “Озод бўлиш учун қонунларнинг кули бўлиш лозим”. Ҳайвонот, табиат, курраи арз, ҳаттоқи коинот аниқ қонун-қоидаларга мос ҳаракат қиласи. Бутун борлиқнинг ўз қонун-қоидалари мавжуд. Инсон жамият қонунларига бўйсунишга мажбур. Озодлик дегани кўнгилга келган ишни қилиш дегани эмас. Агар шундай бўлса, одам ўз қиёфасини аллақачон йўқотарди.

НАФС МАҲҚУМЛАРИ

Оллоҳ ҳайвонларга нафсни, малакларга ақлни, одамга эса ҳар иккисини ҳам инъом айлади. Нафсга қулоқ тутиб ҳайвондай тубанлашиш ёки ақлга әргашиб малак сингари комилликка эришмоқ ҳам инсонга тортиқ бўлди. Аммо инсонни комилликдан бенасиб қилиш учун шайтон ҳар лаҳза пайт пойлар экан. Ва баъзида муродига эришаркан ҳам. Айтишларича, шайтоннинг ёшларни йўлдан урмоғи осон, аммо катталар билан муросага келмоғи анча қийин кечар экан...

Афсулар бўлсинким, бу гал яна шайтон ўз муродига етди. 1949 иили туғилган Хайриддин исмли кимса унинг домига илинди. Шайтоннинг қувончи чексиз. У тантана қиласади. Негаки, бу сўқмокнинг охири қаерда тугаши иблисга аён эди. Хуллас, мусулмон қавмидан бўлган яна бир мардум ўз йўлидан чалғиди...

Хайриддин Шарипов эрталаб “Фиштқўпrik”ка йўл олганда ҳали шайтон билан ош-қатиқ эмасди. Чунки мақсади бошқа — тириклик ташвиши эди. У Бахт деган танишини қидириб бозорга йўл олган, унинг машинасида Россияга сафар қилмоқ ниятида эди. Бахт билан гапни пишитиб, ҳайдовчилик гувоҳномасини унга ташлаб ортига қайтди. Йўлда унга яна бир таниши — Карим учради-ю, Хайриддин иблис тузогига илинди. Ҳол-аҳвол сўрашишгач Карим ун қидириб юрганини, нархи арzonrofi топилса айни муддао бўлишини айтиб қолди. Хайриддин аввал ҳам бундай ишларга аралашиб юргани сабабли танишига ёрдам қилмоқчи бўлди. Икки оғайни ўёқ-буёқдан гурунг қилишиб, арzonроқ нархда ун қидириб кўришди. Аммо улар истаган баҳога топилмади.

Шундан сўнг иш бошқача тус олди. Хайриддин Каримдан геройн топиб беришни илтимос қилди. Карим унга ваъда берди.

Икковлон машина ёллаб, Бекобод яқинидаги Зафар қишлоғига йўл олишди. Машина қишлоқ ичига киргач, Карим Хайриддинга кутиб туришни тайинлаб, қаергадир фойиб бўлди. Кутиш узоқ чўзилди. Хайриддин “Овчининг кечикканидан суюн”, деган мақолни эслаб ўзига тасалли бериб турди.

“Овчи” икки соатлардан сўнг геройн билан қайтди. Хайриддин “ўлжа”ни кўриб мамнун бўлди. Кўп ўтмай бу мамнунлик Каримга ҳам ўтди. У “ўлжа” учун танишидан 50.000 сўм ундириди...

Шайтон тантана қилғанча, Хайридинни тубанлик сари етаклаш кетар, 50 ёшни айлақачон ортда қолдирган бу одам батамом иблис кутқусига учган эди...

Ривоят

Қадимда, илмда ҳам, инсофда ҳам тенгиз, нағсни ўзига бўйсундирган шайх бор эди. Шайх шайтонга бўйсунмайдиган, у билан муроса қилишдан ҳағдамда ўзини тийган, муридларини ҳам шунига ундан келган инсон эди. Аммо у, барибир, ҳом сут эмган бандажа экан...

Иблис уни йўлдан уришга қасд қилди. Шайхнинг ҳовлисида хизмат қилувчи оқсоч аёлни қўзига “олов” қилиб кўрсатди. Шайхнинг кўнгли суст кетди, шайтон кўзларига парда тортганини сезмади. Оқсоч билан зино қилди. Вакт ўтиб аёлнинг ҳомиладорлиги аён бўлди. Килмишидан халқнинг хабардор бўлишидан кўрқкан шайх аёлни ўлдириб, жасадини ҳовлига кўмди.

Аммо бу жиноят узоқ сир бўлиб қолмади. Иблис халққа уни ошкор қилди. Қози шайхни осиб ўлдиришга хукм этди. Дор остида тиззалари қалтираб турган шайхнинг ёнинг яна иблис ташриф буюрди. Ўлим олдиидаги кўркувдан ўзини йўқотиб қўйган маҳкум шайтонга, “Мени кутқар”, дея илтижо қилиди. Иблис унга ўз шартини айтди: “Агар менга сажда қилсанг, сени кутқараман!” Шўрлик шайх қибладан юз ўгириб шайтонга сажда қилди. Уни шу ҳолича дорга осишиди.

Иблис кутқусига учган шайх охир-оқибат беймон кетди...

* * *

Хайридин бу ривоятни эшитганни ёки йўқми буни билмадигу, аммо у ”героин”ни чўнтаигига соганича Тошкентта қайтиб келди. Шайтон етаклаган сўқмоқнинг охири шу ерда эди...

Унинг кўзи бежолигидан шубҳаланган милиция ходимлари тинтуб қилишди. Гувоҳлар иштирокидаги тинтуб чогида Хайридиннинг чўнтаигидан ўн дона целлофан пакетга ўралган героин моддаси чиқди...

Тошкент шаҳар судида Хайридин гиёҳванд моддани ўзи исетимол қилиш учун олганини, сотиш мақсадини қўзламаганини айтиб, ўз қилмишидан пушаймонлигини билдириди. Суд Хайридин Шариповнинг муқаддам судланганлигини (Хайридин Шарипов З ёйл 6 ой муддатга озодликдан маҳрум этилган ва “Амнистия

тўғрисида”ги Фармонга асосан озод қилинди) айбини оғирлаштирувчи ҳолат, деб топди. Негаки, унинг аввалги қилмиши ҳам ҳозиргисидан деярли фарқ қилмасди.

Ўз қилмишидан чин кўнгилдан пушаймонлиги, дастлабки тергов ва суд мажлиси жараёнида тўғри кўрсатма бергани, 1972 йилдан бери ошқозон хасталигидан азият чекиши суд томонидан инобатга олинди. Ўзбекистон Республикаси Жиноят кодексининг 273-моддаси 3-қисми “а” банди билан айбдор деб топилиб беш йил муддатга озодликдан маҳрум этилди.

* * *

Афсуски, иблис қутқусига учган одам битта эмасди. У билан “ош-қатик” бўлган яна бир одам, 1932 йилда Тошкент шаҳрида туғилган Эрназар Зоитовдир. Аллақачон олтмишдан ошган, биринчи гурух ногирони бўлган бу одам ёшларга панд-насиҳат қилиб, ибодат билан машғул бўлиш ўрнига нафс қулига айланиб, жиноятга қўл урди. Унинг жинояти фош бўлишига қуидаги воқеа сабаб бўлди...

“Интерконтинентал” меҳмонхонаси атрофидаги автобус бекатида бетоқат турган нотаниш шахс милиция ходимларининг эътиборини тортиди. У Юнусов Тоштемир эди. Гувоҳлар иштирокидаги тинтуб ҷоғида Тоштемирнинг ёнидан опий моддаси топилди. Дастлабки суриштирув вақтида у гиёҳванд моддани эски таниши Э.Зоитовдан сотиб олганлигини айтди.

Ўз навбатида уйи тинтуб қилинган Э.Зоитовнинг ошхонасидағи шкафдан ҳам целлофан пакетга жойланган шундай модда топилди. Шу тариқа Э.Зоитовнинг устидан жиноят иши қўзғатилди.

Тошкент шаҳар судида Эрназар Зоитов ўз қилмишига тўла икрорлигини айтиб, суд ҳайъатидан жазони енгиллаштиришни сўради. Суд унинг ёшини, илгари судланмаганлигини, биринчи гурух ногирони эканлигини инобатга олиб, Ўзбекистон Президентининг “Амнистия тўғрисида”ги Фармонига биноан жазодан озод қилди...

Бўлиб ўтган ушбу воқеаларни мушоҳада қила туриб, беихтиёр ўйга толади киши. Гиёҳвандлик келтириб чиқараётган балою оғатлардан бехабар одам бўлмаса керак. Бу йўлга кириб қолганлар охироқибатда жарликка рўпара бўлишини ёш бола ҳам билади. Лекин аксарият кишилар била туриб ўзларига жабр қилаётганлигини қандай тушуниш мумкин?! Конун ёқламаган, динимиз оқламаган но-

маъкулчиликлардан бири гиёҳвандлик-ку! Мақоламиз бошида шайтоннинг катталар билан муросага келиши қийин кечади, деган эдик. Афсуски, янглишган эканмиз. Иблисга имонини сотган мўйса-фиддан ҳеч қачон яхшилик кутиб бўлмайди. “Қаҳрамон”ларимиз ёшларни ёмон йўлдан қайтарадиган, нафсга ҳай беришга ундаидиган ёшда бўла туриб ўз бурчларини адо этмаган одамлар. Ахир, ёш авлодга тўғри йўлни кўрсатиш уларнинг бурчи эмасми?

Умрининг ярмини яшаб бўлган одам ўз нафсидан ғолиб бўлиб, ёшларга панду насиҳат қилмас экан, ўша омонатига хиёнат қилган бўлади.

ТАНАЗЗУЛ

Янгиобод бозоридан уйга қайтиш учун Чилонзорга қатнайдиган “маршрут”га ўтиредим. Ҳайдовчи 25 ёшлардаги йигит. Негадир у йўлда безовталана бошлади, жон-жаҳди билан газни босди. Тезлик катта бўлгани учун бир-икки марта йўл қоидаси бузилди ҳам. Йўловчиларнинг секинроқ юришга қилган даъватлари унинг қулоғига кирмасди, жанубий вокзалга яқинлашиб қолганда дағ-дағ қалтираганча, ўзини ёмон ҳис қилаётганинги айтди. Уни орқага ўтқазиб, йўловчилардан кимdir бошқарувни ўз қўлига олди. Чилонзорга етиб келганимиздан сўнг, бироз ўзига келганини айтиб, яна рулга ўзи ўтиреди. Бироқ йўловчилар жонини гаровга қўйишни истамай, машинани тарқ этиши. Мен машинада қолдим.

— Сиз милицияда ишлайсизми? — деб сўради, у бирордан кейин.

Мен журналист эканлигимни айтдим. У кулимсиради:

— Гап бу ёқда денг. Синчков қарашингиздан орган одами бўлса керак, деб ўйлабман. Янгишмасам, кимлигимни билиб олган бўлсангиз керак.

Мен тахминимни айтдим, у аламли бош чайқади.

— Ака, мен тамом бўлганман. Эрта-индин мендан ном-нишон қолмайди, ана шуни билиб туриб наркотик қабул қиласман. Журналист бўлсангиз, мени ёзинг. Одамлар гиёхванднинг изтиробини билишсин. Балки кимdir қисматимни ўқиб, бу йўлга кирмай қолар.

Унга, ўзига келгач бафуржা суҳбатлашишни таклиф қилдим. Рози бўлиб телефон рақамимни олди...

Гарчанд ишонмасам-да, қўнфироқ қилишини кутдим. Аммо ҳадеганда қўнфироқдан дарак бўлавермади. У билан учрашишдан умидимни узиб ҳам қўйгандим, бироқ одатдаги иш кунларининг бирида телефон жиринглади.

— Ало, ... биз сиз билан учрашмоқчи эдик, мен ...

Ким телефон қилаётганини англолмадим, симнинг нариги томонидаги одам, ўзининг гиёхванд эканлигини айтишга мажбур бўлгандан сўнггина хотирам уйғонди. Ишхонамизга яқин кафеда учрашишга келишдик. Уни қийналмай топдим. Кафе бурчагидаги алоҳида хоначада кофе ичиб ўтирган экан. Салом-аликдан сўнг исмини сўрадим. У норози бўлиб бошини чайқади.

Исмимни сўраманг, мен ҳам сизникини сўрамайман. Бошқа саволларингизга жавоб беришим мумкин. Аммо баландпарвоз гаплар билан жиғимга тегманг, келишдикми?

Мен ноилож “хўп”, дедим.

Қайноқ кофедан хўплаб, у ўз ҳикоясини бошлади.

— Отам йирик тадбиркор эди. “Эди” деяётганимнинг боиси, у киши ҳозир йўқ. Икки йил олдин юрак хуружидан вафот этган. Бунгаям мен сабабчиман, бу ҳақда кейинроқ тўхтalamан... Хуллас, отам йирик тадбиркор бўлган. Бизнинг тарбиямиз билан онам шуғулланарди. Оиласизда муҳтоҷлик йўқ, мактабда яхши ўқирдим. Синфдошларим орасида обрўйим анча баланд бўлиб, ҳаммаси мен билан яқинлашишга интилишарди.

Битиравчи синфга ўтганимдан кейин авваллари тез-тез тергаб турадиган онам, негадир камроқ тергайдиган бўлди. Мен бундан хурсанд бўлдим, ахир, улғайиб қолганингни ҳис қилиш мароқлида.

Хуллас отам эртаю кеч ишлари билан банд, ўз бойлигини кўпайтириш пайида. Онам бутун диққат-эътиборини укаларимга қаратгач, “мустақил” одамга айландим. Биринчи босган қінғир қадамим, ўртоқларим билан тунги клубга бориш бўлди. У ерда қизлар билан танишдик, ичиб-чекдик... Ярим тунда ўртоқларимдан бири ёнимга келиб, кўз қисганча “кетдик хатага” деди. Гапнинг моҳиятини тушунмасам-да, сархуш гандираклаганча уларга эргашдим. Та什қарида бизни учта қиз кутиб турган экан...

Эрталаб уйга келдими ўқишига боргим келмади. Онам тунда қаердалигимни сўраганда, синфдошларим билан имтиҳонларга тайёргарлик кўрганилгимни айтдим. Гапларимга ишонди. Шундан кейин дискотекага, тунги клубларга тез-тез борадиган, уйга икки-уч кунлаб келмайдиган бўлиб қолдим. Дадамнинг мен билан иши йўқ, онам қаерда юрганилгимни сўраса, бирор баҳона ҳамиша топиларди. Мактабни битиришим арафасида дадам машина совға қилди. Бу менинг майшат ботқоғига баттарроқ ботишимга катта ёрдам берди... Хуллас, мактабни битирганимда наша чекишига ўрганиб бўлгандим...

— Наҳотки, отангизни тарбиянгиз қизиқтиргмаган бўлса? Гапнингиздан кўринадики, жуда қисқа вақт ичida гиёҳвандга айлангансиз.

— Гиёҳвандга айланиш учун кўп вақт керакмас. Отамга келсак, уни болаларининг тарбиясимас, ўз бизнеси қизиқтирган...

— Ота-онангиз бу одатингиздан қачон хабар топишиди?

— Дадам ўлимидан бир-неча кун аввал билганди. Мен билан жанжаллашаман деб юраги “приступ” бериб қолдию оламдан ўтди.

— Демак, сиз айтганчалик бепарво бўлмаган экан. Йўқса, бу даражада қайғуга тушмасди.

— Билмадим. Балки шундайдир. У киши нуқул сенга ишонаман дерди. Чунки болалигимда дадамни кўп ранжитмаганман. Аслида у кишини тамом қилган молиявий ўйинлар эди. Охирги наитларда ишлари касодга учрай бошлаганди...

— Гапларингизни тинглаб туриб мактабда ростдан ҳам яхши ўқиганлигигизга ишонгим келяпти.

— Шунака. Университетни иккинчи курсдан ташлаб кетдим.

— Бунга нима мажбур қилди?

— Гиёхвандлигим фош бўлиб қолди. Группада гиёхвандлар икки киши эдик. Ҳамтовоғим дарсдан сўнг ҳеч ким йўқ аудиторияга кириб “нича урган”, “доза”ни кўпроқ қабул қилган экан, ўша жойнинг ўзидаёқ бу даҳмазалардан қутулиб қўя қопти. Эртасига уни жочсиз топишгач, текшир-текшир бошланди. Шу баҳона гиёхвандлигим фош бўлди. Университетдан-ку ҳайдалдим, боз устига, қамоқда ҳам тушдим. Дадам аралашиб, чиқариб олди. Касалхонага ётқизмоқчи эди, аммо насиб қилмаган экан...

— Янглишмасам, ўшаңдан бўён орадан иккى йил ўтган, ўзингиз даволанишга ҳаракат қилмадингизми?

— Онам, қариндошларим мажбуrlаб бир марта ётқизиши. Аммо иродам заифлик қилди, қочиб кетдим. Улар мендан юз ўтиришган. Ҳозир алоҳида яшайман.

— Машинани сизга ким олиб берган, ёлғиз яшашга қийналмайсизми?

— Бошида қийналдим. Аммо ўртоқларим ёрда қилишди. Машина ижарага олинган.

— Сизни бу йўлга ўртоқларингиз олиб кирган экан, сиз ҳам ким-видир тортга ўтиреиз?

— Ўртоқларим мени бекорга тортишмаган, уларга пул керак бўлган. Умуман, бу йўлга кирдингми, “савдо-сотик” қилмай иложинг йўқ. Нормал “доза”га ўртача ойлик маош етмайди. “Нинага ўтирган” одам тез орада ҳамма нарсадан, бср бойлигидан ажralади. Хўш, кейин нима қилиш керак? Ё ўтирилик қиласди, ёки бирорта “бели” бақувватни шунга ўргатиб, ўщанинг соясида жон саклайди. Дангалини айтсан, гиёхванднинг камикадзедан фарқи йўқ. Йкковиям ҳам ўзини, ҳам атрофидагиларни хароб қиласди. Бир нечта ўртоғим ортиқча “доза” қабул қилиб ўлиб қолди, яна бир нечтаси хуморига чидолмай жонига қасд қилди. Мениям уларнинг қисмати кутиб турибди. Буни биламан, аммо орқага йўл йўқ...

— Сиз бу гапларни шу қадар совуққонлик билан гапирайпизки, эшитган одамни умидсизлик чулғаб олади. Ахир, сиз ҳам бошқалар қатори соглом ҳаёт кечиришингиз мумкин-ку. Наҳотки даволанишнинг иложи бўлмаса?

— Энди кеч. Бунга иродам етмайди. Ҳаётдан ҳеч қандай маъни топмай қолдим. Эртаю кеч пул топиш учун ишлайман, бор пулимга фақат бир нарса — наркотик оламан. Мен учун вақт ва кўркув тушунчалари йўқолган...

— Оила, бола-чақа ҳақида ўйлаб кўрганимисиз?

— Балки, ўйлагандирман... Йўқ, ўйламаган бўлсам керак... Бошқа саволингиз бўлмаса мен кетаман...

— Нега мен билан учрашишга рози бўлдингиз? Мен гиёҳвандларни ҳиссиётдан йироқ, совуққон одамлар деб юрадим. Сиз айтган сўзлар...

— Ҳиссиётли демоқчимисиз? Ҳис фақат сизларда борми? Сиз олган олий маълумотни мен ҳам оз-моз олганман. Унутманг, одам “зомби”га айланганда ҳам ҳисларидан жудо бўлолмайди. Мени ҳислар тарк этган эмас. Шунинг учун ўз инқизоримни сизга айтиб бердим. Менга ўхшаб адашаётганларга бу сўқмоқнинг охирини кўрсатмоқчи бўлдим...

Агар бу йўлга кириб қолмаганимда, сизга ўхшаб галстук тақиб эл қатори ишлаб юрган бўлардим. Унаштирилган эдим, гиёҳвандлигим фош бўлиб фотиҳа ҳам бузилди. Университетдан ҳайдалдим, яқинларим мендан юз ўгиришди. Одамлар шуларни билсин дедим...

— Яхши, мен айтганларингизни, албатта, ёзаман. Хайрлашиш олдидан исмингизни айтарсиз.

— Йўқ. Биз бошида бундай келишмагандик. Менга ҳали сизнинг исмингизнинг қизиги йўқ. Шартни бузманг.

Мен уни ташқарига қузатиб чиқдим. Машинасига ўтириб, қоронгулик қаърига сингиб ғойиб бўлди...

Мана, азиз ўқувчи, ота-онанинг эътиборсизлиги туфайли гиёҳвандга айланган йигитнинг аянчли қисмати билан танишдингиз. Имкон қадар унинг сўзларини асл ҳолича қолдирмоқчи эдик, аммо “кўчанинг гапи”... Ноилож адабий тилга “ўгиришга” мажбур бўлдик.

У менга ростдан ҳам исмини айтмади. Бироқ бир нарсани — мақолани, албатта, ёзишимни илтимос қилди...

ЖАННАТ ҚИДИРИБ

- *Одам савдоси айни вактда наркотрафик ва қурол-яроғ-сав-досидан кейинги энг йирик қора бизнесга айланди.*
- *Ҳар иши дунё бўйича 4,5 миллион одам шу бизнес қурбонига айланади.*
- *Икки йил ичida хорижда саргардон бўлиб юрган 400 аёл Ўзбе-кистонга қайтарилган.*

Инсон ҳамиша тўкинликка интилиб яшайди. Данғиллама уйжой, сўнгги марқадаги машина, етти маҳалланинг оғзини очириб қўядиган тўйни кимлар орзу қилмайди? Буларнинг ҳаммасига пул керак. Аммо ўша пул осонликча кўлга кирмайди. Уни топишга мислсиз меҳнат, ақлу заковат, олтиндан қиммат лаҳзалар сарф этилади.

Лекин осонгина топилувчи пул илинжида юрганлар ҳам йўқ эмас. Тан олиш керак, бундай тоифанинг кўпчилиги бел оғритмай нон ейишни уddaлашади ҳам. Бироқ қолганлари-чи?

Чув тушган даллол

Уйимизга бир танишим кириб келди. Оғзи қулоғида. Бир пас ўёқ-бу ёқдан валақлашгач, гап орасида ундан юз доллар пул сўрадим.

— Беш юз сўрамайсанми, бермасам, номардман!

У шундай деб чўнтағидан бир даста доллар чиқарди. Рости, ҳайрон қолдим. Фақат маош ҳисобига кун ўтказиб юрган одам шунча пулни қаердан олади?

Ҳайратимни у ҳам сезди шекилли, шоша-пиша изоҳ берди.

— Биттаси билан танишдим. Чет элга ишга жўнатадиган фирманинг вакили. Бир-иккита одам топиб бергандим, ширинкомага учминг доллар инъом қилди!

Танишимни иши юришгани билан қутлаб, юз доллар қарз олиб қолдим. Кўп ўтмай у эскироқ машина ҳам олди...

Яқинда ўша танишим қарзга берган юз долларни муддатидан олдин қайтаришимни сўраб келди. Мен ҳайрон бўлдим...

— Менга бундай қарама, — деди танишим кўзини ерга тикиб, — Ўша одам қаллоб экан. Топиб берган одамларимни чет элга обориб сотиб юборибди. Бечоралар ўлар ҳолатда уйларига зўрға етиб келишган. Ўша ярамасни-ку, тополмадик, энди мени бўғзимдан олишаяпти. Ҳаражатларини тўғрилаб бермасам, судга беришармиш...

Унга қарзимни бердим. Қисқа вақт ичида шўрлик бор-будидан ажралди. Машинасини ҳам, уйини ҳам сотиб, хорижда “ишлаб келганд”ларга берди.

Танишим одам савдоси билан шуғулланувчи учарлардан бирининг тузогига тушган эди...

Жабулийда сўзлайди:

Россияда катта миқдорда маош тўлашлари ҳақида вайда беришиди, аммо етиб борганимиздан кейин паспортларимизни олиб қўйиб, бизнинг ҳуқуқларимиз йўқлигини айтишди... Бизни тутқунликда ушлашарди, кимларгадир дала ҳовли курардик...

Кун давомида бир маҳал овқат беришарди, 4 ой ўтгач, хўжайнинг ўзи “ноқонуний келган”лар деб милицияга топшириб юборди. Ортга қайтишга эса пулимиз йўқ эди...

Қодир, 30 ёш.

Куллик сари йўл

Кейинги вақтлари “одам савдоси” деган сўз қулоққа тез-тез чалинадиган бўлиб қолди. Бу ўтган асрлардаги қул савдоси, деган гапнинг замонавий синоними, десак адашмаймиз. Фикримизни қабул қилиш қийинидир, аммо бугуннинг аччик ҳақиқати шу.

...Туғилиб ўсан қишлоғимга бораётиб, автобусда 30 ёшлардаги йигит билан ёнма-ён ўтириб қолдим.

Вақтни ўтказиш учун сұхбатлашгим келди:

— Худо хоҳласа, уйга, — мамнун жилмайди ҳамроҳим, — Кулликдан — озодликка!

Гапи менга фалати туолганини ўзи ҳам сездими, қулайроқ ўрнашиб, гап бошлади.

“Қишлоқда тинчгина дехқончилигимни қилиб юргандим. Бир куни тогамнинг ўғли келиб: “Мен Россияга кетаяпман, ойига беш юз, кейинроқ минг доллардан ҳақ оламан. Хоҳласангиз, юринг мен билан”, деди.

Аввалига унамадим, лекин тогаваччам қисташини қўймади. Шундай қизиқтиридки, қандай қилиб рози бўлганимни билмай қолдим. Қисталоқнинг тогаваччаси нега бунча куйиб-пишди, десам, кетишга пули йўқ экан. “Менгаям бериб туринг, у ёқса боргандан кейин суришиб кетамиз”, деб ўзи учун ҳам пул тўлашга кўндириди.

Сигиримни сотиб, икки миллион пулни белга туғиб Тошкентга келдик. Чёрний лақабли йигит кутиб олиб ҳар биримиз учун 800

минг сўмдан пул олди. Икки кундан кейин қирқ одам автобусга ўтириб йўлга тушдик. Устюрт орқали Қозогистонга, ундан Россияга ўтдик. Йўл азоби тинка-мадоримизни куритди. Автобус ҳар беш соатда бир тўхтар, йигирма минут нари-берисида танафус бўларди. Узалишнинг иложи йўқ. Бир жойда ўтиравергандан кейин оёқлар шишиб кетар экан. Бир амаллаб Россияяга етдик. Чёрний ҳаммамизни кичикроқ меҳмонхонага жойлаштириб, паспортларимизни йигиб олдида, рўйхатдан ўтказиб келаман, деб фойиб бўлди.

Бир маҳал учта ўрис келиб: “Сизларни Чёрнийдан сотиб олдик. Энди бизга ишлайсизлар. Бош тортганларни милицияга топшириб юборамиз”, дейишиди.

Кўнмасликдан бошқа иложимиз йўқ эди. Бош тортганларни ўлгудай калтаклашди. Шундай қилиб ит куни бошимизга тушди. Бизни эртаю кеч қурилишда ишлатишарди. Ёнимизда ҳеч қандай ҳужжат йўқ. Ётоқхонадан чиқиб кетишга йўл кўйишмайди. Уйга хабар беришнинг иложи йўқ. Бечора тоғаваччам касал бўлиб қолди. Кўлимдан келганича қарадим. Лекин худо пешонамизга айрилиқни ёзган эканми, мени бошқа хўжайинга сотиб юборишиди.

Кўйингки, бир йилда учта хўжайнинг қўлида ишладим. Икки марта қочиб милицияга тушдим. Хўжайнлар қамоқдан чиқариб олиб, аямай калтаклашди. Ҳатто оёғимни уриб синдиришиди.

Шундан сўнг қочиб кетиш мумкин эмаслигини тушундим. Худога тавалло қилиб индамай юравердим. Оллоҳнинг раҳми келди шекилли, учинчи хўжайнинимнинг кўнглига инсоф солди.

У сафарга кетганда ўғли ҳалокатга учради. Видолашиб унга насиб килмаган экан. Дағндан кейин етиб келди. Кечкурун ҳовлисидағи столда йиглаб-йиглаб вино ичиб ўтирганда унга қараб туриб болаларим ёдимга тушдию, мен ҳам йиглаб юбордим. Хўжайн болаларим нечталигини сўради. Кейин эса, “Эрталабгача тайёрлан, сени ўзим қузатаман”, деди-ю яримлаган шишани кўтарганча уйига кириб кетди.

Вой, кувонганимни кўрсангиз эди! Эрталабгача ухлаганим йўқ, гоҳ йиглаб, гоҳ кулиб...”

Ҳамроҳим ҳикоясини давом эттиrolмай йиглаб юборди. Унинг кечмишларини эшишиб келаётган атрофдаги аёллар ҳам кўзларига ёш олишиди. Ўзимча ғўлдираб, унга далда берган бўлдим. Сукунат чўқди...

Жабрдийда сўзлайди:

Мени чет давлатда ишлашим учун сайёҳлик визаси билан олиб чиқишиган экан. Етиб борганимдан кейин паспортимни олиб қўйишиб, “ишлаш”га мажбурлашди.

Уларнинг зулмидан қочиб, кимга мурожаат қилишимни билмай узоқ вақт сарсон бўлиб юрдим.

Оқибатда ўзим билмаган ҳолда, виза системасини бузганликда ҳамда “ноқонуний иш билан шуғулланганлик”да айбланиб, қамоқ жазосига хукм қилиндим.

Диана, 23 ёш.

Дўстимнинг мактуби

Кўпчилик пул топишнинг осонгина йўли хорижда ишлаш деб ҳисоблайди. Бироқ бу тўғримикан?

Агар сиз хорижда қонуний йўл билан ишлаб пул топмоқчи бўлсангиз, қаерда, қайси мамлакатда ишлашингиздан қатъи назар, мамлакатимиз ҳимоясида бўласиз.

Аммо ноқонуний тарзда хорижда ишласангиз, сизни ҳеч ким ўз ҳимоясига олмайди.

Яқинда Туркияда ноқонуний ишлаб юрган дўстимга электрон почтадан мактуб ёзиб, гўёки қийналиб қолганимни, иложи бўлса, хорижга ишга кетмоқчилигимни айтиб, маслаҳат сўрадим. Ундан шундай жавоб келди.

“... биламан, кам маош билан оила боқиш, уй олиш жуда қийин. Лекин фикрингизга қўшилмайман. Сиз чет элда ишлашни ўйляяпсизу, аммо бориш-келиш, жон хавфсизлиги масалаларини ҳисобга олмаяпсиз. Мен буларни шу ерда юриб англадим. Худо кўрсатмасин-у, касал бўлиб қолсангиз, ҳеч ким қарамайди. Ҳаммасига пул керак. Дори-дармон қиммат. Қолаверса, бу ерда ҳам иш топиш осон эмас.

Мен бу гапларни самимий ёзаяпман. Хорижда қиладиган ишни ўзимизда қўлса бундан кўра кўпроқ топиш мумкин. Четга чиқишга кетадиган пулни жойини топиб ишлатса, чакки бўлмайди. Хуллас, кетишдан воз кечинг...”

Мана, чет элда ишлаётган одамнинг фикри. Агар чуқурроқ ўйлаб кўрсак, бу фикрга келиш осон кечмаганини англаймиз.

Республикамизда “Марказий Осиёда одам савдосига қарши кураш” лойиҳаси иш олиб боради. Биз бу лойиҳанинг матбуот координатори Умида Каримова билан учрашиб, унга бир неча савол билан мурожаат қилдик.

Жабрдийда сўзлайди:

Ҳеч қачон қулликка тушиб қоламан деб ўйламагандим. Бу боши берк кўчадан чиқиб кетишга кўп уриндим, бироқ доимий калтакланиш ва зўрланишдан хароб бўлдим...

Малайзияга “сафарим”дан кейин менда дард-алам, камситиш ва хўрланиш ҳисларигина қолди, холос...

Гуля, 20 ёш.

Ўз ҳукуқини билмаслик кулликка етаклайди

— Мамлакатимизда одам савдосининг қурбонига айланавётгандар кўпми?

— Биласизми, фақат бизда эмас, балки бутун дунё учун бу муаммо ғоят долзарб бўлиб қолди. Экспертларнинг маълумотларига қарайдиган бўлсақ, наркографик ва қурол-яроғ савдосидан кейинги йирик қора бизнес одам савдосидир. Минг афсуски, мамлакатимиз ҳам бундан четда эмас. Юргимизда унинг қурбонига айланавётгандар анча. АҚШ давлат департаменти берган статистикаси маълумотларига кўра, бир йилда дунё миқёсида тўрт яром миллиондан ортиқ одам инсон савдосининг қурбонига айланади. Уларнинг катта қисми ўшлар...

— Қайси вилоятларда сиз айтиётган муаммоларга кўпроқ дуч келиш мумкин?

— Асосан Тошкент, ундан кейин Самарқанд, Бухоро, Хоразм вилоятларида. Алдов йўли билан қизларни хорижга олиб чиқиб кўшмачиларга сотиб юборишҳоллари учрайди... Хоразмда асосан меҳнат миграцияси кучли. Бу вилоядда кўпроқ эркаклар одам савдосининг қурбонларига айланмоқда. Улар Россия ва бошқа қўшни давлатларда кулликка тушиб қолаётир.

— Мен асосан қашшоқ мамлакатларнинг фуқаролари одам савдоси қурбонига айланади деб ўйлагандим. Аммо дунё миқёсида бир йилда 4,5 миллион одам сотилишини эшишиб ҳайрон қолдим. Одам савдосининг қурбони бўлганилар орасида ривожланган мамлакатларнинг ҳам фуқаролари борми?

— Биласизми, бунда етказиб берувчи ва қабул қилувчи мамлакатлар бор. Ривожланмаган ёки ривожланавётган мамлакатлар етказиб берувчи бўлса, ривожланган мамлакатлар қабул қилувчи ролинни ўйнайди. Собиқ СССР мамлакатлари одамларни етказиб берувчи мамлакатлар сирасига киради.

— «Марказий Осиёда одам савдосига қарши қураш» лойиҳаси аҳолини бу муаммодан огоҳ этиш борасида қандай ишларни амалга оширади?

— Жуда катта. Масалан, ахборот компаниялари билан кенг қамровда шуғулланамиз. Одам савдоси ҳақида маълумот берувчи ки-

чик буклетлардан тортиб, плакатларгача ёки ижтимоий реклама роликларигача таёrlаймиз.

Буларни тайёрлашда Ички ишлар, Ташқи ишлар ҳамда Меҳнат ва аҳолини ижтимоий ҳимоя қилиш вазирликлари бизга яқиндан ёрдам бермоқдалар. Бизнинг ахборот компаниямизга турли конференциялар, семинар-тренинглар, йиғилишлар, умуман, шу муаммо тўғрисида маълумот берувчи акциялар киради. Юқори синфлар ва коллеж ўкувчилари учун маҳсус акциялар ўтказамиз. Уларда айнан одам савдоси ҳақидаги бадиий ёки ҳужжатли фильмлар намойиш қилинади. “Дугонангга сўзлаб бер”, деб номланган семинар-тренингимиз борки, бу жамоатчилик ишларида энг фаол қизларимизга мўлжалланган. Битта мактабдан ўттизта қиз танлаб олиниб уларга одам савдоси ҳақида кенг тушунча берилади. Мақсад — аҳолини ушбу муаммоларидан хабардор этиш.

Бундан ташқари, маҳалла фаоллари билан ҳам ҳамкорликда ишлаймиз. Чунки чет элга чиқиб кетиш маҳалладан бошланади. Яъни дастлабки ҳужжатлар маҳалладан олинади. Ўша вақтда маҳалла фаоллари бунга ҳушёр қарашлари керак.

— Сиз айттаётган ахборот компаниялари шаҳар аҳолисини информация билан таъминлаяпти. Аммо олис қишлоқларда яшовчи одамларга ахборот етиб бораётгани йўқ. Одам савдоси билан шугулланувчи олчоқлар эса ҳамма жойда ҳозири нозир. Айнан шу муаммони ечиш учун нималар қилинаётир?

— 2001 йилдан бери Ўзбекистонда фаолият олиб бораётган «Истикболли авлод» нодавлат-нотижорат ташкилоти Республикадаги ўнта регионда фаолият юритади. Бу ташкилот ахборот компанияларини фақат марказда эмас, балки олис қишлоқларда ҳам йўлга кўйилган...

— Одам савдосининг ривожланишига сабаб фақат қашшоқлик, деб ўйлайсизми?

— Кўпчилик шундай деб ўйлайди. Одамлар иқтисодий қийинчилик, сабаб, кўпроқ пул топиш учун чет элга кетиб қолаяпти деган қарашни биз биринчи ўринга қўя олмаймиз. Чунки ўтказилган тадқиқотлардан маълумки, юртдошларимизнинг ҳуқуқий билимлари жуда паст. Биз мана шу муаммони биринчи ўринга қўямиз...

Кўпчилик ҳуқуқий билими паст бўлганлиги, одам савдоси ҳақидаги ахборотлардан бехабарлиги оқибатида ана шундай муаммоларга дуч келаяпти.

Республикамиз мустақил бўлгач, биз шундай ҳуқуқларга эга

бўлдикки, энди ҳеч ким бизни хорижга чиқиш ҳукуқидан маҳрум этолмайди. Мамлакатимиз фуқароларининг муҳожирликда ҳам бир талай ҳукуқлари бор. Уларни билиш ва фойдаланиш лозим...

— Кўпинча турли интернет сайтларида, хорижий матбуот саҳифаларида “Ўзбекистонда одам савдоси билан боғлиқ муаммолар кўпайиб кетаяпти. Ҳукумат уларга қарши курашмаяпти”, деган гаплар юради...

— Бу ёлғон. Ҳукумат ҳамиша уларга қарши кураш олиб борган. Бизнинг ташкилотимиз борлиги, шунча ишларнинг амалга оширилаётганилиги ва бунда ҳукуматнинг энг кўзга кўринган вазирлеклари биз билан ҳамкорлик қилаётганилиги бунинг исботи. Қолаверса, журналистлар ҳам жим турғанлари йўқ. Аҳолини имкони борича янги-янги ахборотлар билан таъминлаб турибди.

Кўпинча бизда шундай конференциялар ўтадики, унга журналистларни таклиф қилолмаймиз. Чунки бу ерда одам савдосининг қурбонига айланганлар тақдиди ҳал қилинади. Улар ҳақида мътлумот беришга, қаерга бориб, нима иш билан шуғулланиб келганини, яшаш манзилини ошкор этишга ҳаққимиз йўқ. Бу шарқона одоб-ахлоққа ҳам тўғри келмайди...

— Яқинда СПИДга чалингандарга ёрдам берувчи ишонч марказларидан бирига боришга тўғри келди. У ерда мени ажаблантиргани кўнгиллилар гуруҳи бўлди. Улар келгандарга ўз бошидан кечирган азоб-уқубатларини гапириб бериб, бу йўлга кирмасликни, кирган бўлса қайтишни тарғиб қилишаркан. Сизларда ҳам ана шундай кўнгиллилар борми?

— Кўпчилик ўз азоб-уқубатларини сўзлаб бериб, алданмасликни тарғиб қиласди. Баъзи қурбонлар эса йўқ. Чунки менталитетимиз бунга йўл кўймаса керак. Шунинг учун бизда қурбонлар иштирокида информацион компаниялар ўтказиш жуда қийин. Бир қанчада вақт муқаддам олти вилоятда тадқиқот ўтказдим. Буни қаранг, иккита ёнма-ён яшаётган қўшниларнинг бирининг қизи алданган. Аммо ёнидаги қўшниси бундан бехабар. Чунки ҳеч ким “Менинг қизим чет элга бориб мажбурий фоҳишалик билан шуғулланиб келди”, демайди. Негаки, жамиятимиз бундайларни ўзидан бадарга қиласди.

Бизнинг вазифамиз эса, жамиятдаги ана шундай қарашларни ўзгартириш. Одам савдосининг қурбони бўлган қизлар фоҳиша эмас. Биз фоҳишалар билан шуғулланмаймиз. Одам савдоси билан фоҳишабозлик айри-айри муаммо. Аммо кўпчилик буларни бир-би-

рига қўшиб юборади. Ахир мажбур қилиш билан ихтиёр этишнинг фарқи бор-ку!..

Алдов йўли билан чет элга чиқиб кетган қизларни лаънатлашга ҳаққимиз йўқ. Ҳукуқий билимсизлиги, иқтисодий ноchorлиги, умуман оиласдаги вазият носоғлом бўлганлиги учун ана шу муаммолар билан юзма-юз қолишган.

Такрор айтаман, уларни камситишга, хўрлашга ҳаққимиз йўқ! Курбонларни жамиятга қайтаришимиз керак.

Энг ёмони, алданган қизлар, ўзини алдаган одамларни таниб, кўриб-билиб туриб ҳам судга беролмайди. Чунки гап-сўз, жамиятдан узилиб қолишдан кўрқади. Шунинг учун бу жуда нозик масала: Лекин шундай қизлар борки, ҳамма маъсулиятни бўйнига олиб, конференцияларда ўз кечмишларини сўзлаб берадилар. Радио, телевидение, матбуотга интервью беришади.

Афсуски, кўпчилик уларни тўғри тушунмайди. Ўта кескин саволлар билан қўнглини совитишади...

— Айнан қизлар бўлиши шартмас-ку, эркаклар ҳам гапириб бериши мумкин...

— Тўғри, эркаклар ҳам бўлиши мумкин. Аммо лойиҳамиз асосан аёллар билан ишлайди.

— Бундан хорижда алданиб қулликка тушиб қолган эркаклар сизларни қизиқтирумайди деган хulosса чиқади, шундайми?

— Асло! Демоқчиманки, бизнинг асосий эътиборимиз аёлларга қаратилган. Аммо бундан юқоридагидай хulosса келиб чиқмаслиги керак. Фаолиятимиз давомида ўттиздан ортиқ эркакни Россия ва бошқа мамлакатлардан қайтариб олиб келдик...

— Хорижда ишлашни, асосан, қайси ташкилот назорат қиласди? Ўзбекистоннинг қайси мамлакатлар билан ишчиларни айрибошлиш борасида шартномалари бор?

— Хорижда ишлаш Мехнат ва аҳолини ижтимоий муҳофаза қилиш вазирлиги орқали назорат қилинади. Айни вақтда фақат мамлакатимиз билан Жанубий Корея ўртасида ишчиларни айрибошлиш ҳақида шартнома мавжуд.

— Туркия, Америка, Россия каби мамлакатлар билан ҳам шартнома бор дейишади?..

— Йўқ. Туркия, Америка, Арабистон ва Европа мамлакатларида ишлаб келаётганлар бор. Аммо ноқонуний. Бу ўз жонини гаровга қўйиб ишлаш билан teng...

— Демак, бизда хорижга ишчи кучи етказиб берувчи фирмалар

йўқ ва менинг шундай фирмам бор деб юрганлар товламачилардан ўзга кимсалар эмас...

— Тўғри, улар уюшган жиноятчилар гуруҳи аъзолари ёки уларнинг вакиллари. Ҳеч қачон ҳеч ким бунаقا ишларни ёлғиз қилолмайди. Одам савдоси бугунги кунда ривожланган уюшган жиноятчиликка айланиб қолди. Бунда битта оддий қўчада алдаб юрувчидан хориждаги бошқарувчигача бўлган занжир бор.

Давлат ташкилотларида, паспорт столида, ҳаттоқи ички ишлар идораларида ҳам бу тўданинг ўз аъзолари мавжуд...

— **Наҳотки, алданганлар ҳеч қандай ҳуқуққа эга бўлмаса?**

— Агар эътибор берган бўлсангиз, паспортиңгизнинг ички томонига “Паспорт Ўзбекистон Республикаси мулкидир. Ушбу паспортнинг эгаси Ўзбекистон Республикасининг ҳимоясидадир”, деб ёзиб қўйилган.

Паспорти тортиб олинган ҳамда ҳеч қандай ҳужжатга эга бўлмаган одам қандай ҳуқуққа эга бўлиши мумкин...

— Сиз билан долзарб алоқа тармоғи орқали боғландим. Бу фаяқат журналистлар учунмасдир?..

— Сизга ташкилотимиз одам савдосига қарши курашиши билан бирга, қурбонларни қидириб топиш ва юртимизга қайтариш билан ҳам шуғулланишини айтиб ўтдим. Ҳозиргacha 400 га яқин қизни турли мамлакатлардан қайтариб олиб келдик. Бунга долзарб алоқа тармоғи орқали тушган хабарлар сабаб бўлди. Ҳозир ушбу тармоқ республика бўйича фаолият олиб бораётпти.

Бизга тармоқ орқали кўпчилик қўнғироқ қилиб, маслаҳат сўрайди ё қайтиб келиб ёрдамга муҳтож бўлиб қолганлигини билдиришади ёки хорижга кетиб қайтиб келмаётган яқинлари ҳақида хабар беришади. Биз уларнинг шахсими аниқлаб, тегишли ташкилотлар билан ҳамкорликда топишга ҳаракат қиласмиз.

— **Қайтиб келганларга қандай ёрдам қўрсатасизлар?**

— Очигини айтсам, қайтганларнинг баъзилари ҳеч кими йўқ, бошпанага ёки психологик ёрдамга муҳтож қизлар. Ҳозирча бизнинг улар учун бошпанамиз бор ва кўпчилик қизлар жамиятга қўшилгунча ўша ерда яшаб турадилар...

Жабрдийда сўзлайди:

Кафеда бизнинг ёнимизга жуда мулойим аёл келиб, Истроилда ишлаб мўмайгина пул топиш мумкинлигини айтди. Ҳоҳиш устун келиб дугонам иккимиз қизиқиб қолдик. Ҳеч нарсани билмай туриб, боришга қарор қилдик.

Хозир биз уйдамиз, бироқ ҳанузгача саҳроларда, автомат нишонлари остида юрганларимиз тушларимга киради. Бизга ваъда қилиниб, қизиқтирган пулларни эса ишлаб ҳам топа олмадик.

Оксана 19 ёш

Бу сўнгти сўз эмас...

Ушбу мақолани ёзишга анча вақт тайёргарлик кўрдим. Ўзим кўрган, учрашган қурбонларнинг ҳикояларидан, иқрорларидан чиқарган холосам шу бўлди: “Ҳар ерни қилма орзу, ҳар ерда бор тошу тарозу”. Отам бир гапни бот-бот такрорлайди: “Бирор ерга киришдан олдин, чиқиши ўйлаш керак”.

Орамизда ҳалигача таваккал қилувчилар кўплаб топилади. Буни мақолани тайёрлаш жараёнида Тошкент яқинидаги Фишткўприк чегара постида кузатгандарим: ёлланиб, таваккал қилганича қўшни республикаларга ўтиб кетаётган юртдошларимиз ҳам исботлаб турибди.

Уларга айтар гапим битта: хомхаёл бўлманг, қулликка маҳкум этилган йигитлар, фоҳишлиқ билан шугулланишга мажбурланган қизлар қисматидан холоса чиқаринг.

Одам савдоси билан шугулланиш барча мамлакатларда қонунан таъкидланган, аммо бу дунё миқёсида кенг ёйилган жиноий бизнесdir. Бу жиноят Ўзбекистон Республикаси Жиноят кодексининг 135 - моддасида ўз ифодасини топган.

Эҳтиёт бўлинг! Одам савдосининг қурбонига айланиб қолманг!..

НАВҚИРОН НИГОХ

Фикрсизлик — фожеа. Ўз нуқтаи назарига эга бўлмаган одам ҳар нарсани ўзгалар фикри билан ўлчашга маҳкум. Менингча, Сиз ўқиб чиққан ушбу китобдаги ҳар бир публицистик асарда муаллифнинг ўз қараши, ўз фикри сезилиб туради. Бу хислат бугун ижод қилаётган умидли қаламкашларга хос.

Журналистнинг нони қаттиқ. Бу гап, шубҳасиз, шу куннинг муҳим муаммоларини кўтариб чиқаётган қаламкашларга тегишли. Абдулҳамид ана шундай ёшлардан. У турмушимизнинг кўпчиликни қийнаб келаётган муаммоларини навқирон нигоҳ билан илраб олади, уларни, имкони борича, чуқурроқ тадқиқ-таҳлил этишга уринади. Айрим мавзулар устида ойлаб ишлашдан эринмайди. Ўқувчида фикр уйғотишни бурчи деб билади. Бу журналист учун муҳим хислат.

“Сўнги қўнғироқдан кейин...” китоби бунинг бир далилидир. Айниқса, одам савдоси, гиёҳвандлик, бугунги ёшлар ахлоқига бағишиланган мақола ва очерклар, атоқли романнавис Пиримқул Қодиров, ҳажв устаси Невмат Аминов, Ўзбекистонда Шарқ якка-кураши — каратэ ривожига улкан ҳисса қўшаётган спорт устаси Нурхон Нафасов, кураш устаси Аъзамжон Шокиржонов, олим — Абдусалом Умаров билан суҳбатлар ўқувчини бефарқ қолдирмайди. Улар ҳозирги турмушимиз ҳақида ўйлашга, фикрлашга, мулоҳаза юритишга даъват этади.

Махмуд САЪДИЙ,
Ўзбекистонда хизмат
кўрсатган журналист

МУНДАРИЖА

Яхши ният билан.....	3
----------------------	---

ХАЁТ МАНГУ МАКТАБ

Одамийлик кўрки ёхуд саломлашув одоби хусусида.....	6
Сўнги кўнгироқдан кейин.....	11
Миллатнинг юзи.....	15
Интернет кафедаги болалар.....	17
Ногиронликка сабабчи никоҳ.....	21
Қурбақанинг ўлими.....	25
Қош қўяман деб.....	27
Чет элдан келтирилган хўрозқанд.....	30
Губернаторнинг махфий буйруғи.....	34
Экранга бекинган хавф.....	36
Кафтдан тирсаккача.....	39
Учинчи фасл.....	41
Зиёрат одоби.....	44
Ҳукмбардор педагогика.....	51
Тўйми ёхуд майшатпарастлик?.....	56

ЖАҲОН ИЧРА ЖАҲОНЛАР...

Ҳаётдан нима изладиму нима топдим.....	62
Ҳажв виждон иши.....	68
Мутолаа эртақдан бошланади.....	74
Биз қоламиз чалиб чалак.....	79
Каратэ руҳни чиниқтиради.....	83
Энг катта тўсиқ.....	87

АҚЛ ТЎХТАГАН ЖОЙДА

Ўн етти йилга татиган ”Юз-юз“.....	92
Нафс маҳкумлари.....	95
Таназзул.....	99
Жаннат қидириб.....	103

Навқирон нигоҳ.....	113
---------------------	-----

Абдулҳамид МУХТОРОВ

СҮНГИ ҚҮНФИРОКДАН КЕЙИН...

Нашр учун масъул муҳаррир *Б. АКРАМОВ*

Муҳаррирлар *М. САЪДИЙ, А. ОТАБОЕВ*

Бадиий муҳаррир *Ҳ. ХУДОЙБЕРДИЕВ*

Техник муҳаррир *Т. СМИРНОВА*

Мусаҳҳиҳ *Ҳ. НИШОННОВ*

Саҳифаловчи *Б. ИРИСБОЕВ*

Босишига руҳсат этилди 29.04.2006.

Бичими 60x84 1/16. Шартли босма табоги 7,25.

Адади 1 000 Буюртма №75.

Баҳоси келишилган нархда.

Оригинал макет “Medianashr” МЧЖ
компьютер марказида тайёрланди.

Алишер Навоий номидаги Ўзбекистон
Миллий қутубхонаси нашриёти

Алишер Навоий номидаги Ўзбекистон
Миллий қутубхонаси босмахонаси.
Тошкент, Ҳ.Сулаймонова қўчаси, 33.

“MEDIANASHR”
масъулияти чекланган жамияти
куйидаги матбаа хизматларини
амалга оширади:

Журналлар, газеталар, китоблар ва бошқа босма маҳсулотларининг оригинал макетини тайёрлаш;

Ташқи ва ички рекламалар;

Таклифномалар, визиткалар, конвертлар, плакатлар, этикет-калар, календарлар, буклетлар;

Мұхаррирлік, таржимонлық ва мусаффиҳлик ишлари;

Компьютерда сағифалаш, дизайн ишлари.

Маълумот учун телефонылар:

139-41-24,
332-95-91,
333-27-28

E-mail: abdul_hamid@mail.ru